

4  
5  
EPISTOLA FAMILIARIS  
AD REVERENDVM AC EXIMIVM PATREM  
HENRICVM NORIS,  
VERONENSEM,  
Ordinis Eremitarum S. Augustini, S. Theologiæ  
Doctorem ac Professore,em,

Q U A

F. CHRISTIANVS LVPVS,

Eodem in Ordine S. Theol. Doctor & Professor,

QUIBUSDAM AD NONNULLA NUPERÆ SUE

DE CHRISTIANA

CONTRITIONE

DISSERTATIONIS CAPITA HÆSITANTIBVS,

Juxta Apostoli Mandatum, humiliter  
conatur dare rationes.



EVIGET CRUCIS MYSTERIVM.

L O V A N I I,

Apud Hæredes BERNARDINI MASII sub viridi Cruce, Anno 1667.



ADMODUM REVERENDO ET EXIMIO PATRI,  
**P. HENRICO NORIS,**  
 V E R O N E N S I,  
 ORDINIS EREMIT. S. AUGUSTINI,  
 S. Theologiæ Doctore ac Professore, &c.  
**F. CHRISTIANVS LVPVS,**

*Eiusdem Augustiniana Familiae*

ALUMNUS INUTILIS,

Et sola Dei patientia in Alma Lovaniensi Uni-  
 versitate Doctore S. Th. ac Professor, S. P. D.

ADMODUM REVERENDE AC EXIMIE CONFRATER,



*Amicus fidelis, protectio fortis: Qui autem invenit illum, invenit thesaurum. Amico fideli nulla est comparatio: Et non est digna ponderatio auri & argenti contra bonitatem fidei illius. Amicus fidelis, medicamentum vitæ & immortalitatis: Et qui metuunt Dominum, invenient illum.* Eccles. 6.

Tali Amico, in cujus charitatem, præsertim sæculi scandalis sese fatigatum, cum cunctis suis cogitationibus & consilijs totum projiceret, securè illic quieturus, indignis fatetur etiam sanctus Augustinus. Ego peccatorum meorum victrici gratiæ deputo, non dumtaxat quod Dominum Deum timere ac diligere sim conatus huc usque, sed & quod te, Clarissimi Parentis tui, nec non Eruditissimi conterranei tui Onufrij Panuini vestigijs insigniter inhaerentem, idedque non solum scholasticâ atque dogmaticâ Theologiâ, sed & profusâ ac sacrâ antiquitate instructum eximie, talem invenerim thesaurum. O quoties, primates almæ Urbis Basilicas adeundo, de avjris & Republicæ & Ecclesiæ illic actis instruebas eruditissimè! Certe

l. 21. c. 30.

quod in S. Hieronymo per Gallicanam & Græcam, in me per Italianam peregrinationem Divina Clementia est operata. Reperi illic plures Gregorios Nazianzenos. Quæ omnia dum memoriam revolvo, mente reportor in Italiam, acerbè dolens necdum adesse illam beati corporis dotem, quam in libris de Civitate Dei laudat S. Augustinus: *Vbi voles spiritus, ibi protinus erit & corpus.* Quod ergo lingua nequeat, res nostrates ambit hæc tibi Epistola notificare.

## CAPUT PRIMUM.

*Exponitur Dissertationis, nec non & huius Epistolæ scribenda ratio.*

QUOD Apostolica Sedes, & Dominus noster Rex Catholicus numerosissimos adhuc & ferventissimos Fideles in Belgio habeant post nuperum Lutheranz & Calvinianæ hæreseos diluvium, est adoranda solius Dei in nos Clementia, insigniter uti dignata ministerio hujus Almæ Scholæ Lovaniensis. Hæc enim utrique turbini adeo generosè restitit, ut relatis à se ac impugnatissimis orthodoxis dogmatibus Lutherus passim adscriberet hunc marginalem sarcasmum: *Lovanialiter.* Ita sperabat Majorum nostrorum ictus illudere. Et hinc utraque ista crudelissima factio, dum colligata omnes ferè Belgij Civitates vastavit ac profanavit Ecclesias, hoc Lovaniense, cui nullum humani munimentum robur, nunquam oppidum valuit pervadere: Quod Divina Clementia misereri adhuc vellet genti nostræ, atque ita reparandæ Fidei scholam hanc servaret. Quæ Patrum corda adhuc vivunt in Filijs: Quidquid zizaniorum Dominico apud nos agro inimicus homo superseminavit hætenus aut superseminaturus est, facilliter eradicârunt Parentes nostri, speramusque ab omnipotente Dei gratia subministrandas etiam nobis & nostris usque ad sæculi finem posteris vires, quibus eradicemus.

Duram nobis luctam nuper fecit quispiam è Regularibus, quos de Domini Jesu Societate vocant, Clericis homo Siculus, Thomas Tamburinus, cujus *expedita*, uti inscribitur, *Decalogi explicatio* huc deportata fuit, & typis vulgata apud Insulas, oppidum Diœcesis Tornacensis. Est compedita, non expedita explicatio: Humanum genus non à multo, uti tentat, Divinarum ac humanarum legum iugo, sed in miserandum ipsarum contemptum ac libertinam prævaricationem expedit, nec unum de minimis, sed multa etiam de maximis mandatis solvit, & sic docet homines, atque ita Authorem suum cum omnibus in ejus errorem seductis facit esse minimos in regno cælorum. *Disiges*

*Deum Deum tuum ex toto corde tuo, est summum ac primum, aded-  
 què, rigidum æternæ legis mandatum, ut mens nostra, quæ ad instar  
 ardis semper sine feriis est in motu, ejus virtualem, quem mentis ha-  
 bitum ac animi præparationem sanctus Augustinus passim appellat,  
 actum nec ad unum temporis instans, siquidem antiquis Doctoribus  
 credimus, possit interpolare. Quoties mentis supra ipsum reflexio obli-  
 get, est antiqua scholæ quæstio: Quorundam singulis dumtaxat Domi-  
 nicis diebus obligare opinantur: ù sententia à multis meritis judicatur ni-  
 mis laxa. At verò dictus Tamburinus nec in rationis ingressu, nec in  
 mortis exitu, nulloque vitæ tempore asserit ipsum Divinæ Dilectionis  
 actum esse necessarium: Ait Præceptum Charitatis impositum fuisse ob  
 Iustificationem impij; solum igitur obligare, quando impius, quia Sacramen-  
 tum Pœnitentiæ non est in promptu, non habet aliam viam, quâ se iustificet,  
 nisi eliciat actum Contritionis, quæ semper aliquo tandem modo actum amo-  
 ru Dei super omnia dilecti involvit. Consequenter igitur & inditecè, ratione  
 sua Iustificationis, ad actum Charitatis fideles obligantur. Eam, quæ nec  
 in mortis exitu nos ad Deum diligendum obliget, sententiam asseve-  
 rat esse probabilem & tenuissimam.*

Part. 3. c. 3.  
para. 2.

Ad istas Siciliæ merces in memoriam nobis venit S. Gregorij Ma-  
 gni ad sanctum Maximianum Siracusæ Antistitem epistola: *Tanta nobis  
 subinde mala, quæ aguntur in ista Provincia, nunciantur, ut peccati facien-  
 tibus, quod avertat Omnipotens Deus, celeriter eam perituram credamus. A  
 viro, omnia ad maiorem Dei gloriam agere professo, prodire tam mon-  
 struosum dogma plurimi sunt admirati. Hinc & ipsum constanter inva-  
 serunt, adjuvitque divinitus inspirata beatissimi Patris nostri, cui deus  
 Deus annos de nostris, Alexandri septimi sollicitudo pastoralis, anno  
 1669. damnans hunc articulum: Homo nullo unquam vita sue tempore  
 reneatur elicere actum Fidei, Spei, Charitatis, ex vi Præceptorum Divinorum  
 ad eas virtutes spectantium.*

l. 3. epist. 14

Ex eadem pharetra prodijt apud nos & Flandricus puerorum Cate-  
 chismus, affirmans purum putum gehennarum servile metum, eoq; olo-  
 tinctum & formatum de peccatis dolorem esse cum Christianæ Rege-  
 nerationis, ac præsertim Reconciliationis Sacramento dispositionem &  
 causam sufficientem ad obtinendam Divinæ misericordiæ gratiam ac  
 remissionem peccatorum. In opusculo de Regia Institutione Jonas,  
 qui sub Ludovici Pij Imperio floruit, Aurelianensis Ecclesiæ doctissi-  
 mus Episcopus scribit charitatem esse decus Christianitatis, totiusq; fi-  
 dei nostra summam, multorum in cordibus non regnare lamentatur, & post  
 multa ejus encomia adjungit: *Miserabiliter planè decipiuntur plerique,  
 qui sine charitate aut Deo placere, aut ad eum se putant pervenire. Hinc*

Cap. 9.

scabiosus ille, quod pueris cepisset tradi, catechismus gravia apud quosdam litigia peperit, tandemq; fuit merito abolitus & circumscriptus. Nulla enim circa fidem corruptela est facilior ac peior, quam pueri. Hæc tamen circumscriptio non frænavit quorundam Concionatorum linguas: Adversus Dei charitatem perrexerunt declamare, & infirmas Christianæ Plebis conscientias duro scandalo percusserunt. Quid ad hæc cum tripudio dicant vicini & permixti nobis hæretici, perpendat vestra Prudentia. Paucorum nugæ derivant in cunctos: Ab omni Papistica Ecclesia existimant inferri bellum Divinæ, quâ solâ Magister Deus veros suos discipulos discrevit à falsis, charitati. Jam pridem mihi placet quod sancto Augustino scripsit sanctus Hieronymus: *Si tuam vi vel exercere vel ostentare doctrinam, quare iuvenes & desertos, qui possint & audeant tecum congregari.* Aliud non ambio, quam latitare in monasterio, & antequam ad supremum evocer Tribunal, malè impensos adolescentiæ ac juventutis meæ dies plangere, ac totius vitæ peccata in silentio deplorare. Et quishodie grassantem, etiam in Christiani dogmatis elucidatione, verborum pugnam & caninam facundiam non aversetur? Ne tamen Matri Ecclesiæ deesse, & acceptum à Domino talentum in terra aut sub modio abscondere viderer, magnorum Virorum consilijs cedens scripsi dogmaticam Dissertationculam, dictum dicti Catechismi articulum ostendere conatus profanum, & unanimi SS. Patrum confessioni, Apostolicæque traditioni penitus adversum. Doctoris ministerium honorificare studui, & non recedere ab hocce monito S. Nili Abbatis: *Satiùs est temerè mittere lapidem, quàm verbum.* — Et multorum in cordibus laudatur Deus dedisse aliquod incrementum.

Verùm uti palato non sano pena est panis, ita egro mentis oculo odiosa est veritatis lux. Hinc boni quidam viri pauca mea folia acerbè lacerarunt, spondentes brevi per Sedem Apostolicam damnanda. Et sponsonem adimplere fuerint omninò conati. Verùm nosti à Synodo Chalcedonenfis factas S. Pontifici Leoni Magno acclamationes: *Petrus per Leonem locutus est, Leoni vita, Leoni multos annos.* Eundem in modum Beatissimo Patri nostro Alexandro VII. qui multos morales Pseudo-theologiæ libertinos, & Christianæ disciplinæ corruptivos articulos proscripsit, & adhuc pergit proscribere, acclamat nunc universa Ecclesia, ab omni ejusmodi macula & ruga confidens se brevi liberandam. Acclamat & Eminentissimo Principi ac Reverendissimo Patri Francisco Cardinali Barberino, Ecclesiæ Hostiensis Episcopo, & sacri Collegij Decano, qui varijs per D. Lucam Holstenium nuper collectis & vulgatis antiquarum Synodorum, Apostolicarum Litte-

rarum,



rarum, & sacrorum Canonum monumentis præfigere dignatus est hocce elogium: *Concors opinio est, multa in hac collectione reperiri, quæ orthodoxum dogma sanciant, quæ lura vetera Sedis Apostolica illustrent, quæ laxitatem obrepentem bodiæniæ moribus cunctis quasi severioris discipline veteris adstringant, quæ denique plerisque iniquis huius & fœdissimi sæculi malis, maxime autem pruriginis morisatum, quæ cæterarum ferè pestium fons est, aptissimum remedium esse possint.* Abluit ea, quibus Apostolicum Christianitatis dogma & avitam disciplinam ex authenticis Evangelici Depositi archivis producimus, & adversum novis iniquitatorum ingeniorum pruritus defendimus, sub tanto Pontifice ac tanto sacri Collegii Primatè damnati, aut de damnatione periclitari metuamus.

Et hæc quorundam desperatio peperit nobis spectaculum, quale in Carthaginensi amphitheatro visum à se testatur in libro apologetico Septimius Tertullianus: *Nova iam Dei nostri in ista civitate editio publicata est, ex quo quidam frustrandis bestis maneratis noxiæ picturæ proposuit cum eiusmodi inscriptione, DEUS CHRISTIANORUM ONOCHORTES. Is erat autibus asininis, altero pede ungulatus, libram gestans, & rogatus. Rismum & nomen & formam.* Quis vel qualis, quod sine statuis & imaginibus coleretur, esset Christianorum Deus, ignorabat, idcirco &, vivum & verum non arbitrata, spernebat cæca Gentilitas: Hinc in tantas blasphemias prorupit. Pessima blasphemia est postmodum per hæreticos à Domino Deo in ejus Evangelicum dogma, fidosque ejus defensores traducta. Nonnè enim Pelagianorum Goliath Julianus orthodoxum Ecclesiæ de originis peccato dogma pessimis de damnatis nuptiis, de rediæta duplicis Divinitatis fabula, de Deo autore peccati, de everfo libero arbitrio, de carnali animarum traduce, pluribusque ejusmodi calumniis circumvolvit, atque ita projecit in vulgus, clamans: *Ecce dogma Romanorum?* Nonnè ejus defensorem S. Augustinum ubique buccinavit esse Traducianum, Manichæum, Venustianum? Calumniæ spiritum cunctis semper inuisse hæreticis, possit lucidè ostendi. Quod superbus & contumax hæreticorum spiritus semper Ecclesiâ accuset, alicubi rectè scripsit Facundus Episcopus Hermianensis. Quin pessimam scabiem afflicuerunt hæretici etiam Catholiceis, de quibus in Præfatione ad objectiones Vincentianas sanctus Prosper Episcopus Rejenfis: *Quidam Christiana ac fraterna caritatis obliti, in tantum exi-  
firmationem nostram quoquo modo student lacerare, ut suam se evertere nocendi cupiditate non videant. Contextunt enim, & qualibus possunt sententiis comprehendunt ineptissimam quorundam blasphemiarum prodigiosa mendacia, eaq; ostendenda & ingerenda multi publicè privatimq; circumferunt,*

runt, afferentes talia in nostro esse sensu, qualia diabolico continentur indiculo, qua falid in nos ad excitandam invidiam iactitari, facili & sufficienter subscriptione unius probaremus anathematis, nisi malignitas eorum, qui se gravari putant, si de nobis bene sentiatur, ipsam subscriptionis nostra brevitate suspectam esse habitura. Impij in circuitu ambulantes impiorum præsertim caput diabolus, miserum humanum genus conatus semper circumducere in eisdem gyros erroris aut malæ voluntatis. Ejusmodi enim per ipsum spectacula cogimur & nos videre: Productorum quidem monstrorum ridemus & nomen & formam; verum ipsorum fabricatores, quod Fratres nostri sint etiam ex Matre Catholica, non possumus non de flere.

Ex dicta Societate nescio quis Clericus meam de Christiana Contritione Dissertatiunculam multis circumvestivit sædorum errorum & calumniarum pannis, atque ita projecit in vulgus, vociferans me sentire cum Cornelio Jansenio, Iprensium nuper Episcopo, imò & cum Martino Luthero: Quod dicam Christianam Atritionem, seu imperfectam Contritionem, ut vera sit, formari oportere ac procedere ex Dei Charitate, quæ licet non viribus, tamen affectu sit super omnia; quod talem Contritionem affirmem esse necessariam etiam per Baptismatis aut Pœnitentiæ Sacramenta adipiscendam Justificationis dispositionem & causam, adeoque sine illa nullam esse spem salutis. Certè etiam S. Joannes Apostolus scribit nos, utique per Christianæ Regenerationis Sacramentum, esse *translatos de morte ad vitam, quoniam diligimus Fratres*. Hæc est definitiva ejusdem sententia: *Qui non diligit, manet in morte*. Et sanctus Paulus Apostolus prædicat charitatem omni charismate esse excellentiorem, sine qua nec Angelicæ linguæ donum, nec Prophetia, nec largissima eleè nosyna, nec ullum Sacramentum, nec ipsum etiam Martyrium possit prodesse. Et ipse Magister Deus clamat: *Qui non diligit, sermones meos non servat*. Et ipsa Martini Lutheri damnatrix Tridentina Synodus statuit: *Si quis dixerit sine præveniente Spiritu sancti inspiratione, atque eius adiutorio, hominem credere, sperare, diligere, aut pœnitere posse sicut oportet, ut ei justificationis gratia conferatur, anathema sit*. Quid ergo superest nisi ut quis rixator etiam hos omnes dicat fuisse Jansenistas ac Lutheranos? Novi sui à vetere Testamento palmare discrimen Dominus Jesus sanxit esse seu vilem timorem ac filialem amorem: Quisquis nos solo timore justificandos promittit, benedicti Sanguinis exultat pretium, suadetque nos è Christianis fieri Judæos.

*Charitas pateriens est, benigna est, non amulatur, non agit perperam, non inflatur, non irritatur, non cogitat malum*. Exagitantis styli libidinis est amari



*amari zeli scetus, cuius elogia non à me, sed à sancto Jacobo Apostolo malim audiri. Desursum sapientia est pudica, pacifica, modesta, suavis, plena misericordia, non iudicans: Longè minùs maledicens. Et hinc ad Remensis Provinciæ Episcopos, qui in nescio qua quæstione Successionis Ecclesiæ Clericos hæresis aut sacrilegij notârunt, rectè scribit S. Ivo Episcopus Carnutensis: Habetis in Heptatico, quia in contentione duorum qui ad alterius pudenda manum miserit, lapidibus obruatur. Quod quid est aliud dicere, nisi qui in aliqua disceptatione in aliquem convitiosa verba protulerit, ab omnibus duriter arguatur. Certè inter crimina, ob quæ sanctum Joannem Chrysostomum damnavit Synodus ad Quercum, fuit & hoc: Quod sanctum Epiphanium, utique in disputatione, delitum, & parvum demonium appellasset. Joannem Ravennatis Ecclesiæ Metropolitam, quod vel famulos suos inconcinnis titularet elogijs, gravissimè increpavit sanctus Gregorius magnus. Nos interim Theologi Doctores gaudemus illo Episcoporum privilegio, de quo idem Pontifex ad Constantium Archi-Episcopum Mediolanensem: In corporali pralio fieri solet, ut is, qui in certamine vexillum portat, ipsum hostium vehementer impetat, quatenus si ipse, qui à cateris attenditur, vulnus acceperit, multitudo omnium citius dispersa capiatur. Sumus signum ad sagittam, patemus multis invidiæ jaculis, & ad Ermengardem Augustam de diabolo scribit apud Flodoardum Hincmarus Metropoli Remensis: Si non possis in alio, in hoc vult etiam piorum hominum intensionem suscare, ut eam faciat in indebita de Sacerdotibus, quibus in ministerij ac onerum partem & subsidium Ecclesia adjunxit publicos sacræ Paginæ Professores, opinione ambulare. Nobis figere, & adimplere debemus germanè Christianam legem, existentem in Codice Theodosiano, quam sibi ipsis ad Rustinum, Orientalis Prætorij Præfectum, scripserunt totius orbis Domini Augusti, Theodosius, Arcadius, & Honorius: Si quis modestia nescius, & pudori ignarus, improbo peculantiq; maledictio nomina nostra crediderit lacessenda, ac remulencia turbulentius obtretractor temporum fuerit, eum pœna nolumus subiugari, neque durum aliquid nec asperum sustinere. Quoniam si id ex levitate processerit, contemnendum est; si ex insania, miseratione dignissimum; si ab iniuria, remittendum. Ira viri, uti non operatur Justiciam, ita nec videt veritatem. Ad sanctum Augustinum, & Pascentium Comitem Arianum, de dogmate conlaturus, rectè præfatus est clarissimus vir Laurentius: De Deo disputans animus debet serenior inveniri, quia repulsis animositate caliginibus, menti sese pura ad intelligendam naturæ suæ magnitudinem facilius sese offert. Mentis nostræ oculus ad contemplanda Divina infirmus ex contentione fit etiam turbulentus. Rectè tamen in primo adversus san-*

Cap. 3.

Epiſt. 83.

L. 4. Ep. 15.

L. 6. Ep. 14.

l. 3. c. 27.

l. 9. tit. 4.  
cap. 1.

Epiſt. 178.

Epiſt. 174.

Aet. I.

I. 10. cap. 1.

Cum Hieronymum libro scripsit Presbyter Ruffinus: *Quamvis Christo-  
 stiano cetera crimina silendo depellere, exemplo Domini, sit gloriosum; sed  
 tamen hoc in fide si fiat, maximum scandalum generat.* Et ad suum &  
 Collegarum in Ephesino latrocinio lapsum excusandum dixit in  
 Chalcedonenſi Synodo Theodorus, Claudiopolitanus in Iſauria Epi-  
 scopus: *Vnusquisque verebatur, ne ut hæreticum delectum perderet quos bap-  
 tizaverat. Et non ei ſolùm erat periculum, ſed baptizati, & hi qui in Chri-  
 ſto crediderant. Et non oportuit quidem tunc tacere.* Etiam Doctor eru-  
 ditionis ſuæ filios maculoſi nominis ſcandalo non poteſt perdere, nec  
 ſuſtinere ut credatur fideles animas ſupraſſe Lutheranismo. Poſſim  
 tamen ego cecidiſſe in culpam illam, de qua in literis ad ſanctum Hiero-  
 nymum accuſat ſemetipſum manſuetiſſimus Pater noſter, ſanctus  
 Auguſtinus: *Potius culpanda eſt negligentia mea, quia hoc, quædam ſen-  
 ſui neceſſaria verba, non addidi, quam obiurgatio tua.* Poſſim & ego ſenſa  
 mea non ſatis declaravi. Juſtus in miſericordia arguit: Juxta mag-  
 num Gregorium falſa juſtitia dedignationem habet, vera compaſſio-  
 nem, idcõque nec manu percutit, nec linguâ. Peccata mea meruere  
 medicinam duriorem, ex cujus regulis ad ſanctum Hieronymum ſcrip-  
 ſit ſanctus Auguſtinus: *Vtiliores eſſe plerumque inimicos iurgantes, quàm  
 amicos obiurgare meſuentes. Illi enim, dum rixantur, dicunt aliquando ve-  
 ra, qua corrigantur; illi autem minorem, quàm oportet, exhibent juſtitia  
 libertatem, dum amicitia timent exaſperare dulcedinem.* Hinc de obortis  
 ſuſpicionibus cogor me in manſuetudinis ſpiritu expurgare breviter,  
 addens tamen cum Facundo Epifcopo Hermianenſi: *Quoniam non eſt  
 eadem quaſtionis reſponſionisq; condicio, nec quod breviter accuſatur, etiam  
 breviter excuſari poteſt, ſicut nec tanta maculandi & vulnerandi eſt diſſi-  
 cultas, quanta nos in abluendo medendoq; conſequitur; neceſſe eſt nobis  
 aliquantò impenſius agere, maximè ſcientes quàm diſſicilè reiſciant obſti-  
 ti, quod ſemel adſumpſerunt.* Quare veſtra in me Benignitas & boni con-  
 ſulere hanc verbosam Epistolam, & meam miſerari dignetur inſalici-  
 tatem, qui ejuſmodi in cauſſa compellor tempus expendere, cuius nemo po-  
 teſt recuperare iacturam. Epistolæ ſortem proſperet Divina Clemen-  
 tia, tantum donans fructum, quantum ex ejus compulſa ſcriptitatio-  
 ne ſentio laborem.

## CAPUT SECUNDUM.

*Lutheranus De Chriſtiana Contritione error largiùs exponitur.*

**D**E Contritione, quam à Pœnitentia diſtinguit & ejus alteram  
 facit partem, in duodecimi ſui per Leonem decimum Pontifi-  
 cem

cem damnati articuli apologia scribit Martinus Lutherus: *Satiū dictum est fidem sine Contritione esse non posse, cum gratia non infundatur sine magna concussione animæ. Volui enim fidei virtutem declarare, quoniam sola faciat ad remissionem peccatorum. Quod dico, ne quis me putet Contritionem, seu turbationem illam cordis in cogitatione peccatorum suscitātam negare. Notandæ sunt voces: Cum gratia non infundatur sine magna concussione animæ. Et voces: Contritionem seu turbationem illam cordis in cogitatione peccatorum suscitātam. Prima & originalis Augustana Confessio exponit: Constat Pœnitentia propriè duabus partibus. Altera est Contritio, seu terrores incusi, agnito peccato; altera fides, qua concipitur ex Evangelio seu Absolutione, & credit propter Christum remitti peccata, & consolatur conscientiam, & ex terroribus liberat. Et anno 1540, mutata ac meliorata Confessio: Constat Pœnitentia seu impij conversio duabus partibus. Altera est Contritio, hoc est, terrores incusi conscientia, agnito peccato, in quibus & iram Dei agnoscimus, & dolemus nos peccasse, & peccata detestamur ac fugimus. Altera pars est fides, qua concipitur ex Evangelio seu Absolutione, & credit propter Christum rectè remitti peccata, & consolatur conscientiam, & ex terroribus liberat. Damnant illos, qui non docent remissionem peccatorum per fidem gratis propter Christum contingere, sed contendunt contingere propter dignitatem Contritionis, dilectionis, aut aliorum operum, & iubent dubitare conscientias in Pœnitentia, an consequantur remissionem, & adfirmant hanc dubitationem non esse peccatum. Et Confessio Wirtenbergenſis: Contritionem vocamus sensum Divinæ iræ, seu dolorem aut pavorem animi ex agnitione magnitudinis peccatorum, & gravitatis iræ Dei ortum. Talem Contritionem arbitramur quidem necessariam esse in vera Pœnitentia, quam Contritionem lex Dei in homine excitare solet. Sed docere eam mereri remissionem peccatorum coram Deo, existimamus ab Apostolica doctrina alienum esse. Impetrandæ Justificationis meritum omne adscribunt soli fidei, de qua pergunt: In agenda vera Pœnitentia nihil certius, nihil firmitus iudicamus, quam quoddam omnino necessaria sit fides, videlicet ut quod Evangelium Christi annuntiat, credamus certò nobis remitti & condonari peccata gratis propter Christum Dominum nostrum. Non ignoramus quidem, quod si opera nostra respicimus, non tantum nobis dubitandum, verum etiam de salute nostra desperandum sit: Quippè quoddam nostra opera, quantumvis bona videantur, non possint coram severo tribunali Dei consistere. Nec obscurum nobis est, quod carni nostra in hac corporali vita semper adhæreat dubitatio de misericordia & clementia Dei; sed cum Deus promiserit nobis gratuitam suam clementiam propter Christum Filium suum, & exigit ut Evangelio Filij eius obedierit credamus, exigit etiam eo ipso, ut dubitationem carni nostra mortificemus, ac certissimam de misericordia*

Act. 12.

Act. 12.

sua fiduciam concipiamus, ne nos eius promissionem tanti mendacii accusemus, quantam de ea dubitationem habeamus. Et ut possimus certam fiduciam concipere, collocavit salutem nostram, non in merito nostra iustitia, qua est imperfecta, sed tantum in merito Filij sui, Domini nostri, Iesu Christi, cuius iustitia, ut est perfectissima, ita & in Dei Iudicio firmissima & constantissima.

Inter Pœnitentiam & Contritionem est omnino grande discrimen. Etenim Pœnitentia etiam Satisfactionis comprehendit opera, quæ adimplenda promittit & suscipit Contritio: Ista passim vocamus Pœnitentiæ actionem. Hoc in discrimine omnia ferè jam dicta fundavit etiam Lutherus. Ejus dictum, *Optima Pœnitentia est nova vita*, non minus in Satisfacti ones, quàm in Contritionem videtur processisse. Quidquid sit, & in ejus verbis, & in adductis Confessionibus varij miscentur errores. Primò, quòd fidem adierat esse Pœnitentiæ partem. Esse Pœnitentiæ, & omnis Christianæ Justitiæ summam taxat exordium, radicem, & fundamentum docuit semper omnis tub cælo Ecclesia cum qua ad istud Augustinæ Confessionis caput Dominus tunc noster Clementissimus Imperator Carolus V. & orthodoxi Germaniæ Principes, rectè responderunt: *Hæc, duas tantum partes assignans Pœnitentiæ, articuli pars admitti nequaquam potest, sicut nec ea, qua asserti fidem esse alteram partem Pœnitentiæ, cum omnibus comperitum sit fidem esse praviam Pœnitentiæ.* Alter error est, quod fidem, ex qua Pœnitens purgatur & iustus vivit, garriat esse vanam istam & pertinacem de Domini Iesu Christi meritis, non fiduciam, sed præsumptionem. De Iesu Christi meritis etiam nos sine hæsitatione confidimus, & ab ipsis non solum peccatorum remissionem, sed & omnes tam præsentis quàm futuræ vitæ promissiones exspectamus: Ad omnem precem, ad omnem gratiarum actionem adsiduè supplicat & clamat Ecclesia, *Per Dominum nostrum Iesum Christum.* Verùm nostras, à Deo Patre per eundem Dominum donatas, bonas voluntates, & ex ipsis profecta opera bona à dispositiva ac præparativa in Justificationem causilirate excludere, & de solis alienis benedicti Domini meritis sine hæsitatione confidere, est præsumptio omnino pertinax & vana.

Error omnium pessimus, & pessimè calumniosus est, quod adseverent Lutherani Contritionem esse solos ex agnito peccato incussos conscientiaæ terrores, aut certè solum ex ejusmodi terroribus natum & formatum de peccatis dolorem. Adversus illam statuit sacrosancta Synodus Tridentina: *Si quis dixerit duas tantum esse Pœnitentiæ partes, terrores scilicet incussos conscientiaæ, agnito peccato, & fidem conceptam ex*

*Evangelio vel Absolutione, quâ credit qui per Christum remissa peccata, Anathema sit. Et rursus: Quamobrem falsè quidam calumniantur Catholicos Scriptores, quasi tradiderint Sacramentum Pœnitentiæ, absque bono motu suscipientium, gratiam conferre, quod nunquam Ecclesia Dei docuit, nec sensit. Pronuntiat adversus ipsum Martinum Lutherum, nec non adversus melioratæ Augustinæ Confessionis Apologum, Philippum Melancthonem, cujus hæc sunt verba: Intelligent omnes boni viri utiliter & piè reprehensam esse doctrinam Sophistarum, & Canonistarum de Pœnitentiæ. Nam hæc dogmata aperte falsa sunt, & non solum aliena à Scripturis, sed etiam ab Ecclesiasticis Patribus. Quod per Attritionem mereamur gratiam. Quod susceptio Sacramenti Pœnitentiæ ex opere operato, sine bono motu usent, hoc est, sine fide in Christum, consequatur gratiam. A Canonistis & Scholasticis Theologis traditam Attritionem errant aut imponunt esse solum gehennarum servilem meritum, aut ex ipso solo natum de peccatis dolorem: Eam rectè addunt motum esse salutarium non bonum, ideòque istius doctrinæ probatricem Papiſticam Ecclesiam garriunt deviasse à Scripturis Canonicis & antiquis Patribus, utpote. quæ doceat Pœnitentem sine fide in Deum per solam operati in Sacramento operis virtutem Deo reconciliari. Et hisce principiis niritur duodecimus per Leonem decimum Pontificem damnatus articulus: Si per impossibile confessus non esset contritus, si tamen credat se esse absolutum, ver. s. m. è est absolutus. Quod nempe à Luthero garriatur Contritio esse solus servilis gehennarum metus, motus supernaturaliter non bonus, ideòque justificantis gratiæ infusionem comitari aut præcedere quidem possit, at nullo causalitatis modo prævenire.*

Quod dogma est variâ leprâ maculosum. Prima est jam dicta calumnia. Dei namque Ecclesia, ac per ipsam probati, seu recentiores, seu antiqui Doctores de Attritione nihil tale umquam docuere. Altera lepra est, quod incussum conscientie metû velint esse ipsam Contritionem, ac sine ipso fieri non posse infusionem gratiæ: Est enim solum, & quidem extrinsecum, Contritionis exordium, ex quo ista sapientia, licet semper in Catechumenis, in Pœnitentibus tamen dumtaxat communiter concipitur ac paratur. Nullo modo est pars Pœnitentiæ. Tertia lepra est, quod per fidem in Christum, non castâ ejus dilectione formatum ac fecundatum Christianè credendi actum intelligant, sed pertinaciam vanæ suæ præsumptionis: Quo in puncto quantum discedant ab avito Patrum sensu, est in Dissertatione ostensum. Quartam lepram exponit memorata Confessio Wirtenbergenſis: *Demum operam, ut generalis peccatorum Confessio, quantum fieri potest & licet, in*

Ecclesiis nostris conservetur. Idq; duabus de causis. Altera, ut hac occasione privatim audiat Evangelium Christi de remissione peccatorum, quod Evangelium est vera clavis regni cælorum, & Absolutio à peccatis: Et ut per auditum Evangelij seu Absolutionis fides vel concipiatur, vel confirmetur. Confessionem vel Absolutionem negant esse verum, operis operati virtute validum, novi Testamenti Sacramentum, sed pium dumtaxat Pœnitentis cum Ecclesiæ Ministro colloquium, iterum parturiens aut plantans peccato sopitam fidem in Christum, id est, memoratam vanæ præsumptionis pertinaciam, quâ sola impetratur remissio peccatorum.

Et ab ista pessima calumnia non solum Tridentinum Concilium, sed & ipsi priores aut coevi Scriptores Catholici Ecclesiam constantissimi nè expurgarunt. Etenim ad hæc Wirtembergensis Confessionis verba, *Contritionem vocamus sensum Divina ira, seu dolorem & pavorem animi ex agnitione magnitudinis peccatorum*, in Catholicis suis Scholijs scribit magnum Ordinis Prædicatorum & totius Ecclesiæ lumen, Caroli quinti Augusti Confessarius, Petrus à Soto: *Adde, ET EX VERA DEI DILECTIONE, IPSUM SUPER OMNIA BONÀ AESTIMANTE. Sine hac verò, de qua dictum est, DIMISSA SUNT EI PECCATA MULTA, QUIA DILEXIT MULTUM, CONTRITIO NON EST VERA.* Et ad hæc verba, *Contritionem lex Dei in homine excitare solet*, pergit: *Immo reverà sola gratia concedere, iuxta illud Pauli, NEQUANDO DEUS DET ILLIS POENITENTIAM.* Sed hic ostendunt isti Doctores se non intelligere neque qua loquuntur, neque de quibus adfirmant. Primum non intelligunt Catholicam doctrinam de Contritione, quam nos intelligimus veram illam conversionem cordis à peccato, quam petit sibi dari à Deo, qui dicit, *CONVERTE ME DOMINE, ET CONVERTAR.* Et tam frequenter in Psalmis: *CONVERTE NOS DEUS SALUTARIS NOSTER.* Ipsi verò Contritionem, vel certe dolorem huic coniunctum, humanum quoddam opus humanarum virtutum putantes, primum indigne sentiunt de illa, qua tam predicata est, & tam necessaria. Deinde magni adsertores gratia non docent gratiam querere tunc, cum maximè necessaria est peccatori, scilicet cupienti remissionem obtinere peccati. Et in Catholica Confessione: Contritionem vocat Catholica Ecclesia perfectum animi dolorem de peccato, voluntati illi, quâ peccare libuit, oppositum, frangentemq; duritiam illam cordis, quâ peccatores Divini Præcepti & bonitati resistimus. Dolor quidem imperfectus est, ex quantacumque & qualicumque fide procedens, & quantascumque lacrymas & sensum doloris habeat, quousque ex Dei charitate; que veram fidem prærequirit, sine qua impossibile est placere Deo; charitate, inquam, dilectioneq; illius super omnia bona & amabilia procedat, atque ita peccata, tamquam Deo opposita, super omnia, quæ odio habet, idq; verè in Divini oculi deestetur. Hæc Contritio sem-



*semper, & ante legem, & sub lege, & revelata gratia tempore, ad remissionem lethali peccati necessaria est in adultis. Istud ipsum, quod ego in Dissertatione dixi, adserit esse Catholicam totius Ecclesiæ Confessionem. Servilis gehennarum metus, ac ex ipso solo natus de peccatis dolor reverà per comminantem Dei legem excitatur in homine, est carnalis & Judaica legis iustitia, opus humanarum virium: Ejusmodi Contritionis fucum à recentioribus Scholarum Magistris tradi aut erravi aut finxit maledicus Lutherus, atque omnem in ipsi Ecclesiam pessimâ calumniâ sedare tentavit.*

*Ejusdem nobis per Augustanam Confessionem impactæ calumniæ secundum articulum eodem modo purgat strenuus Franciscanæ familiæ Theologus Joannes à Daventria: Haud impari mendacio nugantur tradidisse Catholicos, quod susceptio Sacramenti Pœnitentiæ ex opere operato, sine bono motu utentis, hoc est, sine fide in Christum, consequatur gratiam. Sic autem tradiderunt, & quidem catholicè, quod Sacramenta dent gratiam hi, qui non ponunt obicem. Qui enim non credit, qui non statuit se cum vitâ & mores corrigere, qui ex imo pectore non quatit gratiam, magnum planè gratiæ obicem ponit. Videant hic illustres Principes, & omnes cordati viri, istorum Cretensium Macenates, qui forè hu evidentiissimè mendacijs inescati sunt, & à Catholico sensu alienati, quàm periculosè stent, quàm insecure vivant, cum mendacijs nituntur. Quæ saluberrima admonitio meis etiam Cretensibus utinam inserviat. Quisquis enim Christum Dominum animæ suæ per castam dilectionem non ponit in fundamentum, super arenam ædificat, periculosè stat, ac insecure vivit.*

*Pergit laudatus Joannes etiam ad primum articulum: Quod per Attritionem mereamur gratiam, si rectè intelligatur, certissimum est, mulièq; clarissimum. Baptisma cum fide & dolore de peccatis, & cum Proposito melioris vitæ, iustificat & salvat. Sic & Sacramentum Pœnitentiæ, perpetuum in necessitate Baptisma, accipientibus Christum promittit remissionem peccatorum. Pœnitentiæ verd, sitamen vera Pœnitentiæ est, non fit sine Attritione. Attritio verd, ubi charitatem & gratiam acceperit, facit contritum. Verùm quæ & qualis charitas & gratia faciunt ex Attrito Contritum? Habituali sanctificanti gratiæ prævia actualis adfectu, saltem super omnia charitas, de qua prosequitur laudatus Joannes: Adversarij antebac, licèt solam fidem sufficere dicerent ad remissionem peccatorum sine omni opere, iam tamen in hoc aliquantulum se corrigunt. Nam aliquod opus à peccatore exigunt, videlicet dolorem, quem sive ex Dei charitate, sive ex pœnarum odio nascatur, dicunt sufficere ad Iustificationem, modò sibi credas peccata dimitti. Catholici verd certissimi, quod nunquam remittantur peccata, nisi per iustificantem gratiam, & per fidem charitate formatam, adse-*

runt gratiam gratum facientem & charitatem esse necessariam ad reconciliationem. Nunquam inimicus reconciliatur, nisi prius diligat eum, quem prius odio prosequabatur. Numquam ingratus agnoscat beneficium, nisi prius male affectum animum exuat, id est, inimicus & ingratus non iustificatur, nisi charitate & gratia intervenientibus. Idem tradunt non sufficere ad peccati remissionem, si tantum timeas, & peccatorum remissionem speret, sed quod oporteat cum ex toto corde dolere, & converti ad Deum, ita ut non tantum timeas, sed & diligas Deum. Dilectionis necessitatem nervosè exaggerat ac declarat.

Notanda sunt verba: *Adversarij antebac, &c.* Attestantur omnibus Hæreticis familiarem doctrinæ instabilitatem etiam Lutheranis infuisse. Etenim primæva Augustana Confessio cum suo Pseudo-Duce Martino Luthero adfirmat Contritionem non esse aliud, quàm ex agnito peccato incussos conscientie terrores. Et adversus istam fabulam olim à Carolo quinto Imperatore rogata pronuntiavit sacra nostra Facultas: *Contritio est dolor de peccatu propter Dei offensam susceptu, cum proposito confitendi & satisfaciendi, non autem, ut quidam hoc seculo permiciosè dicunt, terror conscientia propter apprehensum gehenna supplicium.* Confirmavit Tridentina Synodus, definiciens terrorem istum non esse partem Pœnitentie, hoc est, non esse Contritionem. At verò apud Augustam meliorata Lutherana Confessio fatetur Contritionem esse non nudos ejusmodi terrores, sed in quibus dolemus nos peccasse, & peccata detestamur ac fugimus. Ut nobis impacta de utili citra bonum utentium motum, seu citra fidem in Christum, Pœnitentie Sacramento calumnia, maneat firma, adfirmat Contritionem nobis esse ex solo servili gehennarum metu natum ac formatum de peccatis dolorem, & pergit: *Damnant & istos, qui non docent remissionem peccatorum per fidem gratis propter Christum contingere, sed contendunt contingere propter dignitatem Contritionis, dilectionis, aut aliorum operum, & subeunt dubitate conscientias in Pœnitentia, an consequantur remissionem, & adfirmant hanc dubitationem non esse peccatum.* Serijs & adludis parentum nostrorum, veram Attritionem non ex solo servili metu, sed ex casta Dei dilectione constare, formari, & nasci oportere clamantium instantissimè, apologijs moti tandem admiserunt nostræ purgationis aliquid, persistentes interim in pessima vanæ suæ de Christi Domini merito præsumptionis pertinacia, pristinaque, non nihil tamen transfigurata, in nos calumnia, & adieverantes non laudatam Contritionem, sed solam istam fidem esse adæquatè preparatoriam causam remissionis peccatorum. Audi calumniæ transfigurationem: *Adversarij dicunt peccatum ita remitti, quia contritus elicit actum Contritionis Dei, per hunc actum meretur accipere*

accipere remissionem omnium peccatorum. Hoc nihil est nisi legem docere deleto Evangelio, & abolitâ promissione de Christo. Tantum enim requirunt legem & nostra opera: Quia lex exigit dilectionem. Ex servili gehennarum metu conceptam imperfectam Contritionem de hypocritâ & peccati augmento acculare non audent, degradare tamen & circumferbere nituntur ex alio principio: Esse dumtaxat ex lege iustitiam, idèdque non infalum Dei donum, & supernaturaliter bonum motum volunt adeò contumaciter, ut etiam idipsum garrere non erubescant de ejus formatrice & genetrice casta Dei dilectione. Eam esse volunt, quod etiam Lutherus dixit, dumtaxat naturalem, reverà legis effectum, & opus merè humanum. Audi fundamentum: Non prius supernaturalis & casta Dei dilectio adest, quam sis fide reconciliationis facta. Lex enim non fit sine Christo, iuxta illud: PER CHRISTUM HABEMUS ACCESUM AD DEUM. Omnia ante justificationem opera volunt esse peccata, idèdque veram & castam, quæ non agit perperam, Dei dilectionem ante illam adserunt non posse inesse. Ita nos gratis per solam de Christi Domini merito fiduciam, citra quamvis nostram cooperationem, volunt justificari. Contritionis præsertim dignitatem volunt nullo pacto cooperari: Ut Martinus Lutherus, qui nos super eam, uti super alteram impetrandæ justificationis causam, ædificantes blateravit ædificare super arenam, mendax non reperiatur. Adversus quod dogmatis monstrum rectè exclamat laudatus Joannes Daventrienlis: *Audisti absurda, audis nunc absurdiora.* Adversarij sine charitate adserunt peccatorem justificari, quia dilectio, ut eorum verbi dicamus, non adest, nisi prius facta sit reconciliatio. Non video, an quidquam dici possit ineptius.

Quæ omnia considerans, & inter se conferens laudatus Frater Joannes, rectè adjungit: *Facile inter Adversarios & Catholicos lu componeretur, si vellent illi sibi ipsis constare, & Scripturæ credere.* Fidem faciunt alteram Pœnitentia partem, quam nos ex consensu Scripturarum esse Pœnitentia causam probavimus. Nota hîc quod dicunt de fide in Christum, & deinde quod decernit sanctus Augustinus, aliud esse credere Deo, aliud in Deum, quodq; illud multorum etiam demonum, illud paucorum fit, eorum scilicet qui fide in Deum tendunt. Fide autem tendere in Deum nihil aliud est, quàm benefaciendo, obsecrando reconciliationem & unionem cum Deo querere toto pectore, quod tunc demùm continget, cum pœnitentibus & pœnitentibus dabitur Spiritus sanctus, per quem & charitas diffunditur in cordibus eorum. Circa quæstionem hanc adfirmat nos & Lutheranos distare modico intervallo: Omnem litem esse de significato harum vocum, *Fides in Christum.* Illi pertinacem vanæ de solo Domini merito præsumptionis fiduciam, nos esse volumus castam Dei dilectionem, seu

fidem tali dilectione formatam ac secundam. Hanc & ipsi admittant significari istis vocibus, ac esse palmarem, & obtinendæ peccatorum remissioni quàm maximè necessariam necessariæ Contritionis partem, erimusque populus labij unius & sermonum eorundem. Erit pax etiam inter me & meos Accusatores. Ex huc usque dictis interim vides ab opitione illa, quæ Christianam Contritionem in solo per solum servilem metum nato & formato de peccatis dolorem sistens, adserit Pœnitentem sine casta Dei adfectu saltem super omnia dilectione posse reconciliari, impingi in Lutheranum Augustinæ Confessionis dogma, & pessimam ab ipsa nobis adfractam calumniam manifestè verificari. Imitor sanctum Patrem nostrum Augustinum, qui à Juliano Pelagianista, ipsum accusante de Manichæismo, demonstravit Manichæum insigniter adjuvari.

### CAPUT TERTIUM.

*Quod casta Dei adfectu saltem super omnia dilectio sit Christiana Contritionis pars essentialis & præcipua, demonstratur ex orthodoxi Doctoribus, per quorum Scripta de Martino Lutero Ecclesia usque hodie triumphat.*

**S**ine casta Dei adfectu saltem super omnia dilectione esse non posse veram Contritionem, abundè nobis dixerunt Joannes Daven-  
trienfis, & Petrus à Soto, addens adseritionem hanc esse unum ex immobilibus fidei Christianæ fundamentis. Eximias hujus Petri laudes, ejusque numquam satis prædicandâ in omnem Ecclesiam merita videre possis in Nicolai Sanderi opere de schismate Anglicano. Eisdem adstipulatur per Hermannum Archi Episcopum celebrata adversus Lutherum Colonienfis Synodus; *Prima Pœnitentia pars est Contritio, quam Ecclesia vocat vehementem animi amaritudinem, & intimum dolorem conscientia, qua Deum peccatis irasci sensit, & se peccasse graviter dolet, cum voto vita in melius commutanda. Eam ex servili gehennarum metu, ex considerata peccatorum fœditate ac multitudine, aut ex alijs ejusmodi principiis dicit concipi, & prosequitur: Neque tamen putandum est hunc timorem servilem, qui ex metu supplicij ducit originem, & horrorem incutit peccatorum, Pœnitentiam totam absolvere. Quin potius is solus aded non sufficit, ut & exitialis sit, quod desperationem gignat, nisi proficiat ad spem per contemplationem misericordia Divina, & succedat fides illa secundum tertiam credendi rationem, qua accedens demùm facit, ut timorem servilem comitesur timor Filio dignus, cui commissa displicent, non iam*

iam quod pertrahant ad gehennam, sed quod Patrem optimum, & sic de nobis meritum offendant, quale videre est in filiis, qui graviter in parentes deliquerunt. Primum enim ex metupœna seu plagarum oderunt peccatum, deinde paterna pietatis memoriâ subeunte, ubi fiduciam reditus in gratiam ceperint, etiam ex amore praterita commissa desistantur, sic ut etsi nullus deinceps imminet pœna metui, tamen scientes rursus admittere nolunt, quod parentes illorum offendant. Adversus Lutheri, nos solâ in Christum fideiustificari quali ex Apostolo blaterantis insanias, triplicem, quâ Deum, Deo, ac in Deum credimus, fidem distinguit ex sancto Augustino, & adjungit: Prima credendi ratio seu fides, si solam accipias, infirma est, & velut adhuc mortua. Altera, quâ Deo tantum credimus, necdum tamen erga Deum religiosâ pietate adfiscimur, manca. Sed tertia, quâ in Deum credimus, proq̃, adfectu in ipsum tendimus, ea demum vivida atque integra fides est. Primam & secundam consistere in intellectu, & spiritalis ædificij adfirmat esse exordia, pergitque de fide tertia: Secundum tertiam credendi rationem etiam in voluntate est, quod actio fidei sic accepta, quod est credere, fidere, & adherere Deo, non solo intellectu, quem fides illuminat, sed & voluntate, quam accedente charitate inflamat, perficiatur. Iam etsi fides, spes, & charitas sint tria dona Spiritus, & singula suas distinctas habeant rationes, tamen hoc constat, eam fidem, quâ in Deum credimus, quâ sola efficax, sincera, integra, & salutifera est, nec infundi nec accipi sine charitate. Multis hæc confirmat. Et hanc tertiæ rationis fidem esse Contritioni essentialem adseverat, atque prolequitur: Hæc ergo fides, cum timore filiali coniuncta, veram Pœnitentiam à falsa separat, & discrimen facit inter Contritionem impij, & verè Pœnitentiæ. Impius enim concepto timore servili ex metu supplicij, atque ibi consistens, in desperationem adigitur, quod videre est in Cain, Pharaone, Saul, Achab, & Iuda traditore. Sed quos in hoc dolore constitutos Deus clementer respicit, hi cum ex timore per fiduciam misericordia ad timorem filialem fecerint gradum, tum demum ad veram Pœnitentiam contristantur. Vides ergo, quemadmodum consideratio iustitiæ & Iudicii Divini, accedente fide historicâ, quâ Deum credimus, Pœnitentiam inchoet, consideratio vero bonitatis Divina, ex amoris adfectu procedens cum fiducia misericordia, Pœnitentiam formet. Adversum Lutheri, ex servili metu contritam Contritionem de hypocrisis & peccati augmento damnantis, fabulas adjungit: Haud inficiamur sanctiorem esse Pœnitentiam, quàm timor filialis, in bonitatem Dei respiciens, inchoat & format; sed quoniam hæc est fragilitas & imperfectio nostra, ut non facile ad bonitatem Dei oculos nostros attollamus, nisi prius iram senserimus, idcirco sancti Patribus rectè placuit Pœnitentia doctrinam à timore servili non inepè ordiri. Ex servili metu castam Deum dilectionem concipi, veramque

ab ipsa formatam Contritionem esse impetrandæ justificationi penitus necessariam, ex Sanctis Augustino, Ambrosio, Basilio magno, magno Gregorio, Hieronymo, & Cassidoro ostendit insigniter, & concludit: *Breviter, in hanc sententiam omnes p[ro]ph[et]e discedunt. Nam solum fidei populo prædicari mandat: Ejusmodi Contritionem ait esse infundendum à Deo donum, ideòque perseveranti precum & lacrymarum ad Divinæ Clementiæ januam pulsu postulandum per solo adhuc servili metu concussos peccatores: Ante ejus obtentum nemini vult Divinæ Reconciliationis Sacramenta impendi. Et his omnibus non contenta Synodus resumat doctrinam suam, contrahitque in anacephalæon: Hunc articulum, qui de Contritione est, semel absolvamus. Multa sunt quæ ad veram Contritionem requiruntur. Primò, necesse est ut homo concepiat odium peccatorum, non huius vel illius, sed omnium quæ Deum offendent. Secundò, Contritionem amarulentam & gemebundam esse oportet, qualis fuit Pœnitentia David. Tertio, non oportet leviter transmittere peccata præterita, sed eadem agnoscere, & memoriam eorum perseveranter retinere. Quarto, ad Contritionem pertinet votum vitæ in melius commutanda. Quintò, postquam de omnibus peccatis tuis graviter & ex animo dolueris, desquætuos in amaritudine anima tua recognoveris, ac firmiter in corde tuo statueris desinere à malo & facere bonum, tum fides accedere debet Contritioni. Tertiæ rationis fides, quæ fiducia Divina misericordia rursùm erigaris, & consolationem accipias, confisus tibi sic adfectu peccata tua propter Christum remissum iri. Nam hæc fides Contritionem perficit, atque discrimen facit inter Contritionem p[ro]ph[et]e & impij, Petri & Iudæ. Ex solo servili gehennarum metu citra fidem in Deum, seu castam Dei super omnia dilectionem formata Contritio apud hanc venerandam Synodum est Judæ Contritio, non Petri.*

Quòd ipsum in Catholico adversus Lutherum Catechismo constanter & nervosè docet laudatissimus fidei orthodoxæ pugil Michiæl, Episcopus Merseburgensis. Alios pœnarum metu, alios consideratâ peccatorum sæditate, alios pio in Deum aut ejus opera adfectu, alios alijs vijs ostendit excitari ad veram ac salutarem Pœnitentiam, atque adjungit: *Hic quidem foret modus optimus ex Dei amore à peccatis desistere, ac providè foret optandum, omnes nos eo potius nomine horrere & vitare peccata, quod ex amore Deum nolimus offendere, quàm pœna formidine à peccato abstinere. Utinam omnium hominum animi amore eiusmodi flagrarent, possensq[ue] ex animo dicere, quòd quidam Deo devotus & integer Christianus quandoque dixit ad Deum: PRAESTA MIHI DOMINE DEUS, UT DILIGAM TE, ATQUE SIC, ETIAMSI DAMNANDUS SIM, Pœnam ipsam minùs moleste feram. Verùm non omnium animi sunt*



ita constituti, ut ex amore Dei respicientiam & conversionem auspicentur, magisq; se peccasse doleant, et quod Deum peccatis suis offenderint, quam quod supplicium pertimescant. Hoc itaque rarum & infrequens est conversionis & Pœnitentia genus, ea autem usitatissima ratio est Pœnitentiam seu Contritionem obtinendi, ut serid quæ perpendat multitudinem & enormitatem suorum peccatorum, & simul in memoriam sibi redigat minus gravissimas, quas varijs Scripturæ locis intentat Deus impijs & peccatoribus. Considerat quoque severum illud & formidabile Dei iudicium, quas calamitates & terrores impij in suis sentient conscientijs, ubi terribili illa & irrevocabili Christi sententia in eos fuerit prolata: **ITE MALEDICTI IN IGNEM AETERNUM, QUI PARATUS EST DIABOLO ET ANGELIS EIUS.** Ex huiusmodi consideratione utique necessarium est timorem in animis hominum insistere: A timore autem concipitur Pœnitentia, ut Augustinus ait. Et Sapiens inquit: **QUIS SINE TIMORE EST, NON POTEST IUSTIFICARI.** Caterum hic timor, qui ex peccatorum, & supplicij consideratione hauritur, necdum est vera illa Contritio, quæ Deo accepta est, & quæ ad misericordiam commoveretur, quæq; impetrat remissionem peccatorum. Nihilominus tamen est instar ministri vera Contritionis, utpote ad veram Pœnitentiam deserviens ac perducens. Nam hic servili timor primum reprimat in nobis peccata, facitq; cessare à vitijs, qui est gradus ad veram Pœnitentiam & Contritionem. Ex servili timore ait tandem concipi de peccatis dolorem, & pergit: Nec iam solum ea de causa dolet, quod pœnam peccando commeruerit, sed multo magis eo nomine, quod Deum offenderit. Immo iam de pœna tantoperè sollicitus non est, cum ulterius se obtulerit ad perferenda quæ ipsi Deus pro peccatis imposuerit, tantum ut favorem & amicitiam Dei queat recuperare. Atque hic est verus & castus timor, cum ex amore Deum timere incipimus, exortiturq; hinc vera illa Contritio, quam Deus vult valere ad veniam peccatorum. Veram Contritionem sine casta Dei dilectione esse non posse, & hanc ex servili metu, & alijs ejusmodi humilibus obstetricationibus posse concipi & parari adfirmat adversus Lutherum, & concludit: Hunc Contritionis obtinenda modum omnes Catholici Patres tradiderunt. Fuisse à Tertulliano, Sanctis Basilio & Chrysostomo, immò & sanctis Prophetis atque Apostolis traditum demonstrat, pergitque in Catechesi sequenti: Solâ formidine terri ob peccata, futurum flagitiosorumq; est Pœnitentia, nec meretur gratiam aut remissionem à Deo.

Ad stipulatur & alter doctissimus ac sanctissimus novellarum apud nos hæreseon debellator, ex Ruremondendis primo secundus Gandavensis Ecclesiæ Episcopus, Guilielmus Lindanus: Faceat novum istud novæ Contritionis figmentum, quod meros animi terrores & conscientia In Pano

sacrificinas somnias, quasi verò hisce rebus perficiatur Contritio, non

*inchoetur tantum. Quare dum Adversarij istos horrores omnibus Scriptura locis adfingunt, & suum semper obrudunt, quid aliud quàm ad servilem eorum metum adligant? Proinde Catholici rectius Augustini doctrinam secuti, aliorumq; item ceterorum veterum, hoc contriti cordis sacrificium, à perhorrenda tremendi illius iudicii severitate exorsi, mores veteres in melius subent commutare. At verò & juxta hunc, qui circa expositam à multis Contritionem noluit copiosius scribere, magnum Episcopum, & juxta ejus Magistrum sanctum Augustinum, mutatio morum est mutatio amorum: Opus est mentis transitu à mundi fornicario ad amorem Dei castum. Non faciunt, inquit in literis ad Comitum Macedonium sanctus Augustinus, Bonos vel malos mores, nisi boni vel mali amores. Similibus hujus veritatis testibus producendis nolim fatigare Lectorem: Sunt innumeri. Quibus fidem quicumque abrogat, Martinum Lutherum, quod adversum sancti Augustini. Accusatores de Pelagiana hæresi dixit etiam sanctus Prosper, adfirmat malè devictum, & falsis huc usque victorijs de ipso Ecclesiam triumphasse.*

*Præterire tamen nolim Pij quinti Pontificis jussu pro Tridontini Concilij intellectu compositum atque vulgatum Catechismum Romanum. Ad Pœnitentiæ virtutis, quæ Contritioni est omnino essentialis pars, actum adfirmat concurrere motus varios: Fidem, servilem gehennæ metum, veniæ spem à Divina misericordia, melioris vitæ Propositum, ac tandem corda nostra accendentem charitatem, de qua liberalis ille timor, probus ac ingenuus filijs dignus oritur, atque ita unum illud veriti, ne qua in re Dei Majestatem ledamus, peccandi consuetudinem omnino deserimus. Essentialem Contritioni dolorem adfirmat illum, quo non ex incurso gehennarum reatu, sed ex amissa Dei gratia & innocentia, quod palam est castæ dilectionis, adficimur. Pergit: Summum & maximum dolorem ex peccatis, quæ commissa sunt, suscipiendum esse, ita ut nullus maior excogitari possit, facile erit hisce rationibus demonstrare. Nam cum perfecta Contritio sit charitatis actus, quæ ab eo amore, qui filiorum est, proficiscitur, patet eundem Contritionis & charitatis modum statuendum esse. At quoniam charitas, quæ Deum diligimus, perfectissimus est amor, hinc fit ut Contritio vehementissimum animi dolorem conjunctum habeat. Ut enim maxime diligendus est Deus, ita quæ nos à Deo alienant, maxime detestari debemus. Charitatis & Contritionis magnitudinē eodem loquendi genere significari in sacris literis, rectè observat: Uti namq; Deum ex toto corde diligere, ita ex toto corde ad ipsum jubemur per Pœnitentiam converti. Uti Divinæ charitati, juxta S. Bernardū, Nullus est finis aut modus, sed Dei diligendi modus est diligere sine modo; ita peccatorum detestationi adfirmat nullum modum definendum. Esse jubet non solum maximam, sed & vehement-*

Ep 52.

Part. 2.  
cap. 5. n. 1.

Num. 26.

mentisimam, atque adeo perfectam, omnemque ab ipsa ignaviam & socordiam excludi. Loquitur non de quavis, sed de sola Contritione perfecta, quam statim & ut mentibus nostris conceperimus, tribuitur nobis a Deo remissio peccatorum: Quam sacrosancta Tridentina Synodus definit etiam ante actuale Sacramenti susceptionem iustificare. Hinc ite- rum Catechismus: Si id minus consequi nobis liceat, ut perfecta sit, vera tamen & efficax Contritio esse potest. Contritionem & Dei dilectionem rectissime adserit ambulare eisdem magnitudinis & quantitatis passibus, ideòque tot esse Contritionis species seu classes, quot sunt dilectionis. Quare uti hæc, ita & illa alia est nata, quædam nutrita, alia adulta, robusta alia, alia perfecta. Et hæc esse debet sine fine & modo, ex toto corde, vehementissima, maxima, excludere omnem socordiam atque ignaviam, id est, omnem adfixum cupiditatis adsensum.

Num. 30.

Num. 274

## CAPUT QUARTUM.

*Serviliæ Attritio ostenditur esse dumtaxat hesternum commentum.*

**A**DVERSUS PRÆSE, hesterni tunc hæretici, novellitatem scribit Septimius Tertullianus: *Adversum universas hæreses iam hinc prædicatum sit id esse verum, quodcumque primum; id esse adulterum, quodcumque posterius.* Posterioritatem mendacio deputandam demonstrat item in libro Præscriptionum. Et in libro adversus Hermogenem: *Solemus hæreses compendij gratia de posteritate præscribere.* Ex hac regula & Paulum Apostolum, ad fidei & prædicationi suæ conciliandam auctoritatem Antecessorum, apud Hierosolymam degentes Primates Apostolos accessisse, & cum illis contulisse scribit in quarto libro adversus Marcionem. Non opus est multis testimonijs: Vocum novitatem ipse laudatus Apostolus damnat & proscribit. Adeo firma est hæc præscriptio, ut antiquitatis, immò æternæ nostræ veritatis ignari Gentiles adversum nos dixerint apud Arnobium: *Ante quadringentos annos Religio vestra non fuit.* At verò formatæ per se lum servilem gehennarum metum Attritionis opinio est adeo nova, ut de ipsa dici ferme queat, quod de novis suo tempore doctrinis scripsit laudatus Tertullianus: *Eorum homines adhuc ambulant.* Testem adduco in suis ad Robertum Cardinalem Pullum Scholijs virum doctissimum Hugonem Matthoud. Hæc sunt verba Pulli: *Penitentiam plerumque parit timor in illo, qui timet ardere, non peccare. Vir cerè malus: Quoniam vir bonus plus horret culpam, quàm gehennam. Ille pravi dicens panam reprimi culpam: Si impunè liceret, repressam exerceret. Nec potest bonus esse, quisquæ illicita vellet, si auderet. Quodam enim modo id cuiusque voluntas affe-*

Cap. 2.

C. 31. 35.

Cap. 8.

Cap. 2.

L. 2.

Part. 5.

cap. 32.

Est, quidquid solum ex necessitate recusat, Nam quod coactus facit, id est facere verum est, id est velle falsum est. Qui ergo ex timore pœnitet, adhuc est servus, quoniam flagra formidat; nondum filius, qui patrem amans sperat hereditatem. Quamobrem quisque, dum pœnitet, solum timore angitur, nondum per Pœnitentiam veniam meretur. Verum qui largitur timorem, ut ex timore pœnitendi necessitatem incutiat, is cum Pœnitentia largietur amorem, ut sit Pœnitens veniam dignus. Omnem meæ Dissertationis doctrinam compendio tradit, & ad ista verba scribit laudatus Hugo: Ex his Roberti verbum, & ex alijs supra relatis liquidum constat Attritionem ex solo gehenna metu conceptam, ut veram Sacramenti partem, nec voce tenius nec significato, veteribus & Pullo cœtaneis Authoribus innotuisse, ut meritis in conscientia Instructorio scripseris Lopez, illius opinionem parentes fuisse Melchiorum Canum, & Henricum quemdam Salamanticensis Academia Doctorem, qui putant dolorem illum, quo solo metu infirmi peccator concutitur, etiam sic cognitum, nec alius elevatum, sufficientem esse dispositionem, ut accedente Sacramento iustificanti gratiam consequatur. Sed ut nova hæc opinio, sic periculosa, & tantum Scriptura detrahens, quantum Sacramento concedere putat.

Ludovici Lopez, avitam Ecclesiæ de Contritione sententiam antea complexi, hæc sunt verba: Sed iam precedente lumine Concilij Tridentini, & quia iudustria Doctorum aliqua veritates magis illustratæ sunt, audeo & hanc statuere conclusionem; Probabile est, & non parum veritati & Tridentino Concilio consona opinio affirmativa, scilicet quod ad iustitiam & remissionem peccatorum in Sacramento Pœnitentia satis est Attritio cognita, etiamsi Pœnitens non existimet probabiliter eam esse Contritionem. Ad quæ verba in doctissimo de Pœnitentia opere scribit vir eruditissimus Joannes Morinus: Hanc sententiam adferere probabilem, tum illi visum est aliquid insolitum audere. Et addit causam: Hæc questio planè nova est, & omnibus Scholasticis ante hoc sæculum incognita, ut rectè adnotavit Alexander Pefantius, videlicet, An Attritio ex sola formidine parva concepta, & Sacramento coniuncta, dilectionem suppleat, ita ut hoc modo habitualiter iustificatus dilectionem illam, salutis obtinenda causâ elicere nullo unquam temporis momento teneatur. Melchior Canus primus hanc questionem excivit, & cum propria formula proposuit. Dominicus Soto, & Andreas Vega eam paulo antè subobscurè attigerant. Nunc autem, & ab aliquot annis Scholæ omnes pervasit. Et rursùm: Antiqui Scholastici omnes usque ad annum millesimum quingentesimum, ut Patres præteream, longè expressius, liberalius, & magnificentius de obligatione dilectionis Divina statuerunt, ut vel ex ipsis recentioribus colligatur, dum eos refutant. Adfirmat servilem Attritio-

tritionem ab istorum nullo fuisse etiam cum Sacramento judicatam obtinendæ iustificationi iusticientem.

Hæc sua verba, *An Attritio dilectionem Dei suppleat*, etiam exponit: *Sententia ista videtur necessariò sibi supponere, velus fundamentum, hanc doctrinam. Possè hominem solo habitu gratiæ, sine ullo dilectionis Dei motu, in hac vita non modò iustificari, sed etiam recipi in cælum. Et insià: Ex isto iustificationis modo consequi probabiliter videtur, homines adultos, qui per actus proprios se à Deo averterunt, iustificari tantùm habitualiter, more infantum, sine conversione ad Deum. Qui enim Deum actu odit, non videtur conversus, nisi actu amaverit.* Quòd servilis Attritio non sit Pœnitentis ad Deum, sed ad semetipsum conversio, ipsi primi ejus Dogmatistæ fatentur, idèdque ipsam adleverant per Sacramentum proficere in Contritionem, vel potiùs in Contritionis effectum, remissionem peccatorum. Adleverant Pœnitentiæ Sacramentum ac ejus operatum opus esse tantæ virtutis, ut habitualement laudatæ remissionis iusticiam, uti Baptisma facit in parvulis, det sine iustitia operum: Etenim servilis Attritio non est per Jesum Christum iustitia, sed ex lege. Sola casta iustitiæ dilectio est iustitia Christiana. Et adversùs portentosum hocce dogma dixit Hugo Marthoud: *Nova hæc opinio tantùm Scriptura sacra detrahât, quantum Sacramento concedere putat.* Nihil enim lucidiùs ac frequentius inculcant Prophetiæ, Evangelicæ, ac Apostolicæ Scripturæ, quam neminem adultum sine vera cordis per castam Dei dilectionem conversione iustificari. De Martino Luthero, qui anno millesimo quingentesimo decimo septimo cœpit blaterare, in plenam necdum insaniam lapsu scribit in Citizenis Ecclesiæ Chronico Paulus Langius, ejus talis qualis Symmista: *Martinus Lutherus, Theologus consummatus, profundus, ac incomparabilis, sacram Theologiam ad fontalem dignitatem, primariamq; puritatem, nec non Evangelicam, sinceram, simplamq; suam innocentiam & integritatem, omni prorsùs Philosophiæ seculari explosâ, reducere conatur.* Agebat Lutherus in novellos tunc Scholasticos, quos post annum millesimum quingentesimum cœpisse in Divinæ dilectionis obligationem esse iniquiores ac laxiores audivimus à Joanne Morino. In plenam insaniam seductus paucorum scabiem adfricare cœpit cunctis, atque ita omnem Ecclesiam, quasi Pœnitescentes, sine bono mentis motu, per solum Sacramenti operatum opus iustificari traderet, est pessimè calumniatus. Et hanc calumniam novellum Melchioris Cani dogma manifestè confirmat. De Fortunatiano Aquileiensi Archi-Episcopo, cujus quædam opera memorat, addit in Ecclesiasticorum Scriptorum catalogo sanctus Hieronymus: *Fortunatianus in hoc habetur derestabilis, quòd Liberum, Romanæ urbis Episcopum, pro fide ad exilium pergentem,*

A. 1254.

sem, primus sollicitavit ac fregit, & ad subscriptionem hareseos compulsi. Hoc ipsum ego ob intrusas in Ecclesiam has vocum novitates dicere haud verear de viro doctissimo Melchiore Cano. Lutheranam enim de Ecclesia calumniam verificare non est leve crimen.

Cap. 29.

Authenticum dogma edere debet suorum natalium origines, Doctorum suorum ordinem usque ad ipsos Apostolos, atque ita ex decurrentibus ab initio successione demonstrare legitimam suam cum Evangelio consanguinitatem. Authenticum dogma nos à nostris Episcopis, hi à suis Majoribus, illi acceperunt ab Apostolis, Apostoli à Christo, Christus à Deo. On ne posterius quid est aliud, nisi filius sine Patre, tyro sine Principe, discipulus sine Magistro? De omni novo dogmate dici possi. ac debeat, quod de Gnosticonum fabulis per ironiam scriptum in Præscriptionum libro Tertullianus: *Aliquos Marcionitas aut Valentinianos liberanda veritas expectabat. Interea perperam Evangelizabatur, perperam credebatur.* Et hinc Beatissimo Patri nostro Alexandro septimo, qui à pessima, Christianum etiam hominem ne semel quidem in vita ad Deum expressè diligenter adstringi garriente, quorundam Theologorum fabula, tamquam sædissima ruga, liberavit Ecclesiam, libet rursus adclamare ex animo: *Annos de nostris.* Etiam à libero servilis Attritionis per simplices animas discursu confidimus liberandam. Malum enim proficit in pejus. Sunt qui etiam putatam dumtaxat Attritionem putent cum Sacramento ad justificationem sufficere, de quibus laudatus Joannes Morinus: *Video beduinos Doctores hanc sententiam passim resutare. Ut nunc tamen sunt homines, periculum est, ne tandem apud multos obtineat, si celebris aliqui Doctor illius defensionem semel amplectatur. Homines enim ut plurimum in causa relaxationis disciplina, & severitatis motum minuenda, ita comparati sunt, ut quâ datâ portâ, statim ruant. Pauci anni sunt, ex quibus quispiam in Iprensis Ecclesiæ Seminario Theologaster nullum penitus, ne quidem naturalem, dolorem tradidit requiri ad Pœnitentialis Sacramenti valorem, solâ peccatoris Confessione & Sacerdotis Absolutione garruens compleri. Et quosdam in errorem seduxerat, multos in dubitationem. Æternâ memoriâ dignus est D. Judocus Bouckart, laudatæ Ecclesiæ tunc Episcopus, qui impressas istas conclusiones defendi vetuit, atque damnavit.*

Pergit Joannes Morinus: *Nondum omnino certum est & exploratum, Attritionem illam cum Sacramento ad impij justificationem sufficere, cum hactenus nullo Ecclesiæ Decreto hoc declaratum fuerit. Pœnitentialis Administrationis Historicum, nullius fermè conclusionis assertorem igit vir prudens ac eruditus, idèdque nullam, licet in animo suo damnatissimam, opinionem verbis apertis damnat: Adserit tamen ancipi-*



tem esse sic iustificati salutem. Quod ipsum, de taliter præsertim in mortis articulo iustificatis, adfirmant Franciscus Suarez, Joannes Sanchez, Paulus Comitulus, aliique plures ipsius etiam servilis Attritionis defensores. Adeò per ipsam aiunt nullum moribundum iustificari, ut etiam velint novo omnem talem maculari mortali peccato. In ipsis suorum patronorum oculis tam monstrosa est hæc Attritio. Nec line fundamentò. Etenim de Catechumeno apud Ecclesiam Catholicam, an apud Donatistas baptizari hæsitante, & Baptismum in ista rectè suscipi habente certum, ambigente autem an & apud hosce rectè suscipiatur, in libris de Baptismo scribit sanctus Augustinus: *Si dubium haberes non illic rectè accipi, quod in Catholica rectè accipi certum haberes, graviter peccares in rebus ad salutem animæ pertinentibus, vel eo solo quod certum in certa praponat.* Et infra in eodem libro: *Accipere in parte Donati si incertum est esse peccatum, quia dubites certum esse peccatum non ibi potius accipere, ubi certum est non esse peccatum?* Necessitatis præsertim Sacramento incertam & dubiam, certâ relicta, adhibere materiam, formam, aut Ministrum, dicit esse mortale peccatum: Cui Doctor Angelicus, Scholastici omnes, & ipsam naturæ lumen adstipulatur. Ergo non in solo mortis, sed in quovis articulo quisquis cum solo servili Attritione cognita Baptismatis aut Pœnitentiæ Sacramentum suscipit, & animam suam & ipsum Sacramentum exponit periculo, atque ita in ipso perit. Adeò monstrosa Pœnitentia est ista servilis Attritio. Ejus patrociniū Hugo Matthoud rectè dixit esse, uti novum, ita & periculosum.

L. 1. cap. 3.

Cap. 5.

## CAPUT QUINTUM.

*Edita nuper Dissertatio à varijs Accusationis capitibus expurgatur.*

**A**ntiquam formandæ & prosequendæ accusationis regulam exponit nobis septima Synodus Carthaginensis: *Quotiescumque Clericu ab Accusatoribus multa crimina obijciuntur, & unum ex hijs, de quo prius egerint, probare non valuerint, ad cetera probanda iam non admittantur.* Ex ipsa & ego agere velim adversum meos Accusatores: Aliquot purgare articulos, reliquos Divino Judicio, & benigno Lectoris animo commendare.

Cap. 3.

*Prima Accusatio diluitur.*

**P**rimum accusationis caput est, quòd voce, *Attritio*, abutar adversus communem intellectum, affirmans, ut vera sit, debere esse germanam Dei, & quidem affectu saltē super omnia dilectionem. A

quorundam hodie laxorum cogitationibus me recedere crediderim facile; verum ab avito sanctorum Patrum intellectu & phrasi scio me non deviasse. Etenim de perfecta Contritione scribit in secundi Psalmi commentario sanctus Hilarius Episcopus Pictaviensis: *Contritio illa sive contractio est, qua in nobis corporeas voluptates, & secularium vitiorum incentiva comminuit, dignosq; nos dignatione Domini prestabit, & secundum dictum Prophetam, cor contribulatum & humiliatum Deus non spernet.* Et in vigesimi tertij Psalmi Commentario S. Basilus Magnus: *Contritio cordis demolitio est, & suppressio humanarum cogitationum. Quicumque enim presentia despexit, seq; Verbo Dei addixerit, & suam ipsius mentem his contradiderit intelligendu, quæ supra hominem & longè divinatoria sunt, hic demum est qui tribulato sive contrito est corde, quig; sacrificium obtulit quod minimè contemnitur apud Dominum.* Et in suis de rectè instituenda vita

Doct. 1.

doctrinis B. Archimandrita Dorotheus: *Contritio cordis est, si id vagari non permittas in alienis & vanis cogitationibus.* Etiam veltræ Venetiæ sanctissimum Patriarcham Laurentium Justinianum nolim præterire: *Primum sacrificium, propter quod homo ad perfectam proficit iustitiam, est sacrificium contriti cordis pro perpetrata scelerum suorum.* Nam Contritio sola est, qua facit animam abhorreere purpuram, desiderare cilicium, amare lacrymas, fugere risum, & veram sectari iustitiã. Et in centesimi quadagesimi sexti Psalmi enarratione S. Augustinus scribit Contritionem duris ac distortis cordibus esse propriam, ipsaque per eam Divinæ legi, tanquam æquali pavimento distorta ligna, coaptari. Perfecta Contritio perfectam involvit charitatem, ex ipsa procedit, ac per ipsam formatur, ideoque omnes originalis libidinis, licet non motus, tamen affixivos assensus excludere non tantum debet, sed & superasse: Esse debet super omnia ista, non solo affectu, sed viribus insuper & effectu. Hinc omnes ab illa corporeas voluptates & sæcularium vitiorum incentiva, omnes alienas ac vanas cogitationes, purpuram & quævis sæculi honores comminui, suppressi, sanari, abhorreri, & mentem nostram plenè, quantum fert præsens vita, Divinis complanari Regulis, laudati Patres affirmant. Eam esse scribunt primum & palmare sacrificium: Quod omne scænum lignum, scoria, & stipulæ per ipsam exurantur, nosque in purum, iuxta præsentis iustitiæ modulum, argentum emundemur & aurum. Esse aiunt sacrificium quod apud Dominum minimè contemnitur: Quod per ipsam statâ lege, etiam ante Baptismatis aut Pœnitentiæ ætalem susceptionem, fiat reconciliatio peccatoris, deinde remissio delictorum. Ex istorum Patrum, sancti præsertim Augustini, autoritate, hocce definivit sacrosancta Synodus Tridentina. Magnus Basilus ac B. Dorotheus utuntur voce, λογισμός,

non

Lib. de  
charit. c. 6.

non quamvis cogitationem, sed accuratam considerationem seu rationationem significantes: Eam ad profectas ex istiusmodi alienis & vanis cogitationibus, palam affixas, cupiditates significandas usurpant, adeoque has omnes & solas à perfecta Contritione volunt suppressi & averiti. Et solam huiusmodi Contritionem è sanctis Patribus multi laudaverunt. Quod enim gravioribus peccatis Sacramentale Reconciliationis beneficium lapsis non nisi semel impenderet antiqua Ecclesia, multorum annorum, imò & totius quandoque vitæ præmisit in cinere, lacco, & omni humilitatis genere Pœnitentiam, quæ omnem affixivæ cupiditatis scoriâ plenè decoqueret, ac peccatorem transmutaret in virum perfectum, qui recipiendæ justificationis stolam ab omni deinceps graviore macula speraretur usque ad exitum custoditurus. Verùm paternæ disciplinæ fuit hæc rigida sanctitas, non Evangelicæ necessitatis. Et omnis germana Contritio non est tantæ virtutis. Uti non quævis charitas, ita non quævis Contritio est perfecta: Alia est dumtaxat nata, alia dumtaxat nutrita, alia dumtaxat adulta, alia dumtaxat robusta. Et hæc species seu classes, quòd in distorto seu durato per peccata corde non quavis, sed grossiores dumtaxat affixivæ cupiditates frangant, posterior ætatis vocavit Attritionem. *Inter fractionem & comminutionem seu Contritionem, inquit Angelicæ Summæ supplementum, In rebus materialibus, unde hæc nomina ad spiritualia transferuntur, hoc interest, quòd frangi dicuntur aliqua, quando in magnas partes dividuntur; sed comminui vel conterri, quando ad partes minimas reducitur hoc, quod in se solidum erat. Nimia Christiani populi multitudo, & multa Romani Imperij, adeoque & Ecclesiæ calamitas primævam charitatis perfectionem refrigerârunt, laxâruntque avitum disciplinæ nervum: Hinc lapsi nostri non solum citra plenam, quâ in perfectionem istam parturiantur aut reformatur; sed & citra omnem antè actam satisfactionem jam pridem donantur gratiâ Sacramentalis Reconciliationis. Ista quidem antè imponitur, sed non nisi post hanc adimpleretur. Ad huius moris exordia Majores nostri perfectæ ac imperfectæ charitatis divisiones & species extenderunt etiam ad Contritionem, & quamvis Contritionem imperfectam, quod pravam mentem non plenè comminuat, sed tantum frangat in partes grossiores, rectè vocârunt Attritionem. Introducendi vocabuli causas largè exponit Joannes Morinus; & adjungit de tempore: Vocabulo ut iam in Scholâ vulgato utuntur Alexander Halensis, Guilielmus Parisiensis, & Albertus magnus. Posteriorum nemo illud præterijt. Nonnulli tamen eodem tempore illud aut non agnoverunt, aut neglexerunt. Sed Auctorum, qui hos antecesserunt, nulli mihi cognitum Attritionem commemoravit, licet easdem cum his question-*

Quæst. 1.  
art. 1.

L. 8. cap. 4

nes agitent. Itaque nomen illud in scholiis vulgari cæpit post annum 1220. centum & paucissimū annis post natam Scholasticam. An per gehennæ aut poenarum metum, an per humanum pudorem aut quodvis id genus instrumentum introducatur Attritio, parum refert: Extrinseca sunt hæc, nec ad ejus spectant interiora. Essentiale utriusque Contritionis delictum consistit in sola varia lapsi & distorti animi fractura. Hoc Patrum meorum sensu locutus sum, & video me bene locutum.

*Diluitur secunda Accusatio.*

Fol. 6.

Fol. 11.

Cap. 17.

**I**Nsignem accusationem continent hæc præfati Clerici verba: *Hæc est Attritio, de qua hic disputatio instituitur, in qua reperiuntur iam dicta, non interveniente tamen perfecta charitatis seu Dei propter se dilecti motivo.* Eadem formâ etiam infra scribit: *Pater Lupus fateretur Davidem, Magdalenam, aliosq; non videri habuisse actum vera contritionis.* Nec dixi id unquam, & spero, Deo me custodiente, numquam dicere. Quisquis simile quid dixerit, anathema sit. Inter veram & perfectam, uti charitatem, ita & Contritionem est grande intervallum. Ad Attritionem nunquam requisivi perfectam, sed veram dumtaxat charitatem. Quin Regius Propheta ac Maria Magdalena ex vera charitate poenituerint, solus negare possit antiquorum sanctorum & veteris legis blasphemus Osor Marcion aut Manes. Verum an perfecta illis fuerit charitas, est antiqua inter Orthodoxos Patres & Doctores quæstio, meæ Dissertationis scopo non necessaria, ideoque nec decisa. Davidem interim ac Mariam Magdalenam fuisse dumtaxat imperfectè contritos, Guilielmus Estius & Franciscus Sylvius adfirmant. Etiam S. Petro Apostolo, dum cum Domino in carcerem & mortem ire spondit in cæna, charitatè fuisse veram ac germanam, nullus ambigere possit orthodoxus; fuisse tamen parvam ac invalidam constanter in libro de gratia & libero arbitrio asseverat S. Augustinus. Die post Domini Resurrectionem quinquagesimo missus in linguis igneis Spiritus sanctus & Petrum & omnes Apostolos primum in charitate perfecit. Ita cum S. Augustino omnes passim tradunt Ecclesiæ Patres. Et hinc mea hæc verba, *Per timorem solum citra charitatem de peccatis concepta Contritio est Contritionis fucus,* recta sunt & vera. Desumpta sunt ex viro summo, Theologo Eximio Orthodoxo, laudato superius Fratre Petro à Soto: *Sine Dei dilectione, de qua dictum est, Dimissa sunt ei peccata multa, quia dilexit multum, Contritio non est vera.* Et ex Richardo de Sancto Victore in libro de solvendi ac ligandi potestate: *Qui veraciter de suis criminibus penitens, pro certo iam charitatem habet.* Et ex Doctore Angelico, scribente ad

veram Pœnitentiam concurrere actum fidei, servilis timoris, spei in Deum, ac tandem charitatis, quâ alicui peccatum displicet secundum seipsum, & non iam propter supplicia. Proximum ac immediatum veræ Pœnitentiæ principium scribit esse timorem filialem. Quæ usque ad Melchiorem Canum fuit sententia omnium Christianorum.

Part. 3. q.  
87. art. 5. 6.

*Diluitur tertia Accusatio.*

**A**liud accusationis punctum est quod dicam latentem in corde cupiditatem servili gehennarum metu frænari dumtaxat & compesci à peccatis externis, non sanari & evacuari. *Hac opinio*, inquit bonus Clericus, *Paradoxa est*. Addit eam esse Cornelij Jansenij ac Martini Lutheri. Respondeo non quidquid Jansenius ac Lutherus dixerit, Jansenianum esse aut Lutheranum. Hæresis à Christo Domino nostro lepra vocata fuit, quod Evangelicum dogma dumtaxat hinc inde maculet, non totum evertat. Nonne enim Septimij Tertulliani, Adamantij Origenis, Joannis Cassiani, Facundi Hermianensis Episcopi, aliosque plures hæreticorum aut schismaticorum devios libros, uti pretiosissimum multæ veritatis thesaurum, Mater Ecclesia custodit? Etiam hic ipse Accusator Hilari, Orthodoxi primùm in Romana Ecclesia, dein in Luciferiano schismate solius sine ullo Episcopo aut Presbytero contumacissimi Diaconi, leprosa in S. Pauli Apostoli Epistolâ commentaria honorat tanquam S. Ambrosij, atque ex illis firmare conatur suas cogitationes. Uti in hoc Ambrosiastro varia, ita in Martini Lutheri sterquilinio possit hinc inde aliqua latitare gemma veritatis. Quidquid interim Lutherus de hoc puncto aut Jansenius senserint, ego patenter sensi cum Hugone de S. Victore in libris Miscellaneorum: *Triformis est odor vite. Non delinquere: Quod agit timor servili. Nolle delinquere: Quod operatur filialis. Non posse delinquere: Quod confert gloria perennis. Primi sunt servi, secundi filij, tertij beati.* Loquitur ex Regio Propheta, de Judæis per solum servilem timorem in divina Regula ambulantes scribente: *In lege eum noluerunt ambulare.* Causam in Psalmi istius commentario dat S. Augustinus: *Ex corde fieri nullo modo potest, quod fit formidine pœnæ, non amore iustitiæ.* Largè id illic exponit.

Fol. 7.

L. 4 c. 22.

Psalm. 77.

Quod ipsum facit etiam in litteris ad Anastasium: *Inaniter putas victorem se esse peccati, qui pœnâ timore non peccat. Quia etsi non impletur foris negotium mala cupiditatis, ipsa tamen mala cupiditas intus est hostis. Et qui coram Deo innocens invenitur, qui vult fieri quod veratur, si subtrahat quod timeatur? Ac per hoc in ipsa voluntate reus est, qui vult facere quod*

Epistol. 1. 4.

non

non licet fieri, sed ideo non facit, quia impunè non potest fieri. Nam quantum in ipso est, mallet non esse iustitiam peccata prohibentem atque punientem. Et utique si mallet non esse iustitiam, quæ dubitaveris quod eam, si posset, auferret, ac per hoc quomodo iustus est iustitia salu inimicus, ut eam, si posset, auferat, præcipientem auferat, ne comminantem vel iudicantem ferat? Inimicus ergo iustitia est qui pœna timore non peccat. Amicus autem erit, si eius amore non peccet. Tunc enim verè timebit peccare. Nam qui gehennas metuit, non peccare metuit, sed ardere. Ille autem peccare metuit, qui peccatum ipsum sicut gehennas odit. Ejusmodi plura Latinorum & Græcorum Patrum testimonia Eruditio vestra novit.

Fol. 108.

Adductum sancti Augustini locum, desumptamque ex ipso doctrinam insigniter in libro de humani generis captivitate ac redemptione illustrat magnus olim hujus Academiæ Doctor, & adversus Lutherum acerrimus pugil, Joannes Driedo: Ad id, quod ultra in primo argumento adsumitur, eum qui solo metu gehenna ignis aut temporalis pœna facit Præceptum, videntur adhuc odio habere Præceptum aut punientem iustitiam, Respondeo quod is, qui solo metu gehennæ ignis coercet se ab opere malo, Præceptum quidem odit secundum amorem quemdam habitualement, seu radicem intus latentem, nondum renovatus Spiritu amoris iustitia, sed non semper est odium in actu, non semper actu concupiscit destructam esse iustitiam punientem. Nam dum qui concussus timore Divini iudicii incipit cessare à consensibus nefarii operis, & fugere stupra, adulteria, ceterasque ignominia passiones, cavet interim ne extendat membra in opus, viva tamen semper manet in eo peccandi voluntas, donec fuerit renovata Spiritu amoris iustitia. Proinde & sic subiectus servili timori quodammodo non vult peccare, & quodammodo vult peccare. Vult quidem, quia in eo vivit latens quædam peccandi voluntas, non actualis quidem semper in actu peccandi, sed habitualis, secundum quam necdum amicus iustitia semper manet preparatus peccare, suæque libidini servire, si esset impunitas. Non vult autem peccare, quia iam concussus timore Divini iudicii, sciens Deum esse cui onine cor patet, & omnis voluntas loquitur, & quem nullum taret secretum, incipit exire de saculo. Et idcirco non quemadmodum fur vel adultera expectat opportunitatem loci & temporis ad perpetrandum nefarium opus, sed intra cogitationis claustra coercere & comprimere studet, ne pravæ cupiditatibus præstet assensum. Rectè propterea & Divus Bernardus sub hoc statu timentium timore Divini iudicii dicit esse exitum de saculo, & introitum quemdam vitæ & legum. Per latentem intra cogitationis claustra pravam cupiditatem, & habituale punientis iustitiæ odium nullo pacto relictum ex priori parente voluntate vitium, maculam, aut reatum, sed cum sancto Augustino intelligit stabilem distoræ mentis adfectum ac præparationem,  
à Scho-



à Scholasticis Doctoribus jam pridem captam vocari voluntatem virtutem, quam esse verum, sed secretum, quia ab intellectus super ipsum reflexione separatum, voluntatis motum, ideòque per ipsum, dum pravus est, hominem continuari ac permanere actum peccatorem, ex laudato Augustino possit lucidè ostendi, & res ipsa clamar. Nonnè professi usurarii, meretrices, latrones, licèt actu de professione non cogitent, ob paratam tamen semper in prava opera mentem sordent in continua voluntate scenerandi, scortandi, rapiendi? Captivus, exul, spoliatus, licèt aliud agant & animo volvant, in adsiduo hærent desiderio recuperandæ rei, patriæ, libertatis. Ea mentis habitudo non est aliud, quam voluntatis ab intellectus suprâ ipsum reflexione spoliatus motus: Latet & quasi dormit, ideòque à quibusdam existimatur non esse actus, sed dumtaxat quæpiam ejus præteriti vicaria virtus. Ex reflexionis spolio latere intellectum potest, & tamen esse. Quidquid sit de ista scholæ controversia, cum laudato Driedone scripsi in Dissertatione: *Latens peccati cupiditas est intima & secreta menti preparatio*, F. 71. qua humo servili gehennarum metu frænatus mallet esse licitum quod dolet vetitum, qua velit non esse legem peccata prohibentem, aut certè punientem, qua optat non esse gehennas, quibus à cupiditatum suarum sequela & adimplerone retardentur. Et hæc est cupiditas, quam Patres adsidue dicunt per solam charitatem evacuari.

Hoc ipsum docet Guilielmus Estius. Duas proponit quæstiones. Prima est: An qui solo timore pœna, seu temporalis, seu æterna, vel opus legis facit, vel à peccatis abstinet, peccet? Altera est: Vtrum omne opus ex solo timore pœna procedens sit peccatum? Posteriores disputat ac tuetur problematice, & post adducta in partis affirmativæ probationem varia sanctorum Augustini & Prosperi loca, concludit de priorè: Ex his igitur hoc saltem consequens videtur, omnem eum peccare, qui solo timore abstinet à peccato. Vt cumq; enim se habeat opus externum, & sive illud propter debita circumstantiæ defectum debeat dici peccatum, sive possit aliquo modo à peccato excusari, de quo videre licet sanctum Bonaventuram & Durandum, certè omninò satendum est id, quod Patres adfirmant, eum qui serviliter timet, & ex eo timore aliquid facit vel omittit, ipsa voluntate intus atq; in animo reum esse, dum mallet quod iubetur omittere, vel quod prohibetur facere, si liceret impunè. Præsertim si actualem huiusmodi in ipso opere habeat voluntatem. Hocce casu adfirmat non solummodò peccare ex timore operantem, sed & ipsum tunc timorem, factumque ex ipso opus esse peccatum. Et inferiùs: Quæ postremò pro adfirmante secundæ quæstionis parte ex Patribus proferuntur, non aliud convincunt, quam eum peccare vel actu vel habitu, qui solo timore pœna ab opere peccati abstinet,

l. 3 Dist.  
3. 4. 5. 8.

quia videlicet voluntatem gerit adhuc iustitia inimicam, & legi Dei contrariam, cum quo nihilominus consistit, ut nec timor ipse, nec opus ex timore profectum sit peccatum, si nulla ipsum vitiet circumstantia. Peccare habitum etiam huic sancti Augustini discipulo est secreta mentis in peccatum præparatio: Eam dicit non sanari per metum, ideoque solo metu actum animum esse adhuc iustitiæ & legis inimicum.

Addo hanc propositionem, Servilis gebennarum metus compescit & aufert sola peccata externa, esse mali comatis, nec unquam à me adsertam. Eleganter hoc tradit in superiùs laudato opere Joannes Driedo, servilis timoris utilitates exponens, atque adjungens: Vnde timor Dei, etiam servilis, expellit peccatum, id est, actionem peccandi, dum cohibet & ipsam voluntatem ab executionis imperio, & ipsa membra ab executione. Et ita timor Domini expellit peccatum, sive quod iam admissum est, inquit Bernardus, penitendo, sive quod intrare tentat, resistendo. Proinde quamvis timor sit cum peccato in eo, qui necdum amat iustitiam, is tamen qui timet gebennam ignis aut iustum Dei iudicium, neque peccat, neque Deum offendit in eo quod sic timet, sed magis humiliatur sub potenti manu Dei, suo spiritu vehementer concutienti desertum, & confringenti cedros Libani, hoc est, superbas & animosas peccandi audacias. Nonne executionis imperium, seu pravi operis patrandi efficax Decretum, quod per servilem metum auferri audis, est peccatum internum? Sola in ima cordis abyssu, qua quis velit licitum quod novit vetitum, latens cupiditas, ac servilis animi vilitas servili timore non evacuantur. Et hinc cum sancto Augustino dixi: Qui timore pena non concupiscit, puto quia concupiscit. Eiusdem Augustini definitiva est apud sanctum Prosperum sententia: Eam Deum innocentiam probat, quâ homo non metu pena sit innocens, sed amore iustitiæ. Nam qui timore non peccat, quamvis non noceat, cui nocere vult, sibi tamen plurimum nocet: Et abstinens ab opere malo, sola tamen reus est voluntate. Quod ipsum lucidè docet sanctus Thomas. Addit in Miscellaneorum libris Hugo de sancto Victore: Frænum carnis est timor. Cum enim ad delectationem precipitem impellit desiderium culpa, cohibet à delectatione timentem providentia pena. In hoc enim quod cernit quod post culpam pena sequatur, sive in correctione, sive in damnatione, refranatur culpa sive in opere, sive in delectatione. Timor ergo frænum: Ipse timor cohibet & stringit effluentem animum, & sistit eum ad tolerantiam, ostendens facilius malam concupiscentiam vincere, quam malam conscientiam tolerare: Et eligit durum, ut durius evadat. Ecce non solùm adimplendæ cupiditatis Decretum sed & natam ex ipsa delectationem timor aufert. Uti effectum frustrata, ita timore frænata cupiditas infert dolorem adeò acrem, ut eum sanctus Joannes Apostolus appellet tormentum.

F 108.

Cap. 117.

2. 2. q. 19.  
art. 4.

l. x. c. 119.

tum. Solam igitur illam intimam, quâ serviliter timens malit licitum quod sentit veritum, cupiditatem, tormenti istius matrem & fontem, non sanat neque aufert metus: Ille est mentis ad malum præparatio, quâ sancti Augustinus & Prosper adfirmant hominem relinqui & permanere iustitiæ & legis osorem.

*Quarta Accusatio diluitur.*

**V**Ti actualement & patentem, ita virtualement ac latentem cupiditatem, quâ quis malit non esse prohibentem ac punientem peccata iustitiam, quâ illam si posset auferret, quâ sit ejus inimicus, si quidem circa rem mortaliter vetitam versetur, quis ambigat ex genere suo esse peccatum mortale? Disertè id affirmantem sanctum Joannem Chrysostomum adduxi in dissertatione. Quod ipsum disertè docet antiquus Scholasticus, Petri Lombardi discipulus, Petrus Pictaviensis: *Servilis timor facit hominem cessare à peccato, sed non ab omni peccato. Etsi enim cesset hic per timorem servilem à malo opere, non tamen à mala voluntate, qua mortale peccatum est. Voluntatem enim habet peccandi, sed cessat tantum propter pœnam. Et Doctor Angelicus: Obiectum timoris servilis est pœna, cui accidit quod bonum, cui contrariatur pœna, ametur tamquam finis ultimus, & per consequens pœna timeatur tamquam principale malum, quod contingit in non habente charitatem. Per charitatem non sanata servilitas proprium commodum diligit uti finem ultimum: Quod quis dubitet esse mortale peccatum? Ex hac tamen doctrina Accusator affirmat legitime sequi, quod is, qui ante Baptismum mortaliter deliquit, nunquam possit iustificationem obtinere, nisi novum peccatum mortale committat; baptizatus verò, si peccet mortaliter, non nisi in rarissimo casu iustificari possit, nisi novo mortali admissio. Et insinuat: Egregia profectò hac est scelorum Penitentia, qua non nisi cum novo scelere peragi potest. Ejusmodi Pœnitentiam esse monstruosam & ipse profiteor. At ejus assertionem mihi imponi est majus monstrum. Aliud est quempiam ad incussum gehennarum metum, & ex ipso solo formatum de peccato dolorem in peccati istius priori cupiditate persistere, aliud per ejusmodi dolorem & metum committi novum peccatum. Primum dixi, fretus autoritate S. Joannis Apostoli: *Qui non diligit, manet in pravæ suæ cupiditatis, natiq; ex ipsa reatus morte.* Homo cupiditates suas sequens & adimplens per divinitus incussum gehennæ metum compellitur & revocatur ab iisdem adimplendis & imperandis, adeoque tantum abest novum ab illo committi peccatum, ut à multa peccati sui portione omnino liberetur. Nihilominus inaniter putat victorem se esse totius peccati, quia etsi non impleatur*

Part. 3. c. 18

2. 2. q. 19.  
Art. 4.

Pol. 11.

foris negotium mala cupiditatis, ipsa tamen mala cupiditas intus est hostis. Quod ab hoste hoc non nisi per diffusam à Spiritu sancto actualementem charitatem liberentur corda nostra, est unum ex immobilibus fidei Christianæ fundamentis.

*Quinta Accusatio diluitur.*

Fol. 12.

**P**ergit Accusator: Ex eadem doctrina sequitur peccatorem, dum Atteritionem elicit, fieri hypocritam hoc sensu, quod exterius à peccato abstinere, latente interius peccaminosa voluntate, adedq, quod exterius facit non faciat ex animo & sincero corde. Factam ex solo metu iustitiam, licet non mihi, tam è Luthero affirmat ac ostendit esse: hypocrisis, & cōcludit: Atqui atteritus ex metu gehenna verè sit hypocrita hoc Martini Lutheri sensu iuxta P. Lupum, ergò iuxta eundem rectè & catholicè quoad hoc sensu Lutherus, nec fuit censura obnoxius. Respondeo inferendum fuisse: Ergò pravè sensit, fuitq, obnoxius censura. Duo hîc convolvuntur. Primum est, quod facta per solum servilem metum bona opera sint non Christiana ex Divinæ infusionis dono, sed judaica ex lege iustitia. Alterum, quod talis iustitia sit semper hypocrisis, faciatq, hypocritam. Primum omninò dixi: Est enim immobile fidei Christianæ fundamentum. Et propter ejus adsertionem nec damnatus est Lutherus, nec potuit damnari. De secundo scribit in sancti Prosperi sententijs sanctus Augustinus: *Simulata innocentia non est innocentia. Simulata aq, uitas non est aq, uitas, sed duplicatur peccatum, in quo est iniquitas & simulatio.* Et in opusculo de fructibus carnis & spiritus Hugo Victorinus: *Hypocrisis est virtutum simulatione clausum vitium ex arte palliare.* Ab ea fieri de medicina languorem, & virtutem verti in vitium scribit in tertio libro Miscellaneorum. Secunda igitur à me disertè damnata propositio, quod hypocrisis esse debeat iustitiæ histriionatus & simulandi studium, est penitèrs falsa, ipsam pessimè blateravit Lutherus, ejusq, causâ potuit omninò damnari.

Cap. 219.

*Sexta Accusatio diluitur.*

Fol. 23.

**D**enuò Accusator: Ex iisdem principijs sequitur, quod qui atteritur, constituatur magis peccator. Addit enim veteribus peccatum novum, quod est simpliciter & propriè constitui magis peccatorem. Et in hoc sensu passim loquitur Lutherus, dum dicit fieri magis peccatorem. Ejus verba adducit, & prosequitur: Dixerat Lutherus peccari, dum à timore inchoatur Pœnitentia, quod ipsum asserit P. Lupus. Id explicat Etkius per facere magis peccatorem, aded apud ipsos hac duo idem significabans. Et rursum: Etiam

Fol. 109.

in x-

iuxta P. Lupum qui dolet ex timore, constituitur osor Dei. Respondeat pro me Joannes Driedo: Quisquis ex recogitatione gehenna ignis, aut recordatione Divini Iudicii concussus, timore incipit odio habere peccata, suasq; frangere concupiscentias, & abhorre ac fugere adulteria, stupra, & id genus alia, non peccat in eo quod sic timet, aut sese continet coercens sua membra à nefarijs operibus, sic timore Divini Iudicii concussus. Dixi signanter: NON PECCAT IN EO QUOD SIC SESE CONTINET. Siquidem causa huiusmodi timoris est spiritus timoris Domini, supprimentiu hoc pacto audaciam peccandi. Tamè abundè peccabit, si simul adsit in actu vel à carne vel à spiritu nequam alius quispiam pravius voluntatis, vel desiderantis non esse ullam legem prohibentem, & non esse Deum punientem, vel tristantu de hoc quod sibi non liceat impunè peccare, vel magis odio habentiu pœnam & iustitiam, quam culpam. Quamvis igitur stantibus huiusmodi moribus simul, anima quidem à Deo se elongat, non tamen in eo quod timet gehennam: Non in eo quod ex huiusmodi timoribus continet & coercet sese, sed in eo quod odit iustitiam Dei legem danti, & transgressorem punienti. Proinde & concurrentibus moribus illu pravius, minus peccabit coercens sese à nefarijs operibus, quam si cum eisdem moribus protrueret in illa. Solo igitur timore gehenna sua membra cohibens ab opere, non magis, sed minus potiùs sese elongat à Deo, quam illa movens in opus, modò sint cetera paria. Quamquam in timore servili ipsa servilitas, seu peccandi voluntas, qua intus latet, non sit Spiritus sancti opus, utique tamen timor Divini Iudicii, cum sit opus fidei, procedit ex dono Dei. Proinde verum quidem est apud eos, qui solo servili metu solius pœna obediunt Præceptu, abstinentes ab illicitis, neque esse curam pudoris, neque honestatis, virtutis, & castitatis morem, eosq; timore reprimi, non emendari; ac tamen ipsi neque tantum nocent, neque tantum offendunt, quàm qui, prout libido fert animi, grassantur non repressi ullius superioris legis pudore & metu. Aliud est per servilem Attritionem, aut per servilem Pœnitentiæ inchoativum metum peccari, aut hominem constitui peccatorem & osorem iustitiæ, aliud sub tali aut post talem Attritionem & metum adhuc peccari, seu perseverari in priori quapiam mala voluntate, hominemque per ipsam continuari osorem iustitiæ & peccatorem. Summum inter hæc duo est chaos firmatum. Primum, ex quo hominem per servilem metum fieri magis peccatorem sequitur, blateravit Lutherus, ideòque meritò est damnatus Tridenti. Ego cum Joanne Driedone dixi posteriùs: Est enim orthodoxi dogmatis immobile fundamentum. Post acceptum, inquam, solius servilis timoris spiritum carnalis homo perseverat peccator & osor iustitiæ: Non per ipsum timorem, sed per timore isto non evacuatam latentem peccandi cupiditatem. Quia tamèn & à peccatis exter-

nis, & ab ipsorum patratorum efficacibus imperijs ac delectationibus liberatur per eundem timorem, nequaquam major, sed longè minor per ipsum fit & constituitur peccator. Rursus dico: Per ipsum homo à multa peccatorum parte liberatur.

*Diluitur septima Accusatio.*

**S**ervilis timoris dixi esse varias utilitates. Dixi ab illo non solum cum sui patrandi internis imperijs ac Decretis externa peccata, sed & inveteratas ipsorum auferri consuetudines; Dixi ipsum esse necessitatem compulsivam ad bonum; esse germanam plantationem ac rigationem, cui Deus non rarò det iustitiæ incrementum; esse iustitiæ plantationem validissimam, à Domino laudatam in Evangelio, *Compelle intrare*. At ecce hinc nova Accusatio: *Per timorem fit consuetudo peccandi ex sententia P. Lupi, nempe peccato interno, unde omni peccati externi origo & radix*. Et iterùm: *Iuxta P. Lupum timor servili augeat & roborat consuetudinem malorum in corde*. Rursum cum Joanne Driedone respondeo aliud esse internorum peccatorum consuetudinem per servilem gehennarum metum fieri, augeri, aut roborari; aliud ipsam cum & sub tali timore adhuc perseverare, seu per ipsum non eradicari. Absit ut primum vel cogitarim. Ne quidem dixi secundum. Dixi patentes animæ cupiditates, seu efficacia patratorum pravorum operum imperia per servilem metum evacuari, addens ipsum esse Divinæ gratiæ præcursores, & sapientiæ initium: Utique Divinæ charitatis, quæ etiam latentes in corde cupiditates sanat atque evertat. Locutus sum cum S. Augustini ad Honoratum Catechumenum Epistola: *Premissus timor in cor nostrum pellit inde consuetudinem malorum operum, & servat charitati locum*. Et in centesimi vigesimi septimi Psalmi Commentario: *Timent quidam, sed non amant iustitiam. Cum autem per timorem continent se à peccato, fit consuetudo iustitiæ; & incipit quod durum erat amari, & dulcescit Deus*. Et iam incipit homo iuste vivere, propterea non quod timeat pœnam, sed quia amat aternitatem. Et in tractatibus super sancti Joannis Epistolam: *Cœpit homo timere diem iudicii, timendo corrigit se. Vigilat adversus hostes suos, id est, adversus peccata sua. Incipit reviviscere interiorius, & mortificare membra sua, quæ sunt super terram. Quantum autem mortificat membra sua super terram, utique pravæ suas cupiditates, sanctorum surgunt & corroborantur membra cælestia, opera bona*. Hinc addit servilem metum, licet sanitas non sit, esse tamen medicamentum. Quî igitur ego dixisse possim aut cogitasse peccata interna, ipsorumq; consuetudinem per ipsum fieri, augeri, roborari? Servilis Attritio,

Ep. 110.  
c. 17.

Tract 9.



si non nisi ejusmodi Accusationum artibus possit fulciri, palam est eradicanda plantatio, quæ non est à Patre.

*Accusatio octava diluitur.*

**S**ervilem gehennæ metum, licet officio & substantiâ bonum, dixi laborare vitio radices. Oritur enim non ex casto Dei seu iustitia, sed ex mercenario amore sui ipsius, quo homo sibi bene vult, non solum in hac vita, sed etiam in futura. Porro sui ipsius amorem, quo homo non in Deo, sed in ipso seipsum diligit, esse fontem impurum, & omniū distorti adfectus primam radicem, est unum è fundamentis doctrina Catholica & Augustiniana. Ad quæ Accusator: Atqui actus, de cuius bonitate hic disputamus, est is qui fit in timore, adedq, cui ex sua intrinsecu convenit, quod pro suo motivo habeat amorem sui, & non Dei propter se dilecti; ergo iuxta P. Lupum ille actus secundum se & sua intrinseca consideratus habet impurum motivum, estque adfectus distortus & malus. Respondeo me docuisse ex sancto Thoma: Timor servili ex amore sui causatur, quia est timor pœna, qua est detrimentum proprii boni. Et iterum: Quamquam timoris servilitas mala sit, ipse tamen timor servili secundum suam substantiam est bonus. De Hæreticis & Schismaticis, pro Christo Domino aut aliqua ejus orthodoxa veritate mortem aut tormenta ex servili gehennarum metu sustinentibus apud alios Hæreticos aut Paganos, scribit in libro de Patientia sanctus Augustinus: Nullo modo ista culpanda sunt, immò verò & hæc laudanda patientia est. Et infra in sequenti capite: Sicut negandum non est hoc etiam esse donum Dei, ita intelligendum, alia esse Dei dona filiorum illius Hierusalem, qua sursum est libera mater nostra. Hæretici & Schismatici nequaquam Deum aut sese in ipso castè, sed seipsos in seipsis impurè diligunt: Et tamen ex tali per servilem gehennarum metum fonte natam patientiam, seu patiendi voluntatem audis nullo modo culpandam, immò & laudandam. Utique quoad substantiam, non quoad radicem. Idem ego ex laudato Augustino dixi de servili gehennarum timore.

De eodem rursùm dixi: Gehenna meus ex proprio sui ipsius amore nascitur, adedq, qui ob illam solam, & non Christum Dominum à gravi peccato abstinere, non solummodo plus illam timet, sed & seipsum supra Dominum diligit, quod esse etiam cogitatu horrendum, nobis Iulianus Pomerius dixit. Ad quæ verba iterum Accusator: Atqui nasci ex amore sui ipsius essentiale est actui, de quo disputamus, ergo hic actus iuxta P. Lupum ex sua intrinsecu non tantum malus est, sed & insigniter malus. Respondeo me etiam hic cum sancto Thoma fuisse locutum: Obiectum servili timoris

2. 2. q. 19.  
art. 6.

2. 2. q. 19.  
art. 4.

est

*est pœna, cui accidit quod bonum, cui contrariatur pœna, ametur tanquam finis ultimus, & per consequens pœna timeatur tanquam malum principale, quod contingit in non habente charitatem. Vel quod ordinetur in Deum sicut in finem, & per consequens pœna non timeatur tanquam principale malum quod contingit in habente charitatem. Ab illo, qui ex solo servili citra Dei charitatem metu operatur, in sui ipsius, cui pœna contrariatur, commodo proprio constitui finem ultimum, ideòque plus seipsum quàm Deum diligere, lucidè adfirmat Doctor Angelicus. Seipsum, inquam, suprâ Deum diligit taliter timens, non per ipsum timorem, sed per timori adhuc adnexam, & à sola Dei charitate separandam servilitatem.*

Quare errorem continent hæc Accusatoris verba: *Nasci ex amore sui ipsius essentiale est actui, de quo disputamus. Utique servili gehennarum metui. Hæc item verba: Et ex suo intrinsecu convenit, quod pro motivo habeat amorem sui, & non Dei propter se detecti. Etenim longè aliter sensit sanctus Thomas, scribens servilitatem, essentialiter pravam, non esse de timoris servilis essentia, & adjungens jam laudata verba, lucidè adfirmantia eundem numero timoris actum modò posse in proprio timentis commodo hæerere & sisti, modò referri in Deum ut finem principalem. Quod natales mutare, & modò ex impuro, quo semetipsum in semetipso, modò ex casto, quo seipsum in Deo diligit homo, nasci possit successivè etiam numero eadem timoris substantia, docet in articulo subsequenti. Servilis metus officium in Apostolicæ ad Romanos Epistolæ elucidatorijs quæstionibus insigniter exponit Hugo de sancto Victore: De quo, utique servili gehennarum metu, potest quari, An sit donum Spiritus sancti? Quod si est, bonus est. Sed videtur malus, cum propter pœnam faciat servire. Solutio: Isto bonus est, bonum habens effectum, scilicet cohibere à malo opere. Hoc autem, quòd mala voluntas remanet, non est ex ipso, sed ex hominis vicio. Et Petrus Pictaviensis: Idèd dicunt quidam quod serviliter timere malum est, nec est usus servili timoris serviliter timere, nam ille bonus est, & hoc est malum; sed potius timere pœnam & retrahere à peccato, quorumque utrumque bonum est. Sive ex casto, sive ex impuro sui amore nascatur, utroque hocce officio ille omninò fungitur, ideòque passim ac meritò à Doctoribus scribitur esse semper etiam substantiâ bonus. Quòd non sola exteriora opera, sed & quædam internæ voluntates sint quoad speciem indifferentes, ac individualem bonitatem ac malitiam ex varia imperantis ac dirigentis intentionis qualitate quandoque alternent, ex sancto etiam Augustino possit admodum probabiliter suaderi.*

*Dixi de servili metu: Passim dicitur esse etiam substantiâ bonus. Inter*  
ejus

Art. 6.

q. 194.

Part. 3.  
c. 18.

ejus quippè officium & substantiam aliqui distinguunt, istud solum bonum, hanc malam professi Internos intellectus & voluntatis motus non à solis objectis, sed & à tendendi modo dividim variam substantiæ speciem: A pœnarum metu, dum ex proprio timentis, & dum ex Dei amore nascitur, existimant alio & alio modo tendi in pœnas, idè-  
 que eundem numero metum non posse nunc ex hoc, tunc ex illo procedere fonte. Est Scholastica quæstio, cujus adfirmativam partem in libris de vita contemplativa omninò secutus fuit Julianus Pomerius, L. 3. c. 31. Fol. 45.  
 de quo Acculator: *Cum suo Iuliano pronuntiat Pater Lupus.* Nempe quis sit hic Julianus, homo ignorat. Est non mei solius, sed totius Doctor Ecclesiæ, cujus insignes de vita contemplativa libros plurimi jam pridem existimârunt esse sancti Prosperi. Eos enim uti tales laudant in Cap. 4.  
 Canonicorum Regula sanctus, qui sub Pippino Francorum Rege floruit, Crodogangus Episcopus Metensis, in libris de laicali institutio-  
 ne Jonas Aurelianensis Episcopus, Aquisgranensis sub Ludovico Pio Synodus, Fontanellensis Cœnobij Chronicon, & alij antiqui plures. Verùm in suis ad laudatum Jonam marginalibus scholijs eruditus Lucas Dachérius rectè affirmat esse opus Juliani. Etenim in Ecclesiasticorum Scriptorum catalogo scribit sanctus Isidorus Archi-  
 episcopus Hispalensis. *Iulianus cognomento Pomerius edidit tres libros de futura vita contemplatione, vel actuali conversatione, nec non etiam de vitiis atque virtutibus.* Fuit vir Afer ex Provincijs Mauritanix: Quòd in Gallia primùm Rhetor, deindè Presbyter & Arelatensis Abbas floruerit, lucet ex vita sancti Cæsarii ibidem Episcopi, & ex Ruricii Lemovicensis Episcopi litteris ad ipsum Julianum. Andegaven-  
 sis Canonum codex vocat sanctum Pomerium. Quæ omnia in suis ad memoratam Aquisgranensem Synodum notis confirmat Jacobus Sirmondus. Hæc breviter adducta volui, ne quis tantum virum etiam damnet de Lutheranismò.

Eandem sententiam manifestè probavit etiam Hugo de sancto Vi-  
 ctore. Quatuor passim distinguit timores: Servilem, mundanum, ini-  
 tiale, ac filialem. Servilem passim esse vult illum, quo ob instigendas  
 per hominem pœnas cessamus à malo opere, sed non à mala voluntate,  
 & in Theologica de Sacramentis Eruditione adjungit: *Ex his quatuor* L. 10. c. 5.  
*timoribus duo mali sunt, id est, servilis & mundanus; duo verò boni, id est,*  
*initialis & filialis.* Et rursùm in alio ejusdem operis loco: *Est praterea* L. 4. c. 17.  
*timor Divinus, timere Deum propter pœnam, vel præsentem, vel gehenna-*  
*lem. Si tantùm timet Deum propter pœnam sine dilectione boni, languor est,*  
*& pœna tormentum habet, quòd scilicet malorum est, & servilis est timor.*  
 Hoc est, malus est ad instar alterius servilis. Quibusdam sua ætate

Doctoribus, quorum adducit & solvit argumenta, eandem fuisse mentem testatur Petrus Pictaviensis.

Sess. 6.  
can. 8.

Et de hac quæstione sacrosancta Tridentina Synodus videtur nihil definivisse. Hinc ejus Canonem, *Si quis dixerit gehenna metum, per quem ad misericordiam Dei de peccatis dolendo confugimus, vel à peccando abstinemus, peccatum esse, aut peccatores peiores facere, Anathema sit*: Hunc, inquam, Canonem laudatissimi & gravissimi hoc tempore Theologi intelligunt de timore initiali. Sentiant de Sacrosancto hoc Concilio, quod de Sacrosancto Jesu Christi Evangelio scripsit in laudata Eruditione laudatus Hugo: *Servilem & nundanum timorem prohibet Christus dicens, NOLITE TIMERE EOS, QUI OCCIDUNT CORPUS TANTUM, ANIMAE VERÒ NON HABENT QUID FACIANT. Post de initiali timore subiungit dicens: SED EUM TIMETE, QUI POTEST ANIMAM ET CORPUS IN GEHENNAM MITTERE. Quem non praeceperet, nisi in eo charitas, tametsi nondum perfecta, esset.* A laudatis Doctoribus creditur etiam Tridentina Synodus pro alio timore non fuisse definitura. Et sanè voces, *Per quem ad misericordiam Dei confugimus, De peccatis dolendo, A peccando abstinemus*, omnino laudant initialem, timore gehennali introductam, charitatem. Non enim dicit, *De pena dolendo, sed de peccatis*. Oppositam sententiam ex rationibus sui amplexus in Dissertatione: Et istam tamen nec damnavi, nec possum damnare. Ei Accusator sine fundamento imponit Lutheranismum. Est enim quæstio Scholastica, circa quam possit unusquisque in suo sensu abundare. De puro puto servili gehennarum metu nihil liquidò definivit Sacrosancta Synodus, nisi ipsum non esse pœnitentiæ seu veræ Contritionis partem: Cujus anathematis fulmine iactus omnino est Accusator. Attritionem enim purè putè servilem docet, adedque & servilem gehennarum metum adfirmat esse ejus partem. A Scholasticarum quæstionum pugna ego naturaliter abhorreo, & orthodoxum Christianæ Contritionis dogma à Lutheranæ scabiei calumnia dumtaxat venio hinc expurgatum. Quare Accusator de servilis timoris fonte & origine, contractoque per ipsum vitio sentiat quod vult, dummodo nullam Contritionem sine casta Dei dilectione fateatur esse veram & Christianam, est pax atque plena oblivio omnium impropiorum. Ego numquam pro servili timore, sed pro sola Christiana Contritione statui disputare.

Errorem aliterum continent hæc Accusatoris verba; *Quam à sancto Augustino disceat P. Lupus, dum actum, quem fatetur solo officio bonum esse, non autem sine, appellandum nihilominus censet bonum, ex ipso Augustino discamus.* Adducit quartum adversus julianum Pelagianistam libri  
tertium

tertium caput, ubi bonorum operum officia & fines distinguit sanctus Augustinus, & concludit: *Quidquid boni sit ab homine, & non propter hoc sit, propter quod fieri debere vera sapientia precipit, ipso non recto fine peccatum est.* Respondeo attendendum esse laudari capitis finem: Brevis accipe, ne forte, cum in rebus ipsis tantum erres, quantum errari plurimum potest, videar tecum certare de verbis. Aut ergo intellige quod ait Dominus, SI OCLUS TUUS NEQUIAM EST, TOTUM CORPUS TUUM TENEBROSUM ERIT, SI AUTEM OCLUS TUUS SIMPLEX EST, TOTUM CORPUS TUUM LUCIDUM ERIT. Et hunc oculum agnosce intentionem, quâ facit quisq; , quod facit. Et per hoc discere eum, qui non facit opera bona intentione fidei bona, hoc est, eius quæ per dilectionem operatur, totum quasi corpus, quod ex illis, quasi membris, operibus constat, tenebrosus esse, hoc est, plenum nigredine peccatorum. Suam, quæ bona infidelium officia esse iusta & sancta opera, & tamen ob legitimi finis defectum non rectè fieri, sed esse peccata dixerat, doctrinam sibi ipsi quasi adversam, ideoquæ à Juliano non plenè perceptam elucidat hac distinctione: In laudatis infidelium operibus discernit officium, finem, & co: statum ex utroque. Ipsa officia persistit titolare bona opera, at istud compositum ob recti finis defectum esse dicit tenebrosus atque peccatum. Effectus enim atque Composita sequuntur causam suam & partem debiliorem. Hinc ergo & servilis gehennarum metus, si cum impuro suo proprii amoris fonte componas in opus unum, tenebrosus est atque peccatum; si abstraxim ipsum in seipso solum consideres, lucidum est officium, aculque, licet in auctoris sui iniquitate detentus, attamen rectus, utilis, bonus. At rursus dico spectare hæc ad scholæ quæstiones, & me pro sola ad veram Contritionem necessaria charitate sen per disputasse.

Istud interim sancti Augustini caput produci adversum nos & laudari quis non admiraretur, quis Deo optimo maximo non agat gratias? Acculator non porerat fortiori adversus semetipsum brachio adjuvare veritatem. Etenim in omni officio, & omni prorsus opere, quod non sit intentione bona fidei, hoc est, eius quæ per dilectionem operatur, licet bonum sit & sanctum, peccati ob legitimi finis defectum, & integrum ejusmodi opus esse tenebrosus, immò peccatorum nigredine plenum, docet illic lucidi similes, & multis adversum alia Pelagianorum somnia sanctus Augustinus confirmat. At verò similem suam Attritionem Accusator vult ex casta Dei dilectione non procedere: Ergò, juxta inconcussa sancti Augustini dogmata, peccatur in tali Attritione, & cum suo, ex quo oritur, proprio hominis in semetipso amore in unum conflata opus est omnino peccatum. Ex laudata istic

& frequenter per eundem Augustinum inculcata Apostoli Regula; *Quidquid non est ex fide*, quâ non tantum Deo, sed & in Deum credimus, peccatum est. Quod ad Dei charitatem necdum elevatus homo seipsum in seipso, & proprium commodum tamquam ultimum finem diligit, & gehennam timeat uti malum principale, ideòque & mortaliter peccet, suprà audivimus à sancto Thoma. Hinc non vera distorti cordis conversio, sed merus dumtaxat conversionis fucus est ista Attritio servilis. Quis hominem, qui in Deum non credit, credat à Deo justificari? Est illud ipsum à Tridentina Synodo proscriptum calumniæ monstrum; quod sibi imaginati sunt Lutherus & Augustanæ Confessionis Auctores, & Scholasticis istorum temporum Doctoribus sunt adficere conati.

*Accusatio octava diluitur.*

**S**ervilem gehennarum metum à me fuisse peccati damnatum Accusator vult per fas & nefas. En aliud ejus fundamentum: *Examinemus quam in hoc puncto sit mens Patru Lupi. Ac primo quidem dolorem ex solo metu gehennæ ab eo reprobari ratione actus necessariò & inseparabiliter conjuncti, quatenus adest voluntas malè agendi, si pœna abesses, patet ex dictis. Atque aded admittit malum esse talem metum quasi extrinsecè, ratione actus mali adiuncti, quod ut vidimus, asserit Lutherus.* Respondeo Martinum Lutherum, quo justum in quovis opere bono probaret saltem venialiter peccare, eandem fidem ac reverentiam impendisse huic loco sancti Augustini: *Virtus est charitas, quâ id, quod diligendum est diligitur. Hac in alijs maior est, in alijs minor, in alijs nulla. Plениssima verò, quæ iam non possit augeri, quamdiu hic homo vivit, est in nemine. Quamdiu autem augeri potest, profectò illud, quod minus est quàm debet, ex vitio est. Ex quo vitio non est iustus in terra, qui faciat bonum & non peccet.* Sancto Augustino defectum illum volenti esse vitium lapsi hominis, Lutherus imposuit quòd dixerit esse vitium imperfectæ ipsius charitatis. Hinc omnem imperfectam charitatem garrivit esse vitiosam ac peccaminosam saltem venialiter, proindeque & omne ex ipsa profectum opus bonum esse tale. Etiam ego sub solo legis ac gehennæ citra iustitiæ dilectionem metu constitutum hominem dixi adhuc esse pravam & peccatorem: Et ecce hic Accusator vult peccati & pravitatis ipsum à me damnari timorem. Etiam hac in re utile per inutile aded non vitiat, ut adversum Gentiles Philosophos Apostolus scripserit ad Romanos: *Revelatur ira Dei de cælo super omnem impietatem & iniquitatem hominum eorum, qui veritatem Dei in iniustitia detinent.* Ab eorum impietate ac iniustitia non Divinam, quæ illic tanquam in sterquilinio gem-

Fol. 41.

Epist. 29.



gemma latuit, sed ipsos dumtaxat detentores affirmat fuisse maculatos. Ex eadem igitur regula servilis prava cupiditates frangens timor, licet ipsas non sancti aut eradicet, per eas tamen non ipse, sed solus homo maculatur.

Addo sententiam, quæ servilem, necdum à servilitate liberatum, metum istius pravae appendicis causa adfirmat vitium & peccatum, nullo modo esse Lutheranam. Eam quippe docet vir insigniter Catholicus Guilielmus Estius: *Servilium timor est, cum quis non amore iustitiae, sed solo metu gehenna, vel etiam temporalis poenae, à malo opere abstinere, & quod legi est operatur.* Est autem & hic timor vitiosus, non quidem ex se, id est, quatenus timor poenae est, sed quatenus servilis, id est, quatenus malum semper habet coniunctum: Nempè latens in animo peccandi desiderium. Quod quidem malum in eo significatur, quod servilium dicitur. Servile enim est solo timore poenae abstinere à malo, & malum, quod veli, pra timore non facere. Et rursùm infra: Hoc usque aded verum est, ut etiam ipse actualis timor, & opus externum ab huiusmodi timore procedens, vitium contrahat, & verè peccatum fiat ex illa circumstantia, quâ quis dolet talem poenam peccato appositam esse, & cuperet, si impunè permetteretur, peccatum perpetrare, quemadmodum aperte docent sanctus Bonaventura, & Durandus. Qui loquendi modus, licet mihi non probetur, fundamentum habet etiam in sancto Thoma: *Timor servilium ex parte servilitatis habet, quod sit malus.* Ecce, quantos Christianæ Doctrinae gigantes Accusator faciat Lutheranos. Dictam servilitatem esse actum servili gehennarum metui *necessariò coniunctum* ego ubi dixi? Absit ut recesserim à sancto Thoma: *Servilitas non pertinet ad speciem timoris servilium.*

L. 3. Dist.  
34. 5. 5.

S. 8.

2. 2. q. 19,  
art. 4.

#### *Diluitur nona Accusatio.*

**A** Tridentinae Synodi, ex servili metu aut alio id genus fonte conceptam Attritionem laudantis, decreto dixi laudari duos actus: Metum introducensem, & introductam charitatem, seu charitate formatum dolorem, & in hoc solo sitam esse essentiam Attritionis. Dixi metum esse dumtaxat extrinsecum istius sapientiae exordium. Dixi Martinum Lutherum sensisse cum Donatistis, non dumtaxat introducensem metum, sed & introductam charitatem errantibus esse pravam, peccatum, hypocrisim, legis praevaricationem. Hanc doctrinam Accusator affirmat novam, gratis excogitatam ad evadendam vim Concilii, & à nemine hucusque clarè expressim. Respondeo eam clarè exprimi à Senonensi, per Antonium à Prato, eiusdem Sedis Metropolitam, & sanctae Romanae Ecclesiae Cardinalem, Synodo damnantem.

Anno 1528

te hunc Martini Lutheri articulum: *Non licet inducere homines ad Pœnitentiam per timorem gehennæ.* Quod ipsum in textu per Leonem Decimum Pontificem damnati articuli refutatione confirmat gloriosus Martyr Joannes Fischerus, Roffensis Episcopus, frequenter querens actus disparatissimos hinc à Luthero dolose confundi. Hoc item assidue clamant laudata sub Hermanno Archi-Episcopo Colonienſis Synodus, Mich.ël Episcopus Merſeburgensis, Petrus à Soto, Joannes Daventrienſis, & quoque olim Lutherum impugnaverunt. Hinc & ad Caroli Quinti Imperatoris lacram iussu neminem etiam lacra nostra Facultas in Lutherum edidit hunc articulum: *Contritio est dolor de peccatis propter Dei offensam susceptus, cum proposito confitendi & satisfaciendi. Non autem, ut quidam hoc sæculo perversè docent, terror conscientie propter apprehensum gehennæ supplicium peccatis debitum. Preparat tamen hic terror & gehennæ metus ad veram animi Contritionem.* Hunc enim timorem dixit Propheta esse initium Sapientiæ, id est, Christianæ conversionis, Pœnitentiæ, & charitatis. Et quis vel ex solis Leonini diplomatis, vel ex sacrosancti Concilij verbis non videat imperfectam pœnitentium Contritionem à servili metu, aut alijs id genus, per quas parari & communiter concipi dicitur, vijs palam & plurimùm distinguî? Quis non videat non istas vias, sed solam per ipsas paratam & conceptam Contritionem de sufficienti ad percipiendam in Pœnitentiæ Sacramento justificationem hominis paratam laudari? Quin imò non solam ex simili fonte conceptam Attritionem, sed omnem imperfectam charitatem Lutherus de vitio & peccato infamavit. Hinc Joannis Cassiani, sancti Joannis Chrysostomi, sancti Gregorij Magni, aliorum quæ seram in vitæ exitu, omnem quæ ex servili metu conceptam pœnitentiam non plenis laudibus prosequentium Patrum auctoritate frequenter utitur: Quam hi quandoque timent non fuisse, ille affirmat nunquam esse veram. Patrum sensum in quarto distinctionum libro insigniter exponit antiquus & laudatissimus scholarum Doctor Bandinus: *Illæ Pœnitentiæ maximè laudabiles sunt, quæ non tantum habent timorem, sed & libertatem.* Vnde Augustinus: *Nullus expectet quando peccare non potest. Arbitrij libertatem querit Pœnitentia, ut possit delere commissæ, non necessitatem: Sed charitatem, non tantum timorem, quia non in solo timore vivit homo. Illa ergò, quæ in extremis agitur, non sic laudabilis est, quia ex timore magis quam ex charitate esse videtur.* Introductam charitatem, datamque ab illa libertatem, ab introducente metu & iniectâ per ipsum necessitate palam distinguît, per talem etiam obstertricem vult nasci, & uti necessariam, ita quoque sufficientem affirmat ad veram, licet imperfectam, Pœnitentiam: Quibusdam Patrum verbis deceptus vel

Dist. 20.

abu-

abusus Lutherus vult non sufficere. Ejus frater Joannes Calvinus nobis longè aliam in Institutionum libris imponit calumniam: *Scholasticus Sophista Contritionem, primam obtinenda venia partem faciens, eamq; debitam exigunt, hoc est, iustam & plenam. Perfectam ac Divinæ officii æqualem Contritionem ait à nobis etiam in Sacramento exigi, ided- que Christi populum, quod laudabilis quidem & optanda sit ista Contritio, sed ipsa nunquam desungi possit peccator, ad simulationem à nobis cogi vel desperationem. Hinc ad justificationem vult aliud non requiri quam fidem & fiduciam in sanguinem Redemptoris. Ambos errores sacrosancta Tridentina Synodus eodem confixit verbo, definiens etiam imperfectam, licet ex gehennæ aut aliarum pœnarum metu, seu alijs ignobilibus ejusmodi vijs paratam & conceptam Contritionem, dummodò à Christianæ Reconciliationis Sacramento adjuvetur, omninò sufficere ad justificationem. Hæc est constans Ecclesiæ doctrina per Tridentinos Patres meritò confirmata.*

*Decima Accusatio diluitur.*

**R**isu, immò miseratione dignum est, quod me, ubi servilem gehennarum metum esse quidem à Deo incussum motum, non tamen supernaturale ac infusum gratiæ donum scripsi, Accusator dicat esse Jansenistam ac Lutheranum. Fore video, ut si cum Jansenio aut Luthero Apostolicum Symbolum vel Dominicam Orationem fuero professus, protinus de ipsorum scabie apud istum Judicem sum reus. Quod enim servilis gehennarum metus sit judaica ex lege, non Christiana ex Divinæ infusionis dono justitia, est Christiani dogmatis fundamentum adeò immobile, ut nullus orthodoxus usque huc legatur de ipso vel dubitasse. *Timor servilis*, inquit sanctus Thomas, *non est numerandus inter dona Spiritus sancti, licet sit à Spiritu sancto*. Non enim est aliud, quam per legis minas à Deo incussus spiritus servitutis. Aliud est hic ipse timor, aliud ex ipso concepta, licet imperfectæ, veræ tamen Contritionis sapientia: Hanc solam, quod ille non nisi extrinsecum sit ejus initium, esse germanum Divinæ per Jesum Christum gratiæ donum semper Ecclesia sensit. Nec aliud voluit, quem sibi Accusator advocat in patronum, Guilielmus Estius, Apostoli dictum, *Non iterum accepistis spiritum servitutis in timore*, exponens: *Apostolus satù significat & à Spiritu sancto hunc timorem proficisci, & ab eo quibusdam aliquando datum fuisse, nempe populo veteris testamenti in ipsa legis acceptione. Verùm hæc omnia parerga sunt, & quæ sita à principalis quæstionis examine diverticula. Principalis quæstio est, An peccator sine fide in Deum, seu sine casta adfectu saltem super omnia Dei dilectione possit*

*Cap. 3. c. 4.*

*Fol. 52.*

*2. 2. q. 19.  
art. 9.*

*L. 3. Dist.  
34. §. 7.*

*Divi-*

Divinæ Majestati reconciliari? Partem affirmativam constanter adfere-  
vero esse immobilem fidei Romanæ articulum, de quo usque ad Mel-  
chiorum Canum nemo fidelis dubitavit. Cur Accusator pro suæ ser-  
vilis Attritionis ad justificationem sufficientia nullum adducit Pro-  
phetam, nullum Evangelistam, nullum Apostolum, nullum Ecclesiæ  
Patrem? Christianæ sapientiæ, quam pacificam esse atque iuasibilem,  
mandat sanctus Jacobus Apostolus, semper ex Dei miserante gratia  
sperem esse obediens ac studiosus: Ubi pro ista Attritione authenticos  
testes audiero, discam libenter, & beneficio gratias dabo. Certe  
Tridentina Synodus ab avita Patrum, Prophetarum, & Apostolo-  
rum doctrina non potest recessisse.

*Accusatio undecima diluitur.*

**P**erfectam charitatem scripsi esse illam, quâ homo patienter vivit  
ac delectabiliter moritur, quæq; nos à cunctis ingeneratæ libidi-  
nis adhæsis assensibus solvit ac purgat. Ejus vires abundè exposui,  
rectè adjungens: *Expertus potest credere, quid sit Iesum diligere.* Has-  
ce enim vires video etiam non capi ab Accusatore, in me per-  
gente: *Sensus huius Authoris est, quod peccator, quomodocumq; de-  
mum ex amore Dei, & quantumcumque de peccatis doleat, non possit tamen  
sine actualis Sacramenti consortio iustificari, si erga rem quampiam creatam  
sic afficiatur, ut illam cum aliquo doloris sensu amitteret, vel non conseque-  
retur. Hinc si coniunx morti vicinus optet vitam sibi à Deo prolongari, quo res  
familia sua componat, quo uxori & liberis subveniat, quibus videt aliquem  
desore necessaria, nihilominus mortem iuxta Dei beneplacitum paratus sit  
acceptare, cum aliquo tamen dolore & gemitu, non poterit talis elicere Con-  
tritionem, qua impetranda iustificationi per se sufficiens sit, ac proinde si sit in  
peccato mortali, ac defuit copia Confessorij, altum est de æterna illius salute.*  
Verùm imperfectam charitatem & Contritionem ubi ego dixi in  
mortis exitu non posse sine actuali Sacramento iustificare? Non solum  
robustam & adultam, sed nutritam etiam atque dumtaxat natam ju-  
stificare omnino asserui & multis ostendi.

*Divi Augustini auctoritas defenditur.*

**E**tiam sanctum Augustinum impetit Accusator. Grandem hunc  
Ecclesiæ solem esse per Apostolicas in Cornelium Jansenium  
Constitutiones eclypsatum, & utriusque de victrice Dei gratia doctri-  
nam icu uno damnatam à Sede Apostolica, piorum in Belgio aures:  
Cum

cum offensione & scandalo frequenter audiverunt Effrorem dicacitatem compescuit beatissimus Pater noster Alexander VII. dato ad sacra n. nostram Facultatem Brevis auctum Apostolicę Sedis affectum innovans in sanctum Augustinum, declarantque ejus dogmata esse tutissima, inconcussa, veneranda ab omnibus, ac tenenda. Quod fulmen æmulorum oculos adeò perstrinxit, ut quis eorum veritus non fuerit scribere laudatum Breve per diabolicam machinam fuisse impetratum. Ex eadem radice non adversus solum, ex quo Tridentinam Synodum dixi multa definivisse, S. Augustinum, sed generatim adversum omnes Ecclesię Patres scripsit etiam Accusator: Ego verò contradicendum autumo, nempe dum Conciliorum dicta consentientia reperiuntur in Augustino, præcipuum robur Augustino à Concilio accedere, Juam verò Conciliorum definitionibus veritatem ac firmitatem integram stare, sive idem dixerit Augustinus, sive oppositum. Quod obiter contra tales loquendi modos volui indicatum.

Fol. 13.

Verum longè aliter sensit magna Synodus Chalcedonenlis. Etenim à Marciano Augusto admoniti Episcopi, quatenus læsam ab Eutychete fidem, non tantum juxta tres priores generales Synodos, sed & juxta Gregorij, Basilij, Athanasij, Hilarij, Ambrosij, Cyrilli, aliorumque Patrum traditionem firmarent, unâ voce responderunt: Docuerunt Patres, & in scriptis custodiuntur quæ ab eis sunt exposita, & citra ea dicere non possumus. Et gloriosissimis Judiciis fidei definitionem tandem condi urgentibus, denuò responderunt: Si iubetur nobis dari inducias, petimus Patres simul persequari. Et edita tandem fidei definitio hoc habuit exordium: Inerrabilem Patrum renovavimus fidem. Et rursum: Sequentes igitur sanctos Patres. Nulla unquam dogmatica Romani Pontificis Epistola plures & acriores ab hæreticis passa fuit contradictionis impetus, quàm ab Eutychianis Augustiniana illa, quæ primam de Eutychete sententiam confirmavit, & Chalcedonensem postea Synodum instruxit, uti sui Apostolici suffragij prærogativa, sanctus Leo Magnus. Plures pro ipsa scripsit Apologias, quarum omnium summam habes in literis ad Episcopos Palestinos: In nullo à sanctorum Patrum confessione discessi. Eadem ex regula dixit de ipsa in Chalcedonenſi Synodo, omnium Episcoporum nomine, Diogenes Cyzicenus Episcopus, Helleſponti Metropolitæ: Omnes consensimus Epistola, consequenter habenti expositioni SS. Patrum. Et sextæ generalis Synodi ad Constantinum Augustum sermo acclamatorius: Paternas traditiones secuti sumus, & nihil dissonum aut discrepans ab eorum informatione advenimus. Et ad Marcum Ephesiorum Metropolitam dixit in Florentina Synodo Frater Joannes de Monte nigro: Sanctum Basilium & huiusmodi Doctores sunt fundamenta nostra fidei. Et infra: Ego dixi vobis illud,

Act. 1. &amp; 2.

Ep. 93. c. 1.

Act. 4.

Sess. 19.

Cap. 3.

in quod ultimo sancti Patres generalium Conciliorum omnia resolvebant, semper fuisse SS. Patrum testimonia, ita ut in unaquaque definitione fidei decretum edituri proferrent Patrum testimonia, & omnes acquiescerent. Sanctos Patres semper fuisse generalium Synodorum regulam, insigniter ostendit in dogmatica ad suos, unionis suasoria, oratione Besarion Metropolitæ Nicenus. Ejusmodi plurima adduci possint authentica testimonia. Generales enim Synodi, licet à Spiritu sancto dirigantur, novas tamen revelationes non accipiunt, nec novos fidei articulos possint condere: Christianum dumtaxat dogma, Erronum litigijs obscuratum aut arietatum, dumtaxat elucidant ac exponunt ex authenticis Evangelici atque Apostolici Depositi Archivis, qui sunt sancti Ecclesiæ Patres, Quæcunque ex ipsis non deprompsit Synodus, erratica fuit aut etiam latrocinialis. Proinde generalia Ecclesiæ Concilia & sancti Ecclesiæ Patres sunt duo Seraphim, qui ultrò citròque cantant honorem Deo, ac sese invicem inerrabili autoritate impartiuntur. Et inter hosce Patres quis ambigat esse, in Divinæ præsertim gratiæ ac humanæ justificationis Mysterio, S. Augustinum?

## CAPUT SEXTUM.

*Quadam alterius Accusatoris capita exponuntur.*

**D**issertationi meæ accessit & alter Adversarius, adeò obseurus, aut certè subtilis, ut ego per planas sacrarum literarum & Ecclesiasticæ traditionis vias dumtaxat ambulare consuevis, in sublimes adeò cogitationes non sperem ascendere. Nisi forsàn pacificam & modestam sapientiam necdum complexus animus faciat & stylum cespitare. Luminosa charitas, uti non cogitationis, ita longè minùs habenas calami permittit in proximam laxari.

*Exponitur ac defenditur Ioannes Driedo.*

Fol. 80.

**A**n te omnia admiror à profundo hoc Scriptore Joannē Driedonem trahi in servilis Atritionis patrocinium. Aliter in Baptismi, aliter in Pœnitentiæ Sacramento nos Deo reconciliari, ideòque majorem Pœnitentibus quàm Carechumenis esse necessariam Contritionem docet Driedo, & adjungit: *Hic si dixeris, Vterq, tam is videlicet qui baptizatur, quam is qui relapsus reconciliatur, iustificatur, dum displicentia totius veteris vita maior est, quam displicentia qualibet de alio temporali damno aut incommodo, prodians etiam ex tali erga Deum dilectio-*  
ne,



ne, qua vincit omnem vitæ huius amorem. Non videtur igitur relapso pro sui iustificatione necessarium, neque vehementius iniùs pœnitere & ingemiscere, neque foris subire graviora Pœnitentia opera, cum sufficiat utrobique fides cum ea mensura dilectionis in Deum, & aliq̃ in peccatum, qua vincat omnium temporalium rerum affectum. Respondeo. Deus operatur gratiam & remissionem peccatorum, non propter quemlibet motum liberi arbitrii nostri, aut dilectionis, aut interioris Pœnitentia, tamquam videlicet motus illi secundum tales vel tales graduum mensuras mereantur gratiam, sed propter suam misericordiam. Nostra enim dilectio, quâ diligimus Deum etiam propter ipsum, displicentiâq̃ secundum quam odimus peccatum, non est digna iustificatione. neque meritoria gratia, sed Deus pro sua misericordia, ubi voluerit, largitur illam, quam si negaret etiam sic dispositi, non foret iniustum. Non ergo ratione caret sententia illorum, qui dicunt ex Attrito fieri Contritum etiam motu interioris Pœnitentia non adaucto. Eorum, qui patrem per omnia, sine quovis interni aut externi operis additamento, Contritionem volunt Pœnitenti æquè ut Catechumeno ad iustificationem sufficere, sententiam Driedo adfirmat probabilem, de seivili Attritione probanda ne vel somniavit. Ex Dei super omnia dilectione formatam Contritionem lucidissimè & constantissimè in hoc ipso etiam loco requirit. Eâdem fide tractantur Joannes à Daventria, & alij adducti Doctores.

*Quorundam Articulorum à Pio quinto Pontifice facta damnatio exponitur.*

**P**rimum Accusationis caput Dissertationi imponit quosdam à Pio quinto Pontifice damnatos & circumscriptos Articulos: *Charitas perfecta & sincera, qua est ex corde puro, & conscientia bona, & fide non fictâ, tam in Catechumenis quam in Pœnitentibus potest esse sine remissione peccatorum. Charitas illa, qua est plenitudo legis, non est semper coniuncta cum remissione peccatorum. Catechumenus rectè & sanctè vivit, & mandata Dei observat, & legem implet per charitatem, ante remissionem peccatorum, qua in Baptismi lavacro demùm percipitur. Per Contritionem etiam cum charitate perfectam, & cum voto suscipiendi Sacramentum coniunctam, non remittitur crimen extra casum necessitatis & Martyrij, sine actuali susceptione Sacramenti. Homo existens in peccato mortali, sive in reatu aeternæ damnationis, potest habere veram charitatem, & charitas etiam perfecta potest consistere cum reatu aeternæ damnationis.*

Respondeo istarum propositionum Auctorem fuisse suspectum aut reum doctrinæ, quam Ecclesiæ Catholicæ per calumniam imponit in suis Institutionum libris Joannes Calvinus: *De Contritione & Attritione.* L. 3. c. 4.

ne multus apud eos, Papiſtas, ſermo, multu ſcrupulis animas torquent, & plurimum moleſtia & anxietatis ingerunt. Et ſtatim infra: Contritionem faciunt primam obſtinenda venia partem, eamq; debitam exigunt, hoc eſt, iuſtam & plenam. Sed interim non conſtituunt, quando ſecurus aliquis eſſe poſſit ſe hâc Contritione ad iuſtum modum eſſe deſunctum. Equidem ſedulo & acriter inſtandum eſſe fateor, ut quiſque amari deſcendendo peccata ſua, ſe ad eorum diſplicitiam & odium magis acuat. Hac enim eſt non pœnitenda triſtitia, quæ Pœnitentiam gignit in ſalutem. Sed ubi exigitur doloris acerbitas, quæ culpæ magnitudinî reſpondeat, & quæ in trutina appendatur cum ſpe veniæ, hic verò miſera conſcientia miris modis torquentur & exagitantur, dum ſibi debitam peccatorum Contritionem imponi vident, nec adſequuntur debiti menſuram, ut ſecum decernere poſſint ſe perſolviſſe quod debebant. Condignam & commiſſæ in Divinam Majeſtatem injuriæ adæquatam Contritionem exigere à Pœnitentibus eſt omninò antiquiſſima Eccleſiaſtica diſciplinæ Regula, quam multis ſanctorum Patrum & Synodorum teſtimonijs demonſtrat in opere de Pœnitentia Joannes Morinas. Iſtius injuriæ portio palmaris eſt noſtra à Deo optimo maximo, quem ex toto corde & totis animæ viribus diligere oportuit, ad creaturas apoſtaſia, quæ plenè reparari non poſſit niſi per veram ex toto corde dilectionem, ac ex ipſa formatum peccati odium, lacrymas, gemitus, depravati pectoris tuſiones, & totius animæ Contritionem. Verùm ſolius conſilij eſt iſta res, non rigidæ neceſſitatis. Minoris Contritionis, ac minoris in Deum dilectionis ac fidei Pœnitentes ad Reconciliationis donum ſemper admittit Eccleſia, duriora illis ac longiora ſatiſfactionis opera imponens, atque ita compenſans omnem Contritionis à plenitudine reſeſſum. Pro varia oſenſæ Contritionis menſura & modo fuiſſe ſemper mitiùs aut duriùs tractatos atque tractandos Pœnitentes, clamant omnes antiqui Canones & Patres. Præſatorum igitur Articulorum Auſtor ad impetrandam peccatorum etiam in Sacramento veniam requiſivit Contritionem plenam, atque perfectam charitatem, quæ ſit ex corde à cunctis ſaltem adfixiſſis cupiditatibus puro, & bona omnem ſervilem gehennæ metum excludente conſcientia; quæ ſit plenitudo legis, & mandata Dei non ſolum obſervet & faciat, ſed & impleat atque perficiat; quæ ſit non ſolum vera, ſed inſuper perfectæ: Eam ſine actuali Sacramento non juſtificare dixit, atque ita iſti ejus articuli meritò fuerunt circumſcripti atque damnati.

Postremus tamen articulus eſt plurimum ab alijs diverſus. Coniungi debet cum his: *In peccato ſunt duo, actus & reatus. Tranſeunte autem actu, nihil manet niſi reatus, ſeu obligatio ad pœnam. Unde in Sacramento*

*Baptismi aut Sacerdotis Absolutione propriè reatus peccati dumtaxat tollitur, & Ministerium Sacerdotum solum liberat à reatu. Peccator Pœnitens non vivificatur Ministerio Sacerdotis absolventis, sed à solo Deo, qui Pœnitentiam suggerens & inspirans vivificat eum & resuscitat, Ministerio autem Sacerdotis solus reatus tollitur. Exponenda hîc est primævorum Scholasticorum de Baptismalis ac Pœnitentialis Sacramentorum, & per ipsa operati operis virtute opinio, quos inter est Robertus Cardinalis Pullus: Quia potest dimittere peccata, nisi solus Deus? Is nimirum peccata dimittit, qui virtutes dimissioni superponit, qui vitam æternam retribuit. Quid ergo apud homines est peccata remittere, aut à peccato absolvere, nisi Sacramentum Remissionis & Absolutionis celebrare? Ex quo quis pœnitet, Deus remittit, peccata postmodum consentienti Minister Dei absolvendo remittit. Et quid est absolvendo remittit, nisi quod Sacramentum Remissionis & Absolutionis facit? Absolutio, quæ peractâ Confessione super Pœnitentem à Sacerdote fit, Sacramentum est, quoniam sacra rei signum est. Et cuius sacra rei signum est, nisi Remissionis & Absolutionis? Nimirum Consistentibus à Sacerdote factâ à peccatis Absolutio remissionem peccatorum, quam antea peperit cordis Contritio, designat. A peccatis ergo Presbyter solvit, non utique quòd peccata dimittat, sed quòd dimissa Sacramento pandat. Et quid est opus pandi, nisi ut consolatio fiat Pœnitenti. Contractæ ex peccato maculæ expurgationem, veram peccati remissionem, seu à peccati morte resuscitationem solâ Contritione fieri, Sacerdotis Absolutione solum æternæ pœnæ reatum auferri vult, aut certè in temporalem commutari. Hinc Lazari, à solo Domino resuscitati, ac tùm ad sola cadaverina Judaici moris ligamenta solvenda traditi Apostolis, exemplo passim abutitur, rectè adfirmans nostram in Pœnitentiæ Sacramento Reconciliationem fuisse istic præfiguratam. Quod ipsum docet de Sacramento Baptismi: Quemadmodum post compunctionem, ubi ab ipso Domino suscitatus Lazarus, necessaria est Confessio, ubi officio Ministrorum ligamentis mortis, id est, corpore peccati absolvitur; ita post fidem, quâ mors propellitur, succedit Baptisma, ut vita vegetetur. Et quomodò quolibet tempore charitas operit multitudinem peccatorum, ne sint ultra ad damnationem, compunctio verò, quam charitas parit, atque satisfactio, quam impertit compunctio, eadem operit, ne ultra exigantur ad panam; ita homini peccata remittit fides, ne damnetur, Baptismus, ne puniatur. Quòd fides facit, Baptismus ostendit. Fides peccata delet, Baptismus deleta docet; undè Sacramentum dicitur.*

Part. 6.  
c. 61.Part. 5.  
cap. 13.

Eandem sententiam tutati sunt Hugo & Richardus de sancto Victore, Petrus Abaelardus, Gilbertus Porretanus, Petrus Lombardus, Petrus Picaviensis, & alij tunc Magistri serè omnes. Palma-

Cap. 19.

rem difficultatis nodum, Quomodo quis & à peccati macula mundatus, & simul adhuc æternæ damnationis reus esse possit, in Tractatu de solvendi ac ligandi potestate solvere conatur laudatus Richardus: *Ad ea, quæ superius dicta sunt, quidam opponunt & dicunt, Quæ veraciter de suis criminibus pœnitent, pro certo iam charitatem habent. Alioquin quod scribitur, quomodo in eis rectè intelligitur, QUACUMQUE HORA PECCATOR INGENUERIT, SALVUS ERIT? Nemo enim, qui charitatis capax est, sine charitate salvari potest. Sed, ut putant, qui charitatem habent, debito damnationis æternæ teneri non valent. Quomodo ergo Sacerdos eum ab eiusmodi debito absolvit, si ante Sacerdotalem Absolutionem, charitate interveniente, absolvi iam meruit? Sed absque ulla dubitatione Patriarcha & Propbeta charitatem habuere, & tamen tenebantur vinculo damnationis æternæ; alioquin nec ad inferna descenderent, nec ullâ redemptione egerent. Ex sanctorum in limbo degentium Patrum apud inferos captivitate ostensum putat quempiam posse esse iustificatum à peccatis, & tamen æternæ adhuc damnationis reum, atque ita post primum à Deo solum vinculum posse restare secundum, solvendum Ministerio Sacerdotis.*

Part. 3.  
c. 16.

Quæ doctrina rectè displicuit Petro Piæaviensi: Dicunt quoddam Deus peccatum solvit quantum ad reatum, & postea Sacerdos illud solvit quantum ad pœnam in Confessione, & liberat hominem à pœna æternæ. Quod nos unâ solâ ratione falsum ostendimus sic: Deus solvit istum à peccato, ergo iste est in charitate, ergo est dignus vitâ æternâ, ergo non est dignus pœnâ æternâ, sed fuit eâ dignus, ergo solutus est à pœna illa, sed à nullo, ergo Deus illum solvit, non ergo Sacerdos. Sacerdos autem non solvit peccatum, nec quantum ad pœnam, nec quantum ad reatum, sed solvit & dimittit, id est, ostendit esse solutum & dimissum à Deo quantum ad reatum. Quia verò nesci ipsum esse dimissum quantum ad pœnam, iniungit ei temporalem pœnam. Sacerdotale per claves Ministerium Petrus cum Magistro suo Petro Lombardo esse voluit merè declaratorium, Richardus autem iudiciale, idèdque & pergit: Exstat quorundam sententia tam frivola, ut videnda potius quàm refellenda videatur. Putant enim Sacerdotes non habere potestatem solvendi, sed ostendendi solutos.

Cop. 19.

Dist. 1. q. 3.

Hinc item aliqui cò usque prolapsi sunt, ut factam Sacerdoti Confessione adsererent impetrandæ iustificationi non esse necessariâ, & suis de Pœnitentia Distinctionibus Gratianus inferuerit hanc quæstionem: *Utrum sola cordis Contritione, & secretâ satisfactione, absque oris Confessione, quisque possit Deo satisfacere? Sunt enim qui dicunt quemlibet criminis veniam sine Confessione factâ Ecclesiæ & Sacerdotali Iudicio posse promereri. Æternæ damnationis reatum cum culpæ factæ remissione vide-*  
bant

bant esse incompatibilem, ideòque legitima ac vera, quæ plenè delebat culpam, Contritione etiam remitti dictum reatum existimabant, atque ita Confessione non esse opus. Gratiani verbis adjungit Glossa: *Alij autem negant. Dicunt enim, quòd sicut tribus modis Deum offendimus, scilicet corde, ore, & opere, ita tribus modis illi satisfaciendum est. Vnde dicunt tria hæc esse necessaria: Cordis Contritionem, oris Confessionem, & operis satisfactionem. Auctoritates autem, quæ dicunt peccatum dimitti solà cordis Contritione, adferunt intelligendas esse, cum articulus necessitatu excludit oris Confessionem, scilicet cum aliquis conteritur, & morte prævenitur, vel alio aliquo iusto impedimento hoc facere impeditur. Alij dicunt, inter quos est Petrus Manducator, condicionalem fieri remissionem per Contritionem. Nempe sub conditione: Si suo tempore confitear. Esse putant remissionem ad reincidentiam. Et jam à Roberto Pullo audivimus: Quid est opus pandi peccata, nisi ut consolatio fiat Pœnitenti? Quod ferè ipsum hoc sæculo docent Lutherani. Diversas & in speciem quasi ad-versas pro utraque istius quæstionis parte auctoritates conglomeravit Gratianus, atque ita utramque judicavit probabilem.*

Ex eodem fonte manavit opinio adfirmans Confessionem esse juris dumtaxat humani. Rationes prodit Petrus Pictaviensis: *Alij dicunt quòd Confessio non est Sacramentum, sed sacramentale, sicut aqua benedicta, & panis benedictus. Ex quo fonte hausit & Joannes Calvinus Confessionem esse humanum commentum. Dicti Petri sententia non est multò melior: Verius videtur quòd Confessio sit Sacramentum. Dicimus quòd Confessio præcepta fuit ibi; ITE, OSTENDITE VOBIS SACERDOTIBUS. Sciendum est quòd Confessio est Sacramentum veteris Testamenti, nec efficit quod figurat, sicut nec coniugium. Et infra: Verius videtur quòd Confessio Sacramentum sit, & non est Sacramentum novi Testamenti. Quod etiam sic ostenditur: Quia Confessio non est opus Dei, sed hominù, nec habet aliquam vim, nisi ex charitate, ergo Confessio non est Sacramentum novi Testamenti. Ei nullam operati operis, sed solam, ex qua fit, operantis charitatis virtutem adscribit, & hinc infert: Est certum, quòd remissio peccati præcedit Confessionem. Vnde David: CONFITEBOR, ET TU REMISISTI. Non dicit: REMITTES. Distinctam peccatorum Confessionem fuisse etiam Judæis in usu & Præcepto, lucidè ostendit Joannes Morinus ex vetustissimis ipsorum Ritualibus: Ex eisdem Petrus Pictaviensis vult illam esse solius antiqui Testamenti Sacramentum. Circa prima fidei Christianæ fundamenta primi illi Scholastici fuerunt adedò sedè hallucinati, ac inter se collisi.*

Et hinc inter errores, anno 1226. damnatos à Stephano Parisiensi Episcopo, fuit & hic: *Non est Confessio facienda, nisi ad apparentiam.*  
Fuit

Part. 5.  
c. 13.

Fuit item inter errores, quorum causa Gualterus de sancto Victore librum scripsit adversum quatuor Gallie Labyrinthos: Petrum Abaelardum, Gilbertum Porretanum, Petrum Lombardum, & Petrum Picaviensem. Et in suis ad Robertum Pullum Scholijs habet Hugo Matthoud: *Sciendum eo saculo, in quod Scholastica Theologia cunae rejciuntur, plures fuisse qui neglecto solidioris & sacrationis doctrina pœnu, soli ferè genio rationu indulgere, & ut spinarum ferax incultus ager, alienam peritiam manum, nec fructibus delectati nisi spontè nascentibus, non mirum si pleraque dederint aut agrestia, aut languida succi, nec bene proba.* Eos fuisse docet lapsus primorum Scholasticorum. Cunctis suis posteris, humanæ sublimitatis libertatem amantibus, dedere hocce Monitum: *Felix quem faciunt aliena pericula cautum.* Et sanè quisquis neglectâ sacrarum literarum & sanctorum Patrum lectione atque doctrinâ, ex solo suo ingenio colligit caducos humanæ rationis flosculos, non potest non cessitare. Præsentium ergo Articulorum Auctor istam jam dudum proscriptam Theologiam venit reparatum, æternæ damnationis reatum cum perfecta etiam charitate, & factâ peccatorum quoad maculam remissione dixit compatibilem, ipsumque solum remitti per Sacramentale Sacerdotis Ministerium: Hinc meritò aboliti & circumscripti sunt ejus Articuli, à quibus mea adscriptio est longissimè remota.

Utinam longè absint & mei Accusatores. Quilibet enim per quamlibet, licet imperfectam, adfectu super omnia Dei charitatem, namque & formatam ex ipsa Contritionem vult quasi statâ lege peccatorem justificari, licet vivificantium sacramentorum necessitatem non plenè exufflet, nec ad solum consolationis effectum, aut solam poenarum condonationem restringat, insigniter tamen humiliat: Opinio, quæ primos Scholasticos in adeo fædos de Pœnitentiæ Sacramento errores circumscripsit, non potest non esse malæ notæ, & insigniter periculosa. Si quævis charitas, aut quævis per ipsam formata Contritio justificet, modica est Sacramenti necessitas: Contracta est ad solum dati per Contritionem doni augmentum. Longè aliud sensit antiqua Ecclesia, Catechumenos, licet charitate flagrantés, jubens & cogens anhelare ad Regenerationis Sacramentum, tamquam cervos ad fontes aquarum. Utique ex hac per sanctum Augustinum ad nos traducta Patrum regula: *Quantumcumque Catechumenus proficiat, adhuc sarcinam iniquitatis suæ portat, non ei dimittitur, nisi dum venerit ad aquas.* Uti cæcitatibus squammæ ex oculis corporis, ita & peccatorum maculæ ex anima non ceciderunt Apostolo Paulo, nisi post receptum ab Anania Damascenorum Episcopo Baptismum. Et Cornelio Centurioni infusum ante actuale Baptisma Spiritum sanctum sanctus Petrus Apostolus,



stolus, ipsique adhaerens Ecclesia sunt plurimum admirati, quod nempe salutis & justificationis donum non illi, qui tantum crederet, sed qui insuper baptizaretur, scirent à Domino promissum. Hujus regulæ dispensationem sunt admirati. Ex eadem regula non solum Baptisma, sed & conscientiae bonæ interrogationem, seu charitatem in Deum requirit idem Apostolus: Adeo non sine fundamento in Dissertatione scripsi hanc charitatis necessitatem esse Evangelicam ac Apostolicam prædicationem. Hinc cordis conversionem & Sacramentum esse duas, quarum altera sine altera parum sit, humanæ justificationis regulares concaussas clamant unanimiter antiqui Patres. Attamen quandoque ex causis dari regulæ dispensatione, in libris de Baptismo adversum Donatistas disertè scribit sanctus Augustinus. *Sicut, inquit, in illo, qui crucifixus in fine pœnituit, latrone, quod ex Baptismi Sacramento defuerat, complevit omnipotenti benignitas, quia non superbia vel contemptu, sed necessitate defuerat; sic in infantibus, qui baptizati moriuntur, eadem gratia Omnipotentis implere credenda est, quod non ex impii voluntate, sed ex aetatis indigentia nec corde credere ad iustitiam possint, nec ad salutem confiteri.* Et infra in sequenti capite: *Quibus rebus omnibus ostenditur aliud esse Sacramentum Baptismi, aliud conversionem cordis, sed salutem hominis ex utroque compleri. Nec si unum horum defuerit, ideo putare debemus consequens esse, ut & alterum desit, quia & illud sine hoc esse potest in infante, & hoc sine illo esse potuit in latrone, complente Deo sive in illo, sive in isto, quod non ex voluntate defuisset; cum verò ex voluntate alterum horum defuerit, reatu hominem involvi.* Uti infantium sine propria Contritione, ita adultorum ob Ministri defectum sine Sacramento morientium justificationem adfirmat fieri *completo Deo*, seu per factam regulæ dispensationem. Et hinc ad verba ista Majores nostri Doctores Lövanienfes posuerunt hoc marginale Scholion: *Supplet Dei benignitas quod necessitas exclusit.* Quæ omnia maturè considerans posterior & melior Schola istum, quem usque ad Præpositivi tempora grassatum testatur Hugo Matthoud, errorem pessimum eliminavit, Pœnitentiæ ac Baptismi necessitatem restituit, constanterq; docuit justificationis extra ipsa donum obtineri regulariter non posse, nisi per solam Contritionem perfectam. Quam veritatem Tridentina Synodus omnino confirmavit. Quæ autem & qualis Contritio justificaret antiqui Testamenti tempore, ignoro. Senſa mea exposui in Dissertatione. Est quæstio Theologica, in qua unumquemque in suo abundare sensu libens permitto. Pro sola veræ charitatis ad Contritionem & justificationem necessitate laboro.

l. 4. c. 24.

## Diversi charitatis &amp; Contritionis gradus defenduntur.

Part. 3. c. 5.  
25.

**E** Tiam quæ de diversis charitatis gradibus seu classibus dixi ex S. Augustino, hic Scriptor impugnat, Summi tamen ponderis est ista distinctio. Eam laudat & Petrus Pictaviensis, ac rectè adjungit: *Quaritur utrum idè sit edificare lignum, sænum, stipulam, & peccare venialiter? Utrâque contradictionis partem ornat argumentis, & concludit: Dicendum est quodd non est idem edificare lignum, sænum, stipulam, quod peccare venialiter. Est enim edificare lignum, sænum, stipulam, habere carnalem adfectum circa temporalia, sed Deum præponere. Omnis ergo, qui adificat lignum, sænum, stipulam, peccat venialiter, sed non convertitur. Adificare autem aurum, argentum, lapides pretiosos, est Deum perfectè diligere, & omnia terrena despicere. Omnis ergo talis Deum diligit, sed omnis, qui diligit Deum, non est talis. Illi ergo, qui adificant aurum, argentum, lapides pretiosos, peccant quandoque venialiter, non tamen adificant lignum, sænum, stipulas, quia statim deletur veniale peccatum in eis. Tantum enim habens fervorem charitatis, quod statim exstinguitur in eis veniale peccatū, sicut gutta aqua in camino. Cordibus nostris in fundamentum posito Christo Dñō superedificata lignū, sēnū, stipulas adfirmat esse adfixivos, quibus tamen Deū non postponimus, creature amores: Eos excludi dicit à sola charitate perfectâ, & meæ Dissertationis doctrinā insigniter confirmat.*

Laudanda sunt & hæc ejus verba: *Quia varijs modis loquitur Scriptura de perfectione, ad tollendam aliquam ambiguitatem adhibenda est distinctio. Scriptura ergo interdum perfectionem vocat sufficientiam. Secundum quod dicitur: Perfecta Pœnitentia est, qua commissa delet. Id est, sufficiens. Et est perfectio comparationis, de qua dicitur: Noë perfectus erat in generationibus suis. Scilicet comparatione aliorum. Harum perfectionum utraque, id est, & sufficiens, & per comparationem, potest haberi exemplum charitatis imperfectæ. Hæc est, & per sufficientiam, & per comparationem perfectâ charitas esse potest imperfecta: Utique factâ relatione ad perfectionem absolutam. Ita omnis Dei, licet solo adfectu, super omnia dilectio, omnisque per ipsam formata Contritio hodie à multis Scholasticis vocantur dilectio & Contritio perfectâ. Verum per solam sufficientiam, idèque sunt dilectio & Contritio imperfectâ. Antiquissima est ista phrasis: Et nequaquam per Scholasticos in Ecclesiam inducta. Etenim suis de vita contemplativa libris Julianus Pomerius inseruit hunc titulum: *De differentia carnalium & animalium amorum, & quantum ab eis differat perfectâ*, id est, quævis casta Dei seu in Deo dilectio. Et illos, qui idola nec adorârunt nec tolerârunt, Judæ & Benjamin Reges etiam sacra Scriptura vocat perfectos: utique quoad salutis suffi-*

L 3. c. 25.

cientiam. Ego vocem in sensu isto non accipio : Solam absolutè perfectam dilectionem & Contritionem isto titulo honoro. Antiquos Patres sum imitatus : Et istius distinctionis non animadversio facit Accusatores meos de meo sensu falli aut hæsitare.

Easdem charitatis classes seu gradus ex sancto Augustino laudat in Secunda Secundæ etiam Doctor Angelicus. Perfectam ac imperfectam charitatem lucidè distinguit, & pergit in alia quæstione: *Augustinus dicit super primam Canonicam Ioannem, Charitas, cum fuerit roborata, perficitur. Cum autem ad perfectionem venerit, dicit, Cupio dissolvi, & esse cum Christo. Hoc est, delectabiliter moritur & vivit patienter. Ad solvendam quæstionem, Vtrum charitas in hac vita possit esse perfecta, aliam ex objecti diligibilis, aliam ex subiecti diligentis parte distinguit perfectionem. Priorem, quod infinita ac Divinæ bonitati æqualis esse debeat, adfirmat nobis impossibilem etiam in futura vita, & pergit de secunda: Ex parte diligentis tunc est charitas perfecta, quando diligit tantum, quantum potest. Quod quidem contingit tripliciter. Vno modo sic, quod totum cor hominis actualiter semper feratur in Deum. Et hac est perfectio charitatis patriæ, quæ non est possibilis in hac vita, in qua impossibile est propter humana vitæ infirmitatem semper actu cogitare de Deo, & moveri dilectione in ipsum. Nec semper dumtaxat expressa, sed ex toto penitus corde esse, seu omnes cupiditatis non tantum ad sensus etiam volutivos, sed & motus debet excludere: Quod in hac vita non dari per ordinarias Divinæ gratiæ ac providentiæ regulas, ipsa nos experientia docet. Alio modo, ut homo studium deputet ad vacandum Deo & rebus Divinis, prætermisissis alijs, nisi quantum necessitas præsentis vitæ exquirat. Et ista est perfectio charitatis, quæ est possibilis in via. Non tamen est communis omnibus habentibus charitatem. Tertio modo ita, quod habitualiter aliquis totum cor suum ponat in Deo: Ita scilicet quod nihil cogitet vel velit, quod dilectioni sit contrarium. Et hac perfectio est communis omnibus habentibus charitatem. Hæc est quoad solum adfectum super omnia, & quoad solam sufficientiam perfecta; illa est perfecta absolutè, & etiam quoad vires super omnia: Etenim hominem solis Divinis rebus studere facit & adfigit, adeoque excludit omnem adfixivum creaturæ amorem.*

Etiam ad sequentis articuli quæstionem, *Vtrum convenienter distinguantur tres gradus charitatis, incipiens, proficiens, & perfecta*, ob sancti Augustini auctoritatem respondet adfirmativè: *Augustinus dicit super primam Canonicam Ioannem, Charitas, cum fuerit nata, nutritur, quod pertinet ad incipientes; cum fuerit nutrita, roboratur, quod pertinet ad proficientes; cum fuerit roborata, perficitur, quod pertinet ad Perfectos. Ergo est triplex gradus charitatis.* Eximijs rationibus eandem con-

Quæst. 19.  
art. 8.

Quæst. 24.  
art. 8.

clusionem confirmat, & concludit de charitate perfecta: *Tertium studium est, ut homo ad hoc principaliter intendat, ut Deo inbareat, & eo fruatur. Et hoc pertinet ad perfectos, qui cupiunt dissolvi, & esse cum Christo. Quod sola, quæ omnem servilem gehennarum metum, omnemque adfixivum creaturæ amorem foras pepulit, bonæ ac in Deum securæ conscientie charitas cupiat dissolvi & esse cum Christo, adeoque & sola perfecta sit, utcumque ostendi in Dissertatione, innumeris sanctorum Patrum testimonijs possit firmari, & ipsa experientia convincit. Creaturas, quibus quis per amorem adfigitur, deserere non potest sine dolore, adeoque & dumtaxat patienter queat mori. Quinque charitatis classes distinguit sanctus Augustinus, sanctus Thomas contrahit ad tres: Uti natam & nutritam, ita adultam & robustam constat in unam, ob rationes suo loco exponendas.*

Q 89. art. 2.

*Eisdem classes laudat etiam in tertia parte: Charitas proficiens vel perfecta est maior quam charitas incipiens. Sed quandoque aliquis cadit à charitate proficiente, resurgit autem in charitate incipiente. Et iterum: Ad tertium dicendum, quod una & eadem gratia maior est proficiens quam incipiens. Sed in diversis hoc non est necesse. Vnus enim incipit à maiore gratia, quam alius habeat in statu profectus, sicut Gregorius dicit in libro Dialogorum: Quatenus & presentes & secuturi omnes agnoscerent, Benedictus puer conversationis gratiam à quanta perfectione capisset. Etiam in libris de gentium vocatione sanctus Prosper humanæ justificationis exordia dicit in varijs esse diversa: Huius preparationis non unus semper profectus, nec una mensura est. Quoniam multi modis & innumerabilibus differentiis gratia opera & dona variantur, inq; ipsis singulis generibus munerum dissimiles sunt gradus & impares quantitates. Sicut enim in germinibus herbarum atque lignorum, quæ terra producit, non una species, nec unum in omnibus genus est, sed singula quaque in sui seminis forma, & in sua stirpis qualitate gignuntur, plenum autem decorem non statim ut eduntur accipiunt, sed certis & ordinatis provehuntur augmentis, donec ad perfectam sui habitum quantitatem per succedentia sibi incrementa perveniant; ita & semina Charismatum, plantaq; virtutum, non in omni agro cordis humani totum hoc pariter quod sunt futura nascuntur: Nec facile reperitur in exordio maturitas, & in inchoatione perfectio. Exerit quidem frequenter potens & misericors Deus mirabiles istos suæ operationis effectus, & quibusdam mentibus, non expectata profectuum mora, totum simul, quidquid collaturus est, invehit. Regularem humanæ justificationis processum successivo plantarum incremento esse similem, ideoq; per modica & quasi insensibilia paulatim additamenta affirmat perfici: Plerosque nos non à nata, quæ saltem adfectu sit super omnia, charitate, sed à longè dilutioribus*

L. 2. c. 11.

rudimentis incipi & concipi in hominem novum; quia perfecta, robusta, adulta, nutrita, aut etiam nata charitate inchoentur, adseverat esse rarissimos, aut admodum paucos. Hanc doctrinam probat hic Doctor Angelicus: Ex istis paucis sanctus Gregorius adfirmat fuisse sanctum Benedictum. Episcopis, Clericis, Monachis, acquisitam vel acquirendam interioris hominis perfectionem ac plenam reformationem professis, & cunctis Christianæ Theologiæ Magistris, accurata laudatorum graduum notitia est summè necessaria: Sine ipsa quisquis humanæ justificationis Sacramentum scrutari tentarit, non poterit non cespitate periculossimè, immò & labi. Etenim definitiva sancti Augustini in libro de natura & gratia est sententia: *Charitas inchoata, inchoata iustitia est; charitas perfecta, perfecta iustitia est; charitas magna, magna iustitia est; charitas perfecta, perfecta iustitia est.* Quæ omnia latius exquirunt examen.

L. 1. c. x.

Cap. 70.

*Mortalis peccati conscientiam habenti ministro, antequam Sacramentorum Administrationis sese ingerat, qualiter sit agendum?*

**A**liud Accusationis caput est ex Dissertationis doctrina sequi, ut Sacramentorum in novo Testamento Ministri, si forsàn mortalis peccati remorsu graventur, sine prævia Sacramentali Confessione non possint suo Ministerio fungi, atque ita ruralium præsertim Ecclesiarum Rectores coniciantur in multam & duram conscientiæ anxietatem. Respondeo quæstionem hanc per soloscholarum Doctores, per nullum Ecclesiæ antiquum Patrem esse lucidè motam ac decisam, ideòque dubiam & implexam. De substantiali per iniquos datorum aut acceptorum Sacramentorum validitate disputans adversum Donatistas sanctus Augustinus, ejusmodi multos, & Clericos & laicos, fatetur esse in Ecclesia, solùmque arguit, quòd *corde non mutatio baptizarentur & baptizarent*, aut alia darent aut acciperent Sacramenta. Et infrà: *Baptismo Ecclesia baptizare possunt, quod necipsis prodest nec accipientibus, nisi intrinsecus verà conversione mutantur.* Et Pseudo Apostolos, ex pessimo in Paulum Apostolum livore prædicantes Evangelium, ideòque in peccati mortalis reatu hærentes, non de statu illo, sed de solo conversi cordis defectu arguit ipse Paulus: Quòd *non castè* Evangelizarent. Procul dubio, inquit in libris adversus Cresconium Donatistam sanctus Augustinus, id ipsum illi adnunciabant quod Paulus, non tamen eo animo, non eà voluntate, non ex charitate, sed ex invidia & ex contentione. Et in libris adversus Parmenianum Donatistam: *Spiritus sanctus in Ecclesia Præposito vel Ministro sic inest, ut si factus non est, operetur per eum Spiritus sanctus, & ad eius mercedem in salutem sem-*

L. 4. de  
Bapt. c. 2. 3

L. 1. c. 7.

L. 1. c. 11.

sempiternam, & eorum Regenerationem vel adificationem, qui per eum sic consecrantur sive Evangelizantur. Si autem fictus est, quoniam verisimè scriptum est, SPIRITUS SANCTUS DISCIPLINAE EFFUGIET FICTUM, deest quidem saluti eius, ut auferat se à cogitationibus quæ sunt sine intellectu, Ministerium tamen eius non deserit, ut per eum operetur salutem aliorum. Sacramenti ac verbi Ministerium jubet dumtaxat veracem esse, & non fictum: Fictum esse addit, non eum qui in reatu sit peccati mortalis, sed qui non callâ ministret voluntate. Et quis veram contriti cordis conversionem adfirmet non esse voluntatem castam? Quis esse dicat sine intellectu cogitationes, à quibus se auferat Spiritus sanctus? Eandem doctrinam alijs etiam in locis sanctus Augustinus inculcat, atque ita lucet castum seu recti, seu conversi cordis finem ad legitimum Sacramenti ac verbi Ministerium omninò requiri. An sufficiat, & sanctificantis gratiæ statum non oporteat adjungi, nec Augustinus, nec quis alius Ecclesiæ Pater lucidè expressit. Doctores Scholastici passim volunt statum illum necessarium, at de necessitatis causa & fundamento sunt admodum divisi, & acriter digladiantur. Alij solam Contritionem, alij actualementiam Confessionem exigunt à peccatore Ministrato: Prout aliam & aliam justificandi virtutem Contritioni adscribunt. A primis, apud quos quævis vera charitas & Contritio fixâ lege justificabat sine Sacramento, Scholasticæ Theologiæ Auctoribus moveri cœpit hæc quæstio, atque ita illis certum fuit ac esse debuere gratiæ statum in Ministro requiri. Sanctissimos & Doctores & Discipulos semper habuit Scholastica Theologia, ideòque adimpleta illi est hæc Divina per Apostolum promissio: *Si quid aliter sapit, vobis Deus revelabit.* Quòd quævis Contritio non justificet sine Sacramento, jam pridem ei revelatum est, mansit tamen dubium, de quo in tertia Parte sanctus Thomas: *Ad tertium dicendum, quod ille, qui est in peccato mortali, non est perplexus simpliciter, si ex officio ei incumbat Sacramenta dispensare. Quia potest pœnitere de peccato suo, & licitè ministrare. Non est autem inconveniens, quòd sit perplexus supposito quodam, scilicet quòd velit remanere in peccato. In articulo tamen necessitatis non peccaret baptizandum casu, in quo etiam laicus posset baptizare. Sic enim patet, quod non exhiberet se Ministrum Ecclesiæ, sed subveniret necessitatem patienti. Secus est autem in alijs Sacramentis, quæ non sunt tanta necessitatis, ut Baptismus. Distinguit duplicem facti speciem, in qua ordinarius, peccati mortalis conscientiam habens, Minister cogatur aliquod Sacramentum ex officio ministrare. Item inter necessitatis & solius utilitatis Sacramenta distinguit. Prima facti species est, dum necessitas non est tanta, quin patiatur Sacramentum dari solenniter, & Sacerdotem agere ut publicum*

Quæst. 64.  
art. 9.



cum Christi Domini & Ecclesiæ Ministrum. Altera est summa necessitas, cui festinatione opus sit, ideòque Sacerdos tamquam laicus cogatur sine solennibus rituum ornamentis nudum Baptismum dare. Neutro in casu aëqualem Confessionem, & in solo primo Contritionem exigit sanctus Doctor: Ejus solius, qui in peccato mortali permanere velit, Sacerdotis solenne Ministerium damnat peccati mortalis. Ita cum Sylvester, & alij passim Thomistæ exponunt, Agit de solo ordinario Ministro, de quo & statuit Sacrosancta Synodus Tridentina: Nullus sibi conscius mortali peccati, quantumcumq; sibi contritus videatur, absque præmissa Sacramentali Confessione ad Sacram Eucharistiam accedere debet. Quod à Christianis omnibus, etiam ab iis Sacerdotibus, quibus ex officio incumbitur celebrare, hac Sancta Synodus perpetuò servandum esse decrevit, modò non desit illi copia Confessoris. Quod si necessitate urgente, Sacerdos absque prævia Confessione celebraverit, quam primum confiteatur. Nullum Sacramentum, nullum Ecclesiæ Ministerium est Sacrosancta Eucharistia, ejusque consecratione & celebratione sanctius, ideòque nulla humana actio majorem in suo agente requirit sanctitatem: A peccatore requirit justificationem certam, quæ fiat per Sacramentalem Reconciliationem. Unicum exceptum casum declarat laudata Synodus: Dum Curatus Sacerdos ex officio celebrare debet, nec habet copiam Confessoris. De qua exceptione rectè ad tertiæ partis supplementum scribit Franciscus Sylvius: Non dicitur à Tridentino Concilio, quod illi, taliter sine Confessione celebrantes Curati Sacerdotes, sine per Contritionem iustificati, sed declaratur quod ab incurssione novi peccati excusentur, etiamsi celebrent aut communicent. Verisimile autem est quod peccatorum remissionem accipiant in devota communionem. Quæ eadem docui in Dissertatione. Eamdem exceptionem obtinere existimo in cunctis alijs Sacramentis. Quivis, inquam, in peccato existens Sacerdos, antequam sacro Ministerio se miscet, confiteri debet; Curatus tamen, si Confessor non sit ad manum, debitæ erga Dominum Deum ac ejus Sacramentum reverentiæ per solam Contritionem satisfacit: Et hic est, licet per Ecclesiam lucidè necdum definitus, communis sensus meliorum Magistrorum. Et Romanum, Pauli quinti Pontificis jussu editum, Pastorum Rituale habet: Sacerdos, utique Curatus, si fuerit peccati mortalis sibi conscius, quod absit, ad Sacramentorum Administrationem non audeat accedere, nisi prius corde peniteat. Sed si habeat copiam Confessarij, & temporis locique ratio ferat, convenit confiteri. Quin immò de quovis peccati mortalis sibi conscio Sacerdote scribit laudatus Sylvius: Ad evitacionem peccati, saltem mortalis, sufficit quod Minister ita peccati adfectum deposuerit, ut per veram Penitentiam se

Quæst. 5.  
art. x.

Quæst. 64.  
art. 6.

ad

ad iustitiam & sanctitatem disponat. Et hæc est ejus generalis conclusio: Quamvis, talem Sacerdotem ad Sacramentalem Confessionem obligans, sententia magnam habeat probabilitatem, & sit securior, sufficere tamen videtur, si Minister sibi de mortali peccato conscius veram Pœnitentiam habeat, priusquam aliquod Sacramentum ministraret. Et ipsum per Contritionem non iustificari habet pro certo. Hic rursùm scribit: *Premittendum est, eum censeri in peccato mortali ministrare, qui alicuius talis est sibi conscius, neque tamen sincerè pœnitet, veram animi detestationem & dolorem concipiens.* Verùm hæc omnia requirunt longiùs examen.

## CAPUT SEPTIMUM.

*Exponitur Sanctorum Thomæ Aquinatis, Thomæ de Villa-Nova, Francisci Saleji, ac Bernardini Senensis de Contritione sententia.*

**S**ANCTORUM Ecclesiæ Patrum de Contritione sensum in Dissertatione utcumque exposui. Post ipsos adducere nequeam testes majores, quam quos irrefragabili & omnis exceptionis immuni auctoritate ornavit Beatissimus Pater noster Alexander septimus, immò per ipsum Spiritus sanctus, Primus sit sanctus Thomas Aquinas, non solum apud Romanam ac omnem Latinam, sed & apud Orientalem Ecclesiam plenè authenticus, cujus dogmata laudatus Pater noster, juxta Antecessorum suorum Apostolica oracula, declaravit tutissimam, inconcussam, venerandam ab omnibus atque tenendam.

In tertia Angelicæ suæ Summæ parte docet peccatum actuale mortale sine Pœnitentia non posse remitti, probatque hoc modo: *Offensa peccati mortalis procedit ex hoc, quòd voluntas hominù est aversa à Deo per conversionem ad aliquod bonum commutabile. Undè requiritur ad remissionem Divinæ offensa, quòd voluntas hominù sic immutetur, ut convertatur ad Deum cum detestatione conversionis prædictæ. & Proposito emende, quod pertinet ad rationem Pœnitentia prout est virtus. At verò voluntatem nostram per solum sine casta Dei dilectione servilem timorem, aut ipso solo formatum ac tinctum de peccatis dolorem converti ad Deum est adedò impossibile & paradoxum, ut omnis solo illo timore actus & agens homo pœnam uti malum principale timeat, & in proprio commodo finem ponat ultimum, ideòque perseveret in mortaliter prava voluntate. Quod contingit, inquit sanctus Doctor, in non habentibus charitatem.*

Pergit in articulo sequenti: *Peccatum mortale non potest sine vera Pœnitentia remitti, ad quam pertinet deserere peccatum, in quantum est contra Deum.* Non quia nos æternis addixit gehennis, sed quia Divinam Majesta-

Quest 86.

art. 2.

2. 2 q. 19.

art. 4.

jestatem offendit & læsit. Et infra in responsione ad quartum argumentum: *Debitum culpa contrariatur amicitia*, idèdque remitti non potest nisi reparetur nostra ad Divinam Majestatem amicitia, castusque amor, de quo pergit in articulo sexto: *Ad secundum dicendum, quod in iustificatione impij non solàm est actus Pœnitentia, sed etiam actus fidei.* Et idèd remissio culpa non ponitur effectus solùm Pœnitentia virtutis, sed principalis fides & charitatis.

Art. 6.

Quòd vera Pœnitentia ex fide & charitate nasci & formari debeat, disertè tradit in alia ejusdem partis quæstione: *Ad secundum dicendum, quod ex quo aliquis peccatum incurrit, charitas, fides, & misericordia non liberant hominem à peccato sine Pœnitentia.* Requirit enim charitas, quòd homo doceat de offensa in amicum commissà, & quod amico studeat satisfacere. Impetrandæ peccatorum remissioni adfirmat charitatem esse penitus necessariam, addens non quamvis sufficere, sed eam solam, quæ in Pœnitentiæ vultum formetur & affectum. Et iterùm: *Si in actu Pœnitentia consideretur sola displicentia peccati præteriti, hoc immediatè ad charitatem pertinet, sicut & gaudere de bonis præteritis.* Sed intentio operandi ad desertionem peccati præteriti requirit specialem virtutem sub charitate. Germanæ Pœnitentiæ actum dicit esse complexum, ac in ipso reperiri etiam proprium charitatis motum, de quo iterùm scribit: *Ad quartum dicendum, quod Pœnitentia, licet sit species iustitiæ, comprehendat tamen quodammodò ea, quæ pertinent ad omnes virtutes.* In quantum enim est iustitia quadam hominis ad Deum, oportet quod participet ea quæ sunt virtutum Theologicarum, quæ habent Deum pro obiecto. Undè Pœnitentia est cum fide passionis Christi, & cum spe veniæ, & cum odio visiorum, quod pertinet ad charitatem.

Quæst. 84.

art. 5.

Q. 85. art. 2.

Art. 3.

Germanæ Pœnitentiæ actum esse ex varijs complexum adfirmat ex professo in quinto ejusdem quæstionis articulo, singulosque edicit: Quorum actuum primum principium est Dei operatio convertenti cor. Secundus actus est motus fidei. Tertius est motus timoris servilis, quo quis timore suppliciorum à peccatis retrahitur. Quartus actus est motus spei, quo quis sub spe veniæ consequenda adsumit Propositum emendandi. Quintus actus est motus charitatis, quo alicui peccatum displicet secundum seipsum, & non iam propter supplicia. Loquitur ex sancti Augustini ad Anastasium Epistola: Qui gehennas metuit, non peccare metuit, sed ardere. Ille autem peccare metuit, qui peccatum ipsum sicut gehennas odit. Et ex isto articulo sextum sextæ suæ Sessionis caput manifestè desumpsit sacrosancta Synodus Tridentina.

Eandem veritatem docere pergit in Supplemento. Secundum Augustinum, inquit argumentum sed contrà, omnis dolor in amore fundatur:

Quæst. 3.

art. 2.

Sed

*Sed amor charitatu, in quo fundatur dolor Contritionis est maximus : Ergo & dolor Contritionis est maximus. Quod ipsum confirmat articuli corpus, alium sensualem, alium rationalem in Contritione distinguens dolorem, & pergens de posteriori : Hic est essentialiter ipsa Contritio, qui nihil est aliud, quam displicentia prateriti peccati, & talis dolor in Contritione excedit omnes alios dolores. Quia quantum aliquid placet, tantum contrarium eius displicet ; finis autem ultimus super omnia placet, cum omnia propter ipsum desiderantur : Et ideo peccatum, quod à fine ultimo avertit, super omnia displicere debes. Peccati displicentiam seu odium adfirmat nasci oportere ex complacentia & amore finis ultimi, qui est Deus in sæcula benedictus. Et rursus in alia questione : Ad tertium dicendum, quod dolor Contritionis, quamvis sit finitus quantum ad intensiorem, habet tamen infinitam virtutem ex charitate, qua informatur, & secundum hoc potest valere ad dilectionem culpa & pena.*

*Omnino notanda est doctrina articuli sequentis, duplicem rursus in Contritione dolorem distinguens, & pergens de rationali : Hic est displicentia peccati commisi. Et potest esse adeo parvus, quod non sufficiat ad rationem Contritionis. Ut si minus displicet peccatum, quam debeat displicere separatio à fine. Sicut etiam amor potest esse ita remissus, quod non sufficit ad rationem charitatis. Loquitur ex sancto Augustino, scribente de æterna atque incommutabili, quæ Deus est, iustitia : Dum iusti, operum iustitia, non sumus, minus eam diligimus, quam ut iusti esse valeamus. Dilutum istum iustitiæ amorem latius exponit in libris Confessionum. Post à sancto Simpliciano auditam victorini Rhetoris conversionem ait incommutabilem Christianæ iustitiæ veritatem & pulchritudinem fuisse à se & cognitas & dilectas, verum dilectione nimium diluta, & pergit : Veritatem percepto iam certa erat, ego autem adhibebam obligatum militare tibi recusabam, & impedimentum omnibus sic timebam expediri, quemadmodum impediri timendum est. Ita sarcina sæculi, velut somno adsolet, dulciter premebas : Et cogitationes, quibus meditabar in te, similes erant conatibus expergisci volentium, qui tamen superati soporis altitudine remorantur. Et sicut nemo est qui dormire semper velit, omniumque sano iudicio vigilare prestat, differt tamen plerumque homo somnum exsistere, cum gravi torpor in membris est, eumque displicentem carpit libentius, quamvis surgendi tempus advenerit ; ita certum habebam esse melius tua charitati me dedere, quam mea cupiditati cedere. Sed illud placebat & vincebat, hoc lubebat & vincebat. Non enim erat quod tibi responderem dicenti mihi, SURGE QUI DORMIS, ET EXURGE A MORTUIS, ET ILLUMINABIT TE CHRISTUS. Et undique ostendens vera te dicere, non erat omnino quod responderem veritati convicium, nisi*

Quest. 5.  
art. 2.

L. 8. de  
Trinit. c. 6.

L. 8. c. 5.

*tantum verba lenta & somnolenta, Modò, ecce modò, sine paululum. Sed modò & modò non habebant medium: Et sine paululum ibat in longum. Hec est illa charitas, quâ adhuc adolescens orarat ad Dominum: Da mihi castitatem & continentiam, sed non modò. Timebas ne citò ipsum exaudiret Deus, & citò sanaret à morbo concupiscentia, quam malebat expleri, quam exstinguere. Est vera supremæ justitiæ dilectio, verum adeò modica & diluta, ut nequidem adfectu Deum diligit super omnia, sed ipsi quasdam præferat cupiditates. Eam Augustinus passim vocat primam charitatis scintillam, exordia, & rudimenta: Ad Contritionem & justificationem non sufficere rectè adfirmat sanctus Thomas.*

Cap. 7.

Eodem in supplemento ad quæstionem, An majorem de Dei offensa, quam de æterna gehenna displicentiam debeat involvere vera Contritio, respondet: *Ad quantum dicendum, quod quantitas displicentia de aliqua re debet esse secundum quantitatem malitia ipsius. Malitia autem in culpa mortali mensuratur ex eo, in quem peccatur, in quantum est ei indigna; & ex eo qui peccat, in quantum est ei nociva. Et quia homo debet magis Deum quam seipsum diligere, idèd plus debet odire culpam, in quantum est offensa Dei, quam in quantum est nociva sibi. Loquitur ex Theodoret, Cyrensis in Euphratesia Provincia Episcopi, commentario in Apostolicam ad Romanos Epistolam: Non est propter bona promissa amandus Deus, sed illa propter ipsum expetenda. Neque enim qui sincerè in al quem divitem adfectum est, eum propter opes & facultates diligit, sed propter suum in eum adfectum res etiam, quæ ad ipsum pertinent, diligit. Ita etiam Divinus Apostolus. Nolle, inquit, habere Regnum cælorum, & omnia quæ videntur, & quæ intelligibilia percipiuntur, & tot tantæque alia hæc & cetera sine dilectione in Christum. Si quis mihi tum præsentia, tum futura molesta & aspera proposuerit, & temporalem atq; æternam mortem, & longissimum in gehenna supplicium, unâ cum dilectione in ipsum libentius & alacrius hoc susciperem, quam illa magna & præclara, & quæ verbis exprimi nequeunt, Dei dilectione frustratus. Et de sancto Anselmo Cantuariensi Archi Episcopo scribit Henricus Cnychtonus: Anselmus frequenter dicere solebat se malle esse sine peccato in inferno, quàm in cælo cum peccato. Quod vera Pœnitentia peccatum sicut gehennas odisse debeat, jam frequenter audivimus à sancto Augustino. Eandem doctrinam hic confirmat Doctor Angelicus, & ex tali charitate adfirmat formandam veram Contritionem. Definitiva est hæc ejus ibidem sententia: Dolor Contritionis à charitate causatur.*

Quæst. 3.  
art. 1.

Cap. 8.

L. 2. c. 8.

Quæst. 4.  
art. 1.

Sacro sancti Tridentini Concilij Patribus cur non adnumeremus sanctum Thomam de Villa-Nova, Valentium in Hispania Archi-Epis-

copum? Licet Synodum ex causis non accesserit, omnino tamen de ipso dici debeat, quod de sancto Cypriano & Nicæna Synodo scribit sanctus Augustinus: *Spiritu interfuit*. Suos enim Hispaniæ Collegas, in marino ad Tridentinam urbem itinere periclitatos liberavit à naufragio, & cunctos ibidem Patres suis verè Episcopali bus literis & consilijs insigniter adjuvit. Eum publicis Sanctorum tabulis inscripsit, insigni apud Gondulsi Castellū Ecclesia ornavit Beatissimus Pater Alexander septimus, & nocturno ejus officio inseruit hocce Encomion: *Scientiam Sanctorum à Domino vehementissimè postulavit*. Hic ergo tantus Doctor & Pastor in Dominicæ Passionis Dominica hanc populo suo tradidit de Contritione doctrinam: *Contritio, iuxta Theologorum sententiam, est dolor voluntariè adsumptus pro peccato, cum proposito confitendi & satisfaciendi*. Potest addi: *Et iterum non peccandi*. Cum Doctore Angelico dolorem illum affirmat oportere esse rationalem, & pergit: *Dicitur, Voluntariè adsumptus, propter quod & Pœnitentia in morte suscepta aliquo modo suscepta est, quia non voluntate liberâ, sed magis timore fit, & quasi quâdam violentiâ instantis periculi*. Quo principio abusus Martinus Lutherus omnem ex timore servili conceptam Pœnitentiam dixit esse hypocrisis, involuntariam, fictam, & coactam. Pergit gloriosus Episcopus, ac etiam definitionis vocem, *Pro peccato, exponit: Non de damno, vel de pœna, vel de infamia, vel de turpitudine & vilitate peccati, sed dolendum est de peccato, prout offensa Dei, sic ut etiamsi nullum incommodum de peccato proveniret, neque esset infernus, aut iudicium, neque aliquis sciret, etiam displiceret peccatum, quia Deus fuit offensus*. Vera Contritio ex amore Dei debet procedere, non ex timore, aut ex amore sui. Vnde Augustinus: *Oportet Pœnitentem non solum Deum timere Iudicem, sed & iustum diligere*. Et infra: *Ex hac definitione possumus elicere quinque condiciones, quas debet habere dolor, ut sit perfectâ & consummata Contritio*. Ut quoad solâ sufficientiâ sit perfectâ. Prima quod sit purus, id est, propter Deum totaliter, vel principaliter, non propter damnum. Absolutè perfectâ est totaliter, quoad solam sufficientiam perfectâ saltem principaliter debet esse propter Deum. Secunda conditio est, quod sit pius, id est, non furiosus: *Vt faciunt quidam, qui seipsos dirè deovent, & conqueuntur de Deo, & peccatis addunt blasphemiam*. Tertia conditio est, quod sit maximus, appetiati- vè scilicet, non intensivè: *Vt plus doleas de peccato, quàm de quovis infortu- nio, vel morte uxoris aut filiorum*. Non intensivè: *Nam sensibilia mala magis movent nos*. Sed appetiati- vè, & in aestimatione: *Nam si daretur optio, potius eligeres pati quodcumque infortunium, & mortem filiorum, & tuam, immodè & infernum, & annihilationem tuam, quàm eligere peccatum*. Quarta conditio est, quod sit perpetuum: *Nam Pœnitentia cum vita finienda est*. Quinta conditio



conditio est, quoddam sit particularis de quovis peccato mortali, quod est in memoria. Non quoddam debeas habere tot dolores particulares, quot peccata recordari, ut quidam volunt; sed sufficit quoddam habere unum dolorem extensum, qui se extendat ad omnia peccata mortalia in particulari, qua recordari te fecisse. Non enim sufficit, si in confuso doleas de omnibus, & in generali quia es peccator magnus, & quia offendisti multum, sicut dolent Sancti, sed quoddam doleas de homicidio, de adulterio, de fornicatione, de furto, si commisisti in speciali: Ad quod non opus est habere multos dolores, sed sufficit unus intensus de omnibus in particulari consideratis. Has condiciones debet habere dolor, ut sit quoad sufficientiam perfecta Contritio.

Sancti Francisci Salesii, Gebennensis Episcopi, doctrinam & sanctionem quis ignorat? Et iam hunc in Ecclesiasticas Sanctorum tabulas retulit laudatus Pater noster, ejusque Canonico officio indidit hocce elogium: Franciscus suum Scriptum, celestem doctrinam refertur, Ecclesiam illustravit, quibus iter ad Christianam perfectionem tutum & planum demonstrat. In sanctissimis de Divino amore libris hanc ponit de Contritione doctrinam: La repentance, qui ne rejette pas l'amour de Dieu, quoy qu'elle soit encore sans icelui, est une bonne & desirable repentance, mais imparfaite, & qui ne nous peut donner le salut, insques à ce qu'elle atteigne à l'amour, & qu'elle soit meslée avec icelui. Si que, comme le grand Apostre à dit, que s'il donnoit son corps, & tous ses biens aux pauvres, sans avoir la charité, cela lui seroit inutile: Aussi pouvons nous dire en verité, que quand nostre penitence seroit si grande, qui sa douleur fit fondre nos yeux en larmes, & fondre nos cœurs de regret, si nous n'avons le saint amour de Dieu, tout cela ne nous serviroit de rien pour la vie éternelle.

L.2.

Ejusdem sententiæ fuit in suis ad populum Quadagesimalibus concionibus magnum Ecclesiæ lumen, cujus publicum festum Romano Breviario imposuit Beatissimus Pater noster, sanctus Bernardinus Senensis: Ex his aperte elici potest, quoddam qui conteritur principaliter propter timorem inferni, & non propter amorem Dei, non est in statu salutis, quia non dolet amore Dei, sed amore sui, ut si cessaret damnatio ex perpetrata culpa, cessaret & Contritio illa. Sed secundum Scotum, licet ad veram Contritionem concurrat timor humilians, debet tamen concurrere amor inflammans. Unde etsi in peccatore initietur timor pœna, superveniens tamen amor salem timorem debet repellere.

Omittere nolum laudatissimos Fratris Didaci Stella in sancti Lucæ Evangelium Commentarios: Si tantum dolorem & Penitentiam tuorum peccatorum habueris, & illorum causam tot lacrymas fuderis, quot sunt gutta aqua in mari, si hanc Penitentiam & dolorem habueris solum, vel precipue id cavens ne in infernum eas, certissime scias te hac sola ratione dam-

Cap.6.

nan-

mandum fore. Nam in peccato duo considerare debes. Alterum, offensam quam adversus Dominum tuum commisisti; alterum verò malum, quod tibi ipsi comparasti, quia te ipsum ad aeternam pœnam obligasti. Si igitur te peccati tui potius pœnitet propter inferni cruciatum, quàm quòd Deum offenderis, manifestum est te potius id cavere & fugere quod contra te est, quàm quod adversus Deum. Unde fit ut te ipsum plusquàm Deum diligas, idèq; numquam peccatum tibi remittetur, quantumvis gravissimum dolorem habeas, nisi te pœniteris Deum offendisse. Hunc dolorem vocant Scholastici Attritionem, qua filia est amoris proprii, ut Contritio filia est amoris Divini. Innumera adduci possunt ejusmodi testimonia: Verùm quibus hæc non suffecerint, nec si quis ad prædicandam hanc veritatem à mortuis surrexerit, credent.

## CAPUT OCTAVUM.

## Epistola Epilogus.

**O**pponi nobis possit Martini Lutheri sermo de Pœnitentia: Contritio, sic enim capitis vocari vera Pœnitentia interior, duplici viâ paratur. Primum, per discensionem, collectionem, detestationem peccatorum, quâ quâ, ut dicunt, recogitat annos suos in amaritudine animæ suæ, ponderando peccatorum suorum gravitatem, damnum, sordiditatem, multitudinem; deinde amissionem aeternæ beatitudinis, ac aeternæ damnationis acquisitionem: Et alia quæ possunt tristitiam ac dolorem excitare. Hæc autem tristitia facit hypocritam, immò magis peccatorem: Quia solum timore Præcepti & dolore id facit. Et tales omnes indignè absolviuntur & communicantur. Et si liberè deberent, remoto Præcepto & minis panarum, confiteri, certè dicerent sibi non displicere vitam præteritam, quam sic coguntur displicere confiteri. Immo quòd magis timore Pœnæ & dolore damni sic convertuntur, eò magis peccant, & afficiuntur suis peccatis, quæ coguntur, non autem volunt odisse. Siquidem lex & cognitio peccati magis abundare facit peccatum. Et hæc est illa Contritio, quam ipsi vocant extra charitatem, non meritariam. Alij vocant Attritionem disponentem ad Contritionem. Sic enim ipsi opinantur. Quam opinionem, errorem ego indico. Secundò paratur Contritio per intuitum & contemplationem speciosissimæ iustitiæ, &c. Servilem sine omni charitate Attritionem manifestè damnat, ideoque ipsam prior meus Accusator vult à Sacrosancta Tridentina Synodo in fidei Canonem esse admissam. Quarto, inquit, an ullus, negare posset Concilium hic primum illum Contritionis modum tueri ac retinere, quem Lutherus rejiciebat, eisdem serè verbis descriptum? Profectò si unquam ex Conciliorum verbis colligere licuit quos hæresicos, quosve bonum errores damnaverint, hic manifestissimè patet adstrui veritatem Catholicam eo sensu, quo impugnarat Lutherus. Hoc esse palmare servilis

vilis Attritionis fundamentum adserunt aliqui, ideoque petierunt subverti.

Respondeo Monothelitas, Iconoclastas, ac Felicianos, non solum ob inductas vocum novitates, sed & ob vitiata sanctorum Patrum testimonia fuisse à sexta, septima, & Francosfordiensi Synodis merito damnatos. Est enim grassatio facinorosa. Etiam ab hæreticorum dictis quandoque pendet recti dogmatis aut Synodalis decisionis notitia, adeoque & in ipsa grassari possit esse facinus. Et talis omnino est adductus contextus Martini Lutheri. Cur ergo Accusator hisce verbis, *Alij vocant Attritionem disponentem ad Contritionem*, adjecit vocem, *Proximè*? An enim ad veram Contritionem servilis Attritio proximè disponat, est non modica quæstio, ejusque negativa pars non caret fundamentis. Longè majus est quod verbis, *Sic enim capit vocari vera Pœnitentia interior*, substraxerit, vocem, *Vera*. Quidam Lutheri tempore Scholastici Doctores Contritionem & Attritionem non more antiquo penes perfectam ac imperfectam duri ac distorti cordis trituram, sed penes inclusam charitatem distinguebant: Omnis vera, ex Dei amore formata, interior Pœnitentia erat illis Contritio, solam Attritionem servilem donabant toto vocabulo Attritionis. Hinc de voce, *Contritio*, dicit Lutherus: *Sic capit vocari vera Pœnitentia interior*. Utique apud Scholasticos Doctores. Hi enim etiam veram, verâque Dei dilectione formatam Pœnitentiam ex servili pœnarum metu, & alijs per Lutherum adductis exordijs frequenter, immò communiter concipi semper ex antiquis Ecclesiæ Patribus & Canonicis literis docuerunt. Laudatorum Patrum, dicto modo conceptam Pœnitentiam de veritate ac libertate suspectam quandoque habentium, testimonijs abusus Lutherus, lucidam veritatem obscurare & subvertere tentavit, cum Donatistis & Pelagianis blaterans nullam ita conceptam Pœnitentiam esse veram, adeoque nec esse Contritionem, sed dumtaxat servilem sipe charitate Attritionem, quæ nullo modo, etiam juxta ipsos istos Doctores, ad impetrandam peccatorum in Sacramento veniam disponeret, sed solummodò ad Contritionem. Passus est eam uti Contritionem & veram Pœnitentiam tradi à Catholicis, ast addidit tradi inconsequenter: Quod per timorem concepta & quasi extorta voluntas ipsi videretur non posse esse libera & vera. Eam garrivit esse motum non bonum, ideoque citra ejusmodi motum à nobis justificationem promitti per solum Sacramentum. Hunc ejus fuisse sensum, suprâ abundè ostensum est, confirmatque Ruardus Tapperus. Eundem errorem damnat Tridentina Synodus, definiens ex istis etiam ignobilibus exordijs conceptam Contritionem esse veram, Dei do-

num, liberam, sufficientem an impetrandam in Sacramento iustitiam, adeoque hominem per ipsam non fieri hypocritam, aut magis peccatorem. Quo circa servilis Attritio nequaquam est probata per Synodum, sed tamquam Lutherana in orthodoxos Doctores calumniam damnata & proscripta. Quod Lutherus in solam servilem Attritionem debacchatus, adeoque & ipsam probasse videretur Tridentina Synodus, Accusator expunxit vocem, *vera*.

Epist. 63.

Per hæc, Eximie Confrater, abundè me purgatum confido, & te Iudice absolvendum ab objectis erroribus. Quod varia, omni charitati & Contritioni subitam peccatorum veniam quasi promittentia, sacrarum literarum testimonia aut de sola perfecta, aut de sola per Sacramentum adjuncta imperfecta dilectione loquantur, utcumque ostendi. Errasse possim. Et ex corde amplector quod de suis Scriptis ad Sabinum, Placentinæ Ecclesiæ Episcopum, scripsit sanctus Ambrosius: *Nescio quo modo, præter imprudentia caliginem qua me circumfundit, unumquemque fallunt sua scripta, & autem prætereunt, atque filii etiam deformes delectant; sic etiam Scriptorem sermones indecores sui palpent. Incautiùs plerumque, aliquid promittitur, aliquid accipitur malevolentius, aliquid exit ambiguum: Tum quia alieno examinanda iudicio, non pro nostra debemus magis, quam pro aliena opinione trutinare, & disputare omnes scrupulos malevolentia. Alienus item semper esse studui à pessimo vitio, quod in Juliano Pelagianista notat, & evellendum suadet sanctus Augustinus: Quando animositatem, quâ teneris, viceris, tunc veritatem poteris tenere, quâ vinceres. Quam victoriam & mihi ipsi, & meis Accusatoribus ex corde exopto.*

L. 6 c. 26.

Per S. Fulgentij concludo & cum ipso apud Sardos exultantium Afrorum Episcoporum Synodalia in simili negotio verba: *Vos itaque, dilectissimi Fratres, per gratiam Dei estote stabiles & immobiles, ac tenentes veram fidem, exhibete Fratribus aliter sentientibus charitatem, nec de aliquo desperetis, quia qui hodie veritatem in aliquo non agnoscit, potest cras Deo revelante cognoscere. Deo enim subest, cum voles, posse. Oremus ergo pro eis, ut Dominus operetur in eis. Exhibeamus eis bonam voluntatem, de qua nos possumus habere mercedem, scientes quoniam in conspectu Dei quisquis de numero prædestinatorum fuerit, non peribit, & in omnibus voluntas Omnipotentis implebitur, ut per gratiam salvi fiant, & agnitionem veritatis, Domino illuminante, percipiant. Quod dum fiat, memoriam nostram non deserat S. Thalassij Abbatis ad Paulum Presbyterum scripta parænesis: *Ut in cæno aromata non inveniuntur, ita neque charitatis suaveolentia in anima iniuriarum memori.* Per Fratrum nostrorum in nos pusillanimitatem, tanquam per sinistra iustitiæ arma, læti ambulemus, & legendis aut evel-*

L. 1. cap. 16

evellendis aculeatis ipsorum spinis bonas, rebus serijs debitas, horas deinceps non perdamus. Hæc sunt quæ de nostratibus rebus significata volui, Deum Opt. Max. rogans, ut etiam his novissimis, in quos peccata nostra nos reservarunt, malorum temporum diebus Ecclesiam suam purgare & conservare dignetur ab omni scandalo iniquitatis. Optimam illam, quam ab Eutychio avo suo didicit, & quotidie recitare consuevit sanctus Eutychius Patriarcha Constantinopolitanus, orationem video mihi necessariam; Domine bonam mentem mihi elargire, & libera me de meo adversarijs. Hanc orationem ut pro me fundere dignetur & vestra Benignitas, ex corde precor. Vale.


## E R R A T A.

P. 31. in marg. q. 87. lege 85.

P. 33. in marg. dist. 3. 4. 5. 8. lege dist. 34. 9. 8.

P. 55. liq. 24. VOIS lege vos.

*Cætera minora cottiget Benignus Lector.*



K

CENSURA

# C E N S U R A.

Admodum Reverendi, Amplissimi, atque Eximij  
 Viri, *D. Jacobi Pontani. S. Theol. Doctoris ac Pro-*  
*fessoris, Insignis ad sanctum Petrum Colle-*  
*giatæ Ecclesiæ Decani, Privilegiorum*  
*Academiæ Lovaniensis Conservatoris*  
*Apostolici, nec non Regij Libro-*  
*rum Censoris, &c.*

**H***Æc Epistola familiaris in qua author doctrinam à se*  
*traditam in quadam Dissertatione de Christiana*  
*Contritione & Attritione, elucidat, & adversus sini-*  
*stram quorundam interpretationem exponit, nihil continet*  
*fidei Orthodoxæ, aut Christianis moribus repugnans. Dat.*  
*Lovanij die 25. April. 1667.*

JACOBUS PONTANUS S. Theol. Doctor  
 & Professor, ac Librorum Censor.

CENSURA

K

SUMMA



## SUMMA PRIVILEGIJ REGIJ.

**C**Autum est Regiæ Majestatis Privilegio, ne quis intra Novennium citra Viduæ Bernardini Maffii voluntatem imprimat, aut alibi impressum in hæc Ditiones invehat Libellum intitulatum, *Disseratio Dogmatica &c. circa Christianam Contritionem & Attritionem*, per Fr. CHRISTIANUM LUPUM, *Iprensem, Ord. Erem. S. Augustini S. Theol. in Vniuersitate Lovaniensi Doct. ac Profess.* Sub pœnis in Originali Diplomate contentis, dato Bruxellæ, die 8. Maij 1666,

& signato

LOYENS.

